

গীতিনাট্য ও নৃত্যনাট্য

—

রবীন্দ্রনাথ ঠাকুর

সূচী

কালমৃগয়া	1
চিত্রাঙ্গদা	31
বাল্মীকি প্রতিভা	87
শ্যামা	133
চণ্ডালিকা	173
মায়ার খেলা	223

কালমৃগয়া

প্র: অগ্রহায়ণ ১২৮৯ (1883)

সূচী

প্রথম দৃশ্য	5
দ্বিতীয় দৃশ্য	7
তৃতীয় দৃশ্য	9
চতুর্থ দৃশ্য	11
পঞ্চম দৃশ্য	15
ষষ্ঠ দৃশ্য	24

প্রথম দৃশ্য

— তপোবন —

— ঋষিকুমারের প্রবেশ —

বেলা যে চলে যায়, ডুবিল রবি।
ছায়ায় ঢেকেছে ঘন অটবী।
কোথা সে লীলা গেল কোথায়।
লীলা, লীলা, খেলাবি আয়॥

— লীলার প্রবেশ —

লীলা। ও ভাই, দেখে যা, কত ফুল তুলেছি।

ঋষিকুমার। তুই আয় রে কাছে আয়,
আমি তোরে সাজিয়ে দি-
তোর হাতে মৃণাল-বালা,
তোর কানে চাঁপার দুল,
তোর মাথায় বেলের সিঁথি,
তোর খোঁপায় বকুল ফুল॥

লীলা। ও দেখবি রে ভাই, আয় রে ছুটে,

মোদের বকুল গাছে
রাশি রাশি হাসির মতো

ফুল কত ফুটেছে।

কত গাছের তলায় ছড়াছড়ি

গড়াগড়ি যায়-

ও ভাই, সাবধানেতে আয় রে হেথা,

দিস নে দ'লে পায়॥

লীলা। কাল সকালে উঠব মোরা,

যাব নদীর কূলে।

শিব গড়িয়ে করব পূজো,

আনব কুসুম তুলে।

ঋষিকুমার। মোরা ভোরের বেলা গাঁথব মালা,

দুলব সে দোলায়।

বাজিয়ে বাঁশি গান গাহিব

বকুলের তলায়।

লীলা। না ভাই, কাল সকালে মায়ের কাছে

নিয়ে যাব ধরে-

মা বলেছে ঋষির সাজে

সাজিয়ে দেবে তোরে।

ঋষিকুমার। সন্ধ্যা হয়ে এল যে ভাই,

এখন যাই ফিরে-

একলা আছেন অন্ধ পিতা

আঁধার কুটিরে॥

দ্বিতীয় দৃশ্য

— বন —

— বনদেবীগণ —

প্রথম। সমুখেতে বহিছে তটিনী,
দুটি তারা আকাশে ফুটিয়া।

দ্বিতীয়। বায়ু বহে পরিমল লুটিয়া।

তৃতীয়। সাঁঝের অধর হতে
ম্লান হাসি পড়িছে টুটিয়া॥

চতুর্থ। দিবস বিদায় চাহে,
সরযু বিলাপ গাহে,
সায়াহেরই রাঙা পায়ে
কেঁদে কেঁদে পড়িছে লুটিয়া॥

সকলে। এসো সবে এসো, সখী,
মোরা হেথা বসে থাকি—

প্রথম। আকাশের পানে চেয়ে
জলদের খেলা দেখি।

সকলে। আঁখি-’পরে তারাগুলি
একে একে উঠিবে ফুটিয়া॥

সকলে। ফুলে ফুলে ঢ'লে ঢ'লে বহে কিবা মৃদু বায়।
 তটিনী হিল্লোল তুলে কল্লোলে চলিয়া যায়।
 পিক কিবা কুঞ্জে কুঞ্জে কুছ কুছ কুছ গায়,
 কী জানি কিসেরই লাগি প্রাণ করে হায়-হায়॥

প্রথম। নেহারো, লো সহচরী,
 কানন আঁধার করি
 ওই দেখো বিভাবরী আসিছে।

দ্বিতীয়। দিগন্ত ছাইয়া
 শ্যাম মেঘরাশি থরে থরে ভাসিছে।

তৃতীয়। আয়, সখী, এই বেলা
 মাধবী মালতী বেলা
 রাশি রাশি ফুটাইয়ে কানন করি আলা।

চতুর্থ। ওই দেখো নলিনী উথলিত সরসে
 অফুট মুকুলমুখী মৃদু মৃদু হাসিছে।

সকলে। আসিবে ঋষিকুমার কুসুমচয়নে,
 ফুটায় রাখিয়া দিব তারি তরে সযতনে।
 নিচু নিচু শাখাতে ফোটে যেন ফুলগুলি,
 কচি হাত বাড়াইয়ে পায় যেন কাছে॥

তৃতীয় দৃশ্য

— কুটীর —

— অন্ধ ঋষি ও ঋষিকুমার —

— বেদপাঠ —

অন্তরিক্ষোদরঃ কোশো ভূমিবুধেন্া ন জীৰ্যতি
 দিশোহস্য স্তত্ৰয়ো দ্যৌরস্যোত্তরং
 বিলং স এষ কোশোবসুধানস্তস্মিন বিশ্বমিদং শ্রিতম॥
 তস্য প্রাচী দিগ জুহুর্নাম সহমানা নাম দক্ষিণা রাজ্ঞী
 নাম প্রতীচী সুভূতা
 নামোদীচী তাসাং বায়ুর্ব সঃ স য এতমেবং বায়ুং দিশাং
 ব সং বেদ ন
 পুত্র রোদং রোদিতি সোহহমেতমেবং বায়ুং দিশাং ব সং
 বেদ মা পুত্ররোদং রুদম॥

অন্ধ ঋষি। জল এনে দে, রে বাছা, তৃষিত কাতরে।

শুকায়েছে কণ্ঠ তালু, কথা নাহি সরে॥

মেঘগর্জন

না, না, কাজ নাই, যেয়ো না বাছা—

গভীরা রজনী ঘোর, ঘন গরজে—

তুই যে এ অঙ্গের নয়নতারা।
 আর কে আমার আছে!
 কেহ নাই- কেহ নাই-
 তুই শুধু রয়েছিস হৃদয় জুড়িয়ে।
 তোরেও কি হারাব বাছা রে-
 সে তো প্রাণে স'বে না॥

ঋষিকুমার। আমা-তরে অকারণে, ওগো পিতা, ভেবো না।
 অদূরে সরযু বহে, দূরে যাব না।
 পথ যে সরল অতি,
 চপলা দিতেছে জ্যোতি-
 তবে কেন, পিতা, মিছে ভাবনা।
 অদূরে সরযু বহে, দূরে যাব না।

— প্রস্থান —

চতুর্থ দৃশ্য

— বন —

— বনদেবতা —

সঘন ঘন ছাইল গগন ঘনাইয়া,
 স্তিমিত দশ দিশি,
 স্তম্ভিত কানন,
 সব চরাচর আকুল
 কী হবে কে জানে
 ঘোরা রজনী,
 দিকললনা ভয়বিভলা॥

চমকে চমকে সহসা দিক উজলি
 চকিতে চকিতে মাতি ছুটিল বিজলী
 থরথর চরাচর পলকে ঝলকিয়া।
 ঘোর তিমিরে ছায় গগন মেদিনী
 গুরু গুরু নীরদগরজনে
 স্তব্ধ আঁধার ঘুমাইছে,
 সহসা উঠিল জেগে প্রচণ্ড সমীরণ,
 কড় কড় বাজ॥

— প্রস্থান —

— বনদেবীগণের প্রবেশ —

সকলে। ঝাম ঝাম ঘন ঘন রে বরষে।

দ্বিতীয়। গগনে ঘনঘটা, শিহরে তরুলতা-
ময়ূর ময়ূরী নাচিছে হরষে।

তৃতীয়।

দিশি দিশি সচকিত, দামিনী চমকিত-

সকলে। চমকি উঠিছে হরিণী তরাসে॥

প্রথম।

আয় লো সজনী, সবে মিলে-

সকলে। ঝর ঝর বারিধারা,

মৃদু মৃদু গুরু গুরু গর্জন-

এ বরষা-দিনে

হাতে হাতে ধরি ধরি

গাব মোরা লতিকা-দোলায় তুলে।

প্রথম। ফুটাব যতনে কেতকী কদম্ব অগণন-

দ্বিতীয়। মাখাব বরন ফুলে ফুলে।

পিয়াব নবীন সলিল, পিয়াসিত তরুলতা-

তৃতীয়।

লতিকা বাঁধিব গাছে তুলে।

চতুর্থ। বনেরে সাজায়ে দিব, গাঁথিব মুকুতাকণা,

প্রথম। পল্লবশ্যামদুকূলে।

দ্বিতীয়। নাচিব, সখী, সবে নবঘন-উৎসবে
বিকচ বকুলতরু-মূলে॥

— ঋষিকুমারের প্রবেশ —

ঋষিকুমার। কী ঘোর নিশীথ, নীরব ধরা,
পথ যে কোথায় দেখা নাহি যায়,
জড়ায়ে যায় চরণে লতাপাতা।
যাই, ত্বরা ক'রে যেতে হবে
সরযূতটিনীতীরে—
কোথায় সে পথ।
ওই কল কল রব—
আহা, তৃষিত জনক মম,
যাই তবে যাই ত্বরা।

বনদেবীগণ। এই ঘোর আঁধার, কোথা রে যাস!
ফিরিয়ে যা, তরাসে প্রাণ কাঁপে।
স্নেহের পুতুলি তুই,
কোথা যাবি একা এ নিশীথে—
কী জানি কী হবে,
বনে হবি পথহারা।

ঋষিকুমার। না, কোরো না মানা, যাব ত্বরা।
পিতা আমার কাতর তুষায়,

যেতেছি তাই সরযুনদীতীরে॥

বনদেবীগণ। মানা না মানিলি, তবুও চলিলি-
কী জানি কী ঘটে।

অমঙ্গল হেন প্রাণে জাগে কেন-
থেকে থেকে যেন প্রাণ কেঁদে ওঠে।
রাখ রে কথা রাখ, বারি আনা থাক-
যা, ঘরে যা ছুটে।

অয়ি দিগঙ্গনে, রেখো গো যতনে
অভয় স্নেহেছায়ায়।

অয়ি বিভাবরী, রাখো বুকে ধরি
ভয় অপহরি রাখো এ জনায়।
এ যে শিশুমতি, বন ঘোর অতি-
এ যে একেলা অসহায়॥

পঞ্চম দৃশ্য

— শিকারীগণের প্রবেশ —

বনে বনে সবে মিলে চলো হো!

চলো হো!

ছুটে আয়, শিকারে কে রে যাবি আয়।

এমন রজনী বহে যায় যে।

ধনুর্বাণ বল্লম লয়ে হাতে

আয় আয় আয়, আয় রে।

বাজা শিঙা ঘন ঘন—

শব্দে কাঁপবে বন,

আকাশ ফেটে যাবে,

চমকাবে পশু পাখি সবে,

ছুটে যাবে কাননে কাননে,

চারি দিকে ঘিরে যাব পিছে পিছে।

হোঃ হোঃ হোঃ হোঃ॥

— দশরথের প্রবেশ —

শিকারীগণ। জয়তি জয় জয় রাজন, বন্দি তোমারে—

কে আছে তোমা-সমান।

ত্রিভুবন কাঁপে তোমার প্রতাপে,
তোমারে করি প্রণাম॥

— শিকারীদের প্রতি —

দশরথ। গহনে গহনে যা রে তোরা-

নিশি বহে যায় যে।

তন্ন তন্ন করি অরণ্য

করী বরাহ খোঁজ গে!

এই বেলা যা রে।

নিশাচর পশু সবে

এখনি বাহির হবে-

ধনুর্বাণ নে রে হাতে, চল ত্বরূপে চল।

জ্বালায়ে মশাল-আলো

এই বেলা আয় রে॥

— প্রস্থান —

প্রথম শিকারী। চল চল ভাই,

ত্বরূপে করে মোরা আগে যাই।

দ্বিতীয়। প্রাণপণ খোঁজ এ বন, সে বন!

তৃতীয়। চল মোরা ক'জন ও দিকে যাই।

প্রথম। না না ভাই, কাজ নাই।

হোথা কিছু নাই- কিছু নাই

ওই ঝোপে যদি কিছু পাই।

তৃতীয়। বরা বরা!

প্রথম। আরে দাঁড়া দাঁড়া,

অত ব্যস্ত হলে ফস্কাবে শিকার।

চুপি চুপি আয়, চুপি চুপি আয়

ওই অশথতলায়।

এবার ঠিকঠাক হয়ে সবে থাক

সাবধান ধরো বাণ-

সাবধান ছাড়ো বাণ।

দুই-তিন জন। গেল গেল, ওই ওই পালায় পালায়।

চল চল-

ছোট রে পিছে, আয় রে ত্বরায় যাই॥

— প্রস্থান —

— বিদূষকের সভয়ে প্রবেশ —

বিদূষক। প্রাণ নিয়ে তো সটকেছি রে,

ওরে বরা, করবি এখন কী।

বাবা রে!

আমি চুপ করে এই

আমড়াতলায় লুকিয়ে থাকি।

এই মরদের মুরদখানা,

দেখেও কি রে ভড়কালি না!

বাহবা! সাবাস তোরে—

সাবাস রে তোর ভরসা দেখি॥

গরিব ব্রাহ্মণের ছেলে

ব্রাহ্মণীরে ঘরে ফেলে

কোথা এলেম এ ঘোর বনে—

মনে আশা ছিল মস্ত

চলবে ভালো দক্ষিণ হস্ত,

হা রে রে পোড়া কপাল,

তাও যে দেখি কেবল ফাঁকি॥

— শিকারীগণের প্রবেশ —

শিকারীগণ। ঠাকুরমশায় দেরি না সয়,
তোমার আশায় সবাই বসে
শিকারেতে হবে যেতে,
মিহি কোমর বাঁধো ক'ষে।
বন বাদাড় সব ঘেঁটেছুটে,
আমরা মরি খেটেছুটে,
তুমি কেবল লুটেপুটে
পেট পোরাবে ঠেসেঠুসে!

বিদূষক। কাজ কি খেয়ে, তোফা আছি
আমায় কেউ না খেলেই বাঁচি।
শিকার করতে যায় কে মরতে,

টুঁসিয়ে দেবে বরা-মোষে।
 টুঁ খেয়ে তো পেট ভরে না
 সাধের পেটটি যাবে ফেঁসে॥

— হাসিতে হাসিতে —

— শিকারীগণের প্রস্থান —

বিদূষক। আঃ বেঁচেছি এখন।

শর্মা ও দিকে আর নন।
 গোলেমালে ফাঁকতালে সটকেছি কেমন।
 দেখে বরা'র দাঁতের পাটি
 লেগেছিল দাঁত-কপাটি,
 পড়ল খ'সে হাতের লাঠি কে জানে কখন-
 আহা কে জানে কখন।
 চুলগুলো সব ঘাড়ে খাড়া,
 চক্ষুদুটো মশাল-পারা-
 গোঁ-ভরে হেঁট-মুখে তাড়া কল্লে সে যখন-
 রাস্তা দেখতে পাই নে চোখে,
 পেটের মধ্যে হাত পা ঢোকে,
 চুপসে গেল ফাঁপা ভুঁড়ি শঙ্কাতে তখন-
 আহা শঙ্কাতে তখন॥

— প্রস্থান —

— শিকার স্কন্ধে —

— শিকারীগণের প্রবেশ —

এনেছি মোরা এনেছি মোরা
রাশি রাশি শিকার।
করেছি ছারখার,
সব করেছি ছারখার।
বন-বাদাড় তোলপাড়
করেছি রে উজাড়।

— গাইতে গাইতে প্রস্থান —

— বনদেবীগণের প্রবেশ —

কে এল আজি এ ঘোর নিশীথে
সাধের কাননে শান্তি নাশিতে।
মত্ত করী যত পদ্মবন দলে
বিমল সরোবর মন্ত্রিয়া,
ঘুমন্ত বিহগে কেন বধে রে
সঘনে খর শরৎ সন্ধিয়া।
তরাসে চমকিয়ে হরিণ হরিণী
শ্বলিত চরণে ছুটিছে।
শ্বলিত চরণে ছুটিছে কাননে,
করুণ নয়নে চাহিছে।

আকুল সরসী, সারস সারসী
 শরবনে পশি কাঁদিছে।
 তিমির দিগ ভরি ঘোর যামিনী
 বিপদ-ঘনছায়া ছাইয়া
 কী জানি কী হবে আজি এ নিশীথে,
 তরাসে প্রাণ ওঠে কাঁপিয়া॥

— প্রস্থান —

— দশরথের প্রবেশ —

না জানি কোথা এলুম, এ যে ঘোর বন।
 কোথা সে করীশিশু, কোথা লুকালো!
 একে তো জটিল বন, তাহে আঁধার ঘন,
 যাক-না যাবে সে কত দূর, কত দূর-
 যাব পিছে পিছে-
 না না না না, ও কী শুনি!
 ওই-সে সরযুতীরে করিছে সলিল পান-
 শব্দ শুনি যে ওই, এই তবে ছাড়ি বাণ॥

নেপথ্যে বনদেবীগণ

হায় কী হ'ল! হায় কী হ'ল!
 বাণাহত ঋষিকুমারের নিকট দশরথের গমন
 কী করিনু হায়!
 এ তো নয় রে করীশিশু! ঋষির তনয়!

নিঠুর প্রখর বাণে রুধিরে আকুল কায়,
 কার রে প্রাণের বাছা ধুলাতে লুটায়!
 কী কুলগেন্না জানি রে ধরিলাম বাণ,
 কী মহাপাতকে কার বধিলাম প্রাণ!
 দেবতা, অমৃতনীরে হারা প্রাণ দাও ফিরে,
 নিয়ে যাও মায়ের কোলে মায়ের বাছায়॥

— মুখে জলসিঞ্চন —

ঋষিকুমার। কী দোষ করেছি তোমার,
 কেন গো হানিলে বাণ!
 একই বাণে বধিলে যে
 দুটি অভাগার প্রাণ।
 শিশু বনচারী আমি,
 কিছুই নাহিক জানি,
 ফল মূল তুলে আনি-
 করি সামবেদ গান।
 জন্মান্ত জনক মম
 তুষায় কাতর হয়ে
 রয়েছেন পথ চেয়ে-
 কখন যাব বারি লয়ে।
 মরণান্তে নিয়ে যেয়ো,
 এ দেহ তাঁর কোলে দিয়ো-

দেখো, দেখো, ভুলো নাকো,
কোরো তাঁরে বারি দান।
মার্জনা করিবেন পিতা-
তাঁর যে দয়ার প্রাণ॥

— মৃত্যু —

ষষ্ঠ দৃশ্য

— কুটীর —

— অন্ধ ঋষি —

আমার প্রাণ যে ব্যাকুল হয়েছে,
হা তাত, একবার আয় রে।
ঘোরা রজনী, একাকী,
কোথা রহিলে এ সময়ে!
প্রাণ যে চমকে মেঘগরজনে,
কী হবে কে জানে॥

— লীলার প্রবেশ —

লীলা। বলো বলো, পিতা, কোথা সে গিয়েছে।
কোথা সে ভাইটি মম কোন কাননে,
কেন তাহারে নাহি হেরি!
খেলিবে সকালে আজ বলেছিল সে,
তবু কেন এখনো না এল।
বনে বনে ফিরি 'ভাই ভাই' করিয়ে,
কেন গো সাড়া পাই নে॥

অন্ধ। কে জানে কোথা সে!

প্রহর গণিয়া গণিয়া বিরলে
 তারি লাগি ব'সে আছি
 একা হেথা কুটীরদুয়ারে-
 বাছা রে, এলি নে।
 ত্বরা আয়, ত্বরা আয়, আয় রে,
 জল আনিয়া কাজ নাই-
 তুই যে আমার পিপাসার জল।
 কেন রে জাগিছে মনে ভয়।
 কেন আজি তোরে হারাই-হারাই
 মনে হয় কে জানে॥

— লীলার প্রশ্ন —

— মৃত দেহ লইয়া দশরথের —

— প্রবেশ —

অন্ধ। এতক্ষণে বুঝি এলি রে!
 হৃদিমাঝে আয় রে, বাছা রে!
 কোথা ছিলি বনে এ ঘোর রাতে
 এ দুর্যোগে, অন্ধ পিতারে ভুলি।
 আছি সারানিশি হায় রে
 পথ চাহিয়ে, আছি তৃষায় কাতর-
 দে মুখে বারি! কাছে আয় রে॥

দশরথ। অজ্ঞানে করো হে ক্ষমা তাত, ধরি চরণে।
 কেমনে কহিব, শিহরি আতঙ্কে।
 আঁধারে সন্ধানি শরৎ খরতর
 করীভ্রমে বধি তব পুত্রবর
 গ্রহদোষে পড়েছি পাপপঙ্কে॥
 দশরথ-কতুক ঋষির নিকটে
 ঋষিকুমারের মৃতদেহ

— স্থাপন —

অন্ধ। কী বলিলে, কী শুনিলাম, এ কি কভু হয়!
 এই-যে জল আনিবারে গেল সে সরযুতীরে-
 কার সাধ্য বধে, সে যে ঋষির তনয়।
 সুকুমার শিশু সে যে, স্নেহের বাছা রে-
 আছে কি নিষ্ঠুর কেহ বধিবে যে তারে!
 না না না, কোথা সে আছে, এনে দে আমার কাছে-
 সারা নিশি জেগে আছি, বিলম্ব না সয়।
 এখনো যে নিরুত্তর, নাহি প্রাণে ভয়!
 রে দুরাত্মা, কী করিলি-

— অভিশাপ —

পুত্রব্যসনজং দুঃখং যদেতন্মম সাংপ্রতম
 এবং ত্বং পুত্রশোকেন রাজন কালং করিষ্যসি॥

দশরথ। ক্ষমা করো মোরে, তাত- আমি যে পাতকী ঘোর
 না জেনে হয়েছি দোষী, মার্জনা নাই কি মোর!
 সহে না যাতনা আর- শান্তি পাইব কোথায়!
 তুমি কৃপা না করিলে নাই যে কোনো উপায়।
 আমি দীন হীন অতি- ক্ষম ক্ষম কাতরে,
 প্রভু হে, করহ ত্রাণ এ পাপের পাথারে॥

অন্ধ। আহা, কেমনে বধিল তোরে!
 তুই যে স্নেহের পুতলি, সকুমার শিশু ওরে।
 বড়ো কি বেজেছে বুক! বাছা রে,
 কোলে আয়, কোলে আয় একবার-
 ধুলাতে কেন লুটায়! রাখিব বুক ক'রে॥

— কিয় ক্ষণ স্তম্ভভাবে অবস্থান ও অবশেষে —

— উঠিয়া দাঁড়াইয়া দশরথের প্রতি —

শোক তাপ গেল দূরে,
 মার্জনা করিনু তোরে॥

পুত্রের প্রতি

যাও রে অনন্ত ধামে মোহ মায়া পাশরি-
 দুঃখ আঁধার যেথা কিছুই নাই।
 জরা নাই, মরণ নাই, শোক নাই যে লোকে-
 কেবলই আনন্দস্রোত চলিছে প্রবাহি।

যাও রে অনন্ত ধামে, অমৃতনিকেতনে-
 অমরগণ লইবে তোমা উদার-প্রাণে
 দেব-ঋষি রাজ-ঋষি ব্রহ্ম-ঋষি যে লোকে
 ধ্যানভরে গান করে একতানে-
 যাও রে অনন্ত ধামে জ্যোতির্ময় আলয়ে
 শুভ্র সেই চিরবিমল পুণ্য কিরণে-
 যায় যেথা দানব্রত সত্যব্রত পুণ্যবান
 যাও ব স, যাও সেই দেবসদনে॥

— যবনিকাপতন —

— পুনরুত্থান —

— ঋষিকুমারের মৃতদেহ ঘেরিয়া বনদেবীদের গান —

সকলই ফুরালো স্বপনপ্রায়!
 কোথা সে লুকালো, কোথা সে হায়।
 কুসুমকানন হয়েছে শ্লান,
 পাখিরা কেন রে গাহে না গান-
 ও সব হেরি শূন্যময়- কোথা সে হায়!
 কাহার তরে আর ফুটিবে ফুল,
 মাধবী মালতী কেঁদে আকুল।
 সেই যে আসিত তুলিতে জল,
 সেই যে আসিত পাড়িতে ফল,

ও সে আর আসিবে না- কোথা সে হয়॥

— যবনিকাপতন —

চিত্রাঙ্গদা

প্র: ফাল্গুন ১৩৪২ (1936)

সূচী

1. প্রভাতের আদিম আভাস	37
2. মোহিনী মায়া এল	38
3. গুরু গুরু গুরু গুরু ঘন মেঘ	39
4. অহো, কী দুঃসহ স্পর্ধা	40
5. অর্জুন! তুমি অর্জুন	41
6. বেলা যায় বহিয়া	42
7. ওরে ঝড় নেমে আয়	43
8. সখী, কী দেখা দেখিলে	43
9. বঁধু, কোন আলো লাগল	44
10. যাও, যাও যদি যাও তবে	45
11. ক্ষণে ক্ষণে মনে মনে	46
12. দে তোরা আমায়	47
13. আমি তোমারে করিব	48
14. হায় হায়, নারীকে করেছি	48
15. রোদনভরা এ	49
16. ব্রহ্মচর্য!- পুরুষের স্পর্ধা	50
17. আমার এই রিক্ত ডালি	51
18. মণিপুরনৃপদুহিতা	52
19. এ কী দেখি	54
20. আমার অঙ্গে অঙ্গে	55
21. মীনকেতু	55
22. স্বপ্নমন্দির নেশায়	56
23. এরে ক্ষমা করো	57

24. কাহারে হেরিলাম	58
25. তুমি অতিথি	58
26. কোন ছলনা এ যে	59
27. হে সুন্দরী, উন্মথিত যৌবন	60
28. কোন দেবতা সে	61
29. আজ মোরে সপ্তলোক	62
30. সে আমি যে আমি নই	62
31. এ কী তৃষ্ণা, এ কী দাহ	63
32. অশান্তি আজ হানল	64
33. ভস্ম ঢাকে ক্লান্ত	65
34. কেটেছে একেলা	66
35. কেন রে ক্লান্তি আসে	67
36. হো, এল এল এল রে	68
37. সন্ত্রাসের বিহ্বলতা	69
38. কী ভাবিছ নাথ	70
39. ছি ছি, কু সিত কুরূপ	71
40. আগ্রহ মোর অধীর অতি	72
41. নারীর ললিত লোভন	73
42. যদি মিলে দেখা	74
43. ভাগ্যবতী সে যে	74
44. রমণীর মন-ভোলাবার	75
45. লহো লহো ফিরে লহো	76
46. তাই হোক তবে তাই হোক	77
47. বিনা সাজে সাজি	78
48. এসো এসো পুরুষোত্তম	79

49. হে কৌন্তেয়	80
50. আমি চিত্রাঙ্গদা	81
51. তৃষ্ণার শান্তি	82
52. এস' এস' বসন্ত	83

চিত্রাঙ্গদা: প্রভাতের আদিম আভাস

প্রভাতের আদিম আভাস অরুণবর্ণ আভার আবরণে।
 অর্ধসুপ্ত চক্ষুর 'পরে লাগে তারই প্রথম প্রেরণা।
 অবশেষে রক্তিম আবরণ ভেদ ক'রে সে আপন
 নিরঞ্জন শুভ্রতায়
 সমুজ্জ্বল হয় জাগ্রত জগতে।
 তেমনি সত্যের প্রথম উপক্রম সাজসজ্জার বহিরঙ্গে,
 বর্ণ বৈচিত্র্যে-
 তারই আকর্ষণ অসংস্কৃত চিত্তকে করে অভিভূত।
 একদা উন্মুগ্ন হয় সেই বহিরাচ্ছাদন,
 তখনই প্রবুদ্ধ মনের কাছে তার পূর্ণ বিকাশ।
 এই তত্ত্বটি চিত্রাঙ্গদা নাট্যের মর্মকথা।
 এই নাট্যকাহিনীতে আছে-
 প্রথমে প্রেমের বন্ধন মোহাবেশে,
 পরে তার মুক্তি সেই কুহক হতে
 সহজ সত্যের নিরলংকৃত মহিমায়॥

চিত্রাঙ্গদা: মোহিনী মায়া এল

মোহিনী মায়া এল,

এল যৌবনকুঞ্জবনে।

এল হৃদয়শিকারে,

এল গোপন পদসঞ্চারে,

এল স্বর্ণকিরণবিজড়িত অশ্লকারে।

পাতিল ইজালের ফাঁসি,

হাওয়ায় হাওয়ায় ছায়ায় ছায়ায়

বাজায় বাঁশি।

করে বীরের বীর্যপরীক্ষা,

হানে সাধুর সাধনদীক্ষা,

সর্বনাশের বেড়াজাল

বেষ্টিল চারি ধারে।

এসো সুন্দর নিরলঙ্কার,

এসো সত্য নিরহঙ্কার-

স্বপ্নেত্র দুর্গ হানো,

আনো, আনো মুক্তি আনো-

ছলনার বন্ধন ছেদি

এসো পৌরুষ-উদ্ধারে॥

চিত্রাঙ্গদা: গুরু গুরু গুরু গুরু ঘন মেঘ

১

— প্রথম দৃশ্য — চিত্রাঙ্গদার শিকার আয়োজন —

গুরু গুরু গুরু গুরু ঘন মেঘ গরজে পর্বতশিখরে,

অরণ্যে তমশ্ছায়া।

মুখর নির্ঝরকলকল্লোলে

ব্যাধের চরণধ্বনি শুনিতে না পায় ভীরু

হরিণদম্পতি।

চিত্রব্যাস পদনখচিহ্নরেখাশ্রেণী

রেখে গেছে ওই পথপঙ্ক-পরে,

দিয়ে গেছে পদে পদে গুহার সন্ধান॥

চিত্রাঙ্গদা: অহো, কী দুঃসহ স্পর্ধা

বনপথে অর্জুন নিদ্রিত

শিকারের বাধা মনে করে চিত্রাঙ্গদার সখী তাঁকে
তাড়না করলে

অর্জুন। অহো, কী দুঃসহ স্পর্ধা!

অর্জুনে যে করে অশ্রদ্ধা

সে কোনখানে পাবে তার আশ্রয়!

চিত্রাঙ্গদা। অর্জুন! তুমি অর্জুন!

— বালকবেশীদের দেখে সকৌতুক অবজায় —

অর্জুন। হাহাহাহা হাহাহাহা, বালকের দল,

মা'র কোলে যাও চলে- নাই ভয়।

অহো, কী অদ্ভুত কৌতুক।

— প্রস্থান —

চিত্রাঙ্গদা: অর্জুন! তুমি অর্জুন

চিত্রাঙ্গদা। অর্জুন! তুমি অর্জুন!

ফিরে এসো, ফিরে এসো—

ক্ষমা দিয়ে কোরো না অসম্মান,

যুদ্ধে করো আহ্বান!

বীর-হাতে মৃত্যুর গৌরব

করি যেন অনুভব—

অর্জুন! তুমি অর্জুন!

—

হা হতভাগিনী, একি অভ্যর্থনা মহতের,

এল দেবতা তোর জগতের,

গেল চলি,

গেল তোরে গেল ছলি—

অর্জুন! তুমি অর্জুন!

চিত্রাঙ্গদা: বেলা যায় বহিয়া

সখীগণ। বেলা যায় বহিয়া, দাও কহিয়া

কোন বনে যাব শিকারে।

কাজল মেঘে সজল বায়ে

হরিণ ছুটে বেণুবনচ্ছায়ে॥

চিত্রাঙ্গদা। থাক থাক, মিছে কেন এই খেলা আর।

জীবনে হল বিতৃষ্ণা, আপনার 'পরে ধিকার।

চিত্রাঙ্গদা: ওরে ঝড় নেমে আয়

আত্ম-উদ্দীপনার গান

ওরে ঝড় নেমে আয়, আয়, আয় রে আমার

শুকনো পাতার ডালে

এই বরষায় নবশ্যামের আগমনের কালে॥

যা উদাসীন, যা প্রাণহীন, যা অনন্দহারা,

চরম রাতের অশ্রুধারায় আজ হয়ে যাক সারা-

যাবার যাহা যাক সে চলে রুদ্ধ নাচের তালে॥

আসন আমায় পাততে হবে রিত্ত প্রাণের ঘরে,

নবীন বসন পরতে হবে সিক্ত বুকের 'পরে।

নদীর জলে বান ডেকেছে, কুল গেল তার ভেসে,

যুথীবনের গন্ধবাণী ছুটল নিরুদ্দেশে-

পরান আমার জাগল বুঝি মরণ-অন্তরালে॥

চিত্রাঙ্গদা: সখী, কী দেখা দেখিলে

সখী। সখী, কী দেখা দেখিলে তুমি!

এক পলকের আঘাতেই

খসিল কি আপন পরিচয়।

রবিকরপাতে কোরকের আবরণ টুটি

মাধবী কি প্রথম চিনিল আপনারে॥

চিত্রাঙ্গদা: বঁধু, কোন আলো লাগল

চিত্রাঙ্গদা। বঁধু, কোন আলো লাগল চোখে!
 বুঝি দীপ্তিরূপে ছিলে সূর্যালোকে!
 ছিল মন তোমারি প্রতীক্ষা করি
 যুগে যুগে দিন রাত্রি ধরি,
 ছিল মর্মবেদনাঘন অন্ধকারে—
 জন্ম-জনম গেল বিরহশোকে।
 অক্ষুটমঞ্জরী কুঞ্জবনে,
 সঙ্গীতশূন্য বিষণ্ণ মনে
 সঙ্গীরিত্ত চিরদুঃখরাতি
 পোহাব কি নির্জনে শয়ন পাতি!
 সুন্দর হে, সুন্দর হে,
 বরমাল্যখানি তব আনো বহে, তুমি আনো বহে।
 অবগুণ্ঠনছায়া ঘুচায়ে দিয়ে
 হেরো লজ্জিত স্মিতমুখ শুভ আলোকে॥

— প্রস্থান —

— বন্য অনুচরদের সঙ্গে অর্জুনের প্রবেশ ও নৃত্য —

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

৪ লাইনে সঙ্গীত ⇒ সংগীত

চিত্রাঙ্গদা: যাও, যাও যদি যাও তবে

২

— সখীদের গান —

যাও, যাও যদি যাও তবে—

তোমায় ফিরিতে হবে—

হবে হবে।

ব্যর্থ চোখের জলে

আমি লুটাব না ধূলিতলে, লুটাব না।

বাতি নিবায়ে যাব না, যাব না, যাব না

জীবনের উৎসবে।

মোর সাধনা ভীরা নহে

শক্তি আমার হবে মুক্ত দ্বার যদি রুদ্ধ রহে।

বিমুখ মুহূর্তেরে করি না ভয়—

হবে জয়, হবে জয়, হবে জয়,

দিনে দিনে হৃদয়ের গ্রন্থি তব

খুলিব প্রেমের গৌরবে॥

চিত্রাঙ্গদা: ক্ষণে ক্ষণে মনে মনে

সখিসহ স্নানে আগমন

চিত্রাঙ্গদা। ক্ষণে ক্ষণে মনে মনে শুনি

অতল জলের আহ্বান।

মন রয় না, রয় না, রয় না ঘরে,

মন রয় না-

চঞ্চল প্রাণ॥

ভাসায়ে দিব আপনারে ভরা জোয়ারে,

সকল-ভাবনা-ডুবানো ধারায় করিব স্নান-

ব্যর্থ বাসনার দাহ হবে নির্বাণ॥

ঢেউ দিয়েছে জলে-

ঢেউ দিল, ঢেউ দিল, ঢেউ দিল আমার মর্মতলে।

একি ব্যাকুলতা আজি আকাশে, এই বাতাসে,

যেন উতলা অঙ্গুরীর উত্তরীয় করে রোমাঞ্চ দান।

দূর সিঁধুতীরে কার মঞ্জীরে গুঞ্জরতান॥

চিত্রাঙ্গদা: দে তোরা আমায়

সখীদের প্রতি

দে তোরা আমায় নূতন করে দে নূতন
আভরণে॥

হেমন্তের অভিসম্পাতে রিত্ত অকিঞ্চন কাননভূমি-
বসন্তে হোক দৈন্যবিমোচন নবলাবণ্যধনে।
শূন্য শাখা লজ্জা ভুলে যাক পল্লব-আবরণে॥

সখীগণ।

বাজুক প্রেমের মায়ামন্ত্রে
পুলকিত প্রাণের বীণাযন্ত্রে
চিরসুন্দরের অভিবন্দনা।
আনন্দচঞ্চল নৃত্য অঙ্গে অঙ্গে বহে যাক
হিল্লোলে হিল্লোলে,
যৌবন পাক সম্মান বাঞ্ছিতসম্মিলনে॥

— সকলের প্রস্থান —

চিত্রাঙ্গদা: আমি তোমারে করিব

— অর্জুনের প্রবেশ ও ধ্যানে উপবেশন —

তাকে প্রদক্ষিণ ক’রে চিত্রাঙ্গদার নৃত্য

চিত্রাঙ্গদা। আমি তোমারে করিব নিবেদন

আমার হৃদয় প্রাণ মন॥

অর্জুন। ক্ষমা করো আমায়- আমায়-

বরণযোগ্য নহি বরাঙ্গনে- ব্রহ্মচারী ব্রতধারী॥

— প্রস্থান —

চিত্রাঙ্গদা: হায় হায়, নারীকে করেছি

চিত্রাঙ্গদা। হায় হায়, নারীকে করেছি ব্যর্থ

দীর্ঘকাল জীবনে আমার।

ধিক ধনুঃশর!

ধিক বাহুবল!

মুহুর্তের অশ্রুবন্যাবেগে

ভাসায়ে দিল যে মোর পৌরুষসাধনা।

অকৃতার্থ যৌবনের দীর্ঘশ্বাসে

বসন্তেরে করিল ব্যাকুল॥

—

চিত্রাঙ্গদা: রোদনভরা এ

চিত্রাঙ্গদা। রোদনভরা এ বসন্ত, সখী,

কখনো আসে নি বুঝি আগে।

মোর বিরহবেদনা রাঙালো কিংশুকরক্তিমরাগে॥

সখীগণ। তোমার বৈশাখে ছিল প্রখর রৌদ্রের জ্বালা,

কখন বাদল আনে আষাঢ়ের পালা।

হায় হায় হায়।

চিত্রাঙ্গদা। কুঞ্জদ্বারে বনমল্লিকা

সেজেছে পরিয়া নব পত্রালিকা,

সারা দিন-রজনী অনিমিত্তা

কার পথ চেয়ে জাগে॥

সখীগণ। কঠিন পাষাণে কেমনে গোপনে ছিল,

সহসা ঝরনা নামিল অশ্রুঢালা,

হায় হায় হায়!

চিত্রাঙ্গদা। দক্ষিণসমীরে দূর গগনে

একেলা বিরহী গাহে বুঝি গো।

কুঞ্জবনে মোর মুকুল যত

আবরণবন্ধন ছিঁড়িতে চাহে।

সখীগণ। মৃগয়া করিতে বাহির হল যে বনে

মৃগী হয়ে শেষে এল কি অবলা বালা।

হায় হায় হায়।

চিত্রাঙ্গদা। আমি এ প্রাণের রুদ্ধ দ্বারে
 ব্যাকুল কর হানি বারে বারে,
 দেওয়া হল না যে আপনারে
 এই ব্যথা মনে লাগে॥

সখীগণ। যে ছিল আপন শক্তির অভিমানে
 কার পায়ে আনে হার মানিবার ডালা,
 হায় হায় হায়॥

চিত্রাঙ্গদা: ব্রহ্মচর্য!- পুরুষের স্পর্ধা

একজন সখী। ব্রহ্মচর্য!- পুরুষের স্পর্ধা এ যে!
 নারীর এ পরাভবে
 লজ্জা পাবে বিশ্বের রমণী।
 পঞ্চশর, তোমারি এ পরাজয়।
 জাগো হে অতনু,
 সখীরে বিজয়দূতী করো তব,
 নিরস্ত্র নারীর অস্ত্র দাও তারে-
 দাও তারে অবলার বল॥

চিত্রাঙ্গদা: আমার এই রিক্ত ডালি

মদনকে চিত্রাঙ্গদার পূজানিবেদন

চিত্রাঙ্গদা। আমার এই রিক্ত ডালি

দিব তোমারি পায়ের।

দিব কাঙালিনীর আঁচল

তোমার পথে পথে, পথে বিছায়ে॥

যে পুষ্পে গাঁথ পুষ্পধনু

তারি ফুলে ফুলে, হে অতনু, তারি ফুলে

আমার পূজানিবেদনের দৈন্য

দিয়ে দিয়ে দিয়ে ঘুচায়ে।

তোমার রণজয়ের অভিযানে

তুমি আমায় নিয়ে,

ফুলবাণের টিকা আমার ভালে

এঁকে দিয়ে দিয়ে-

রণজয়ের অভিযানে।

আমার শূন্যতা দাও যদি

সুধায় ভরি

দিব তোমার জয়ধ্বনি

ঘোষণ করি- জয়ধ্বনি-

ফাল্গুনের আহ্বান জাগাও

আমার কায়ে দক্ষিণবায়ে॥

চিত্রাঙ্গদা: মণিপূরনুপদুহিতা

— মদনের প্রবেশ —

মদন। মণিপূরনুপদুহিতা

তোমাতে চিনি তাপসিনী!

মোর পূজায় তব ছিল না মন,

তবে কেন অকারণ

তুমি মোর দ্বারে এলে তরুণী,

কহো কহো শুনি তাপসিনী!

চিত্রাঙ্গদা। পুরুষের বিদ্যা করেছিনু শিক্ষা,

লভি নাই মনোহরণের দীক্ষা—

কুসুমধনু,

অপমানে লাঞ্ছিত তরুণ তনু।

অর্জুন ব্রহ্মচারী

মোর মুখে হেরিল না নারী,

ফিরাইল, গেল ফিরে।

দয়া করো অভাগীরে—

শুধু এক বরষের জন্যে

পুষ্পলাবণ্যে

মোর দেহ পাক তব স্বর্গের মূল্য

মর্তে অতুল্য॥

মদন। তাই আমি দিনু বর,

কটাক্ষে রবে তব পঞ্চম শর,
মম পঞ্চম শর-
দিবে মন মোহি,
নারীবিরোধী সন্ন্যাসীরে
পাবে অচিরে-
বন্দী করিবে ভুজপাশে
বিদ্রপহাসে।
মণিপুররাজকন্যা
কান্তহৃদয়বিজয়ে হবে ধন্যা॥

চিত্রাঙ্গদা: এ কী দেখি

৩

— নূতনরূপপ্রাপ্ত চিত্রাঙ্গদা —

চিত্রাঙ্গদা। এ কী দেখি!

এ কে এল মোর দেহে

পূর্ব ইতিহাস-হারা!

আমি কোন গত জনমের স্বপন্!

বিশ্বের অপরিচিত আমি!

আমি নহি রাজকন্যা চিত্রাঙ্গদা—

আমি শুধু এক রাত্রে ফোটা

অরণ্যের পিতৃমাতৃহীন ফুল—

এক প্রভাতের শুধু পরমায়ু,

তার পরে ধূলিশয্যা,

তার পরে ধরণীর চির-অবহেলা॥

চিত্রাঙ্গদা: আমার অঙ্গে অঙ্গে

সরোবরতীরে
 আমার অঙ্গে অঙ্গে কে বাজায়, বাজায় বাঁশি।
 আনন্দে বিষাদে মন উদাসী
 পুষ্পবিকাশের সুরে দেহ মন উঠে পুরে,
 কী মাধুরীসুগন্ধ বাতাসে যায় ভাসি॥
 সহসা মনে জাগে আশা,
 মোর আহুতি পেয়েছে অগ্নিত্র ভাষা।
 আজ মম রূপে বেশে লিপি লিখি কার
 উদ্দেশে-
 এল মর্মের বন্দিণী বাণী বন্ধন নাশি॥

-

চিত্রাঙ্গদা: মীনকেতু

মীনকেতু,
 কোন মহারাক্ষসীকে দিয়েছ বাঁধিয়া অঙ্গসহচরী করি।
 এ মায়ালাবন্য মোর কী অভিসম্পাত! ক্ষণিক
 যৌবনবন্যা
 রক্তশ্রোতে তরঙ্গিয়া উন্মাদ করেছে মোরে॥

চিত্রাঙ্গদা: স্বপ্নদির নেশায়

নূতন কান্তির উত্তেজনায় নৃত্য
 স্বপ্নদির নেশায় মেশা এ উন্মত্ততা,
 জাগায় দেহে মনে এ কী বিপুল ব্যথা॥
 বহে মম শিরে শিরে এ কী দাহ, কী প্রবাহ-
 চকিতে সর্বদেহে ছুটে তড়ি লতা॥
 ঝড়ের পবনগর্জে হারাই আপনায়,
 দুরন্ত ঘৌবনক্ষুর অশান্ত বন্যায়।
 তরঙ্গ উঠে প্রাণে দিগন্তে কাহার পানে,
 ইঙ্গিতের ভাষায় কাঁদে- নাহি নাহি কথা॥

-

চিত্রাঙ্গদা: এরে ক্ষমা করো

এরে ক্ষমা করো সখা-

এ যে এল তব আঁখি ভুলাতে,

শুধু ক্ষণকালতরে মোহ-দোলায় দুলাতে,

আঁখি ভুলাতে।

মায়াপুরী হতে এল নাবি-

নিয়ে এল স্বপেন্ন চাবি,

তব কঠিন হৃদয়দুয়ার খুলাতে,

আঁখি ভুলাতে॥

— প্রস্থান —

চিত্রাঙ্গদা: কাহারে হেরিলাম

অর্জুন। কাহারে হেরিলাম! আহা!
 সে কি সত্য, সে কি মায়া!
 সে কি কায়া,
 সে কি সুবর্ণকিরণে-রঞ্জিত ছায়া!

— চিত্রাঙ্গদার প্রবেশ —

এসো এসো যে হও সে হও,
 বলো বলো তুমি স্বপন নও, নও স্বপন নও।
 অনিন্দ্যসুন্দর দেহলতা
 বহে সকল আকাঙ্ক্ষার পূর্ণতা॥

চিত্রাঙ্গদা: তুমি অতিথি

চিত্রাঙ্গদা। তুমি অতিথি, অতিথি আমার।
 বলো কোন নামে করি স কার॥

অর্জুন। পাণ্ডব আমি অর্জুন গাণ্ডীবধন্বা নৃপতিকন্যা!
 লহো মোর খ্যাতি,
 লহো মোর কীর্তি,
 লহো পৌরুষগর্ব।
 লহো আমার সর্ব॥

চিত্রাঙ্গদা: কোন ছলনা এ যে

চিত্রাঙ্গদা। কোন ছলনা এ যে নিয়েছে আকার,

এর কাছে মানিবে কি হার।

ধিক ধিক ধিক॥

বীর তুমি বিশ্বজয়ী,

নারী এ যে মায়াময়ী-

পিঞ্জর রচিবে কি এ মরীচিকার।

ধিক ধিক ধিক॥

লজ্জা, লজ্জা, হায় একি লজ্জা,

মিথ্যা রূপ মোর, মিথ্যা সজ্জা।

এ যে মিছে স্বপেন্ন স্বর্গ,

এ যে শুধু ক্ষণিকের অর্ঘ্য,

এই কি তোমার উপহার

ধিক ধিক ধিক॥

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

৪ লাইনে একি ⇒ এ কী

চিত্রাঙ্গদা: হে সুন্দরী, উন্মথিত যৌবন

অর্জুন। হে সুন্দরী, উন্মথিত যৌবন আমার
 সন্ন্যাসীর ব্রতবন্ধ দিল ছিন্ন করি।
 পৌরুষের সে অধৈর্য
 তাহারে গৌরব মানি আমি-
 আমি তো আচারভীরু নারী নহি
 শাস্ত্রবাক্যে-বাঁধা।
 এসো সখী, দুঃসাহসী প্রেম
 বহন করুক আমাদের
 অজানার পথে॥

চিত্রাঙ্গদা। তবে তাই হোক
 কিন্তু মনে রেখো,
 কিংশুকদলের প্রান্তে এই-যে দুলিছে
 একটু শিশির- তুমি যারে করিছ কামনা
 সে এমনি শিশিরের কণা
 নিমিষের সোহাগিনী॥

-

চিত্রাঙ্গদা: কোন দেবতা সে

কোন দেবতা সে কী পরিহাসে ভাসালো
 মায়ার ভেলায়।
 স্বপেন্ন সাথি, এসো মোরা মাতি স্বর্গের
 কৌতুকখেলায়॥

সুরের প্রবাহে হাসির তরঙ্গে
 বাতাসে বাতাসে ভেসে যাব রঙ্গে নৃত্যবিভঙ্গে,
 মাধবীবনের মধুগন্ধে মোদিত মোহিত মন্তর
 বেলায়।

যে ফুলমালা দুলায়েছ আজি রোমাঞ্চিত
 বক্ষতলে
 মধুরজনীতে রেখো সরসিয়া মোহের মদির
 জলে।

নবোদিত সূর্যের করসম্পাতে
 বিকল হবে হায় লজ্জা-আঘাতে,
 দিন গত হলে নূতন প্রভাতে
 মিলাবে ধুলার তলে কার
 অবহেলায়॥

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

2 লাইনে সার্থি ⇒ সাথী

চিত্রাঙ্গদা: আজ মোরে সপ্তলোক

অর্জুন। আজ মোরে

সপ্তলোক স্বপন্নে হয়।

শুধু একা পূর্ণ তুমি,

সর্ব তুমি,

বিশ্ববিধাতার গর্ব তুমি,

অক্ষয় ঐশ্বর্য তুমি,

এক নারী-সকল দৈন্যের তুমি মহা অবসান-

সব সাধনার তুমি শেষ পরিণাম॥

চিত্রাঙ্গদা: সে আমি যে আমি নই

চিত্রাঙ্গদা। সে আমি যে আমি নই, আমি নই-

হায় পার্থ, হায়,

সে যে কোন দেবের ছলনা।

যাও যাও ফিরে যাও, ফিরে যাও বীর।

শৌর্য বীর্য মহত্ত্ব তোমার

দিয়ে না মিথ্যার পায়ে-

যাও যাও ফিরে যাও॥

— প্রস্থান —

চিত্রাঙ্গদা: এ কী তৃষ্ণা, এ কী দাহ

অর্জুন। এ কী তৃষ্ণা, এ কী দাহ!

এ যে অগিন্লতা পাকে পাকে

ঘেরিয়াছে তৃষ্ণার্ত কম্পিত প্রাণ।

উত্তপ্ত হৃদয়

ছুটিয়া আসিতে চাহে সর্বাঙ্গ টুটিয়া॥

-

চিত্রাঙ্গদা: অশান্তি আজ হানল

অশান্তি আজ হানল একি দহনজ্বালা।
 বিঁধল হৃদয় নিদয় বাণে বেদন-ঢালা॥
 বক্ষে জ্বালায় অগ্নিশিখা,
 চক্ষে কাঁপায় মরীচিকা-
 মরণসুতোয় গাঁথল কে মোর বরণমালা॥
 চেনা ভুবন হারিয়ে গেল স্বপন-ছায়াতে
 ফাগুন-দিনের পলাশরঙের রঙিন মায়াতে।
 যাত্রা আমার নিরুদ্দেশা-
 পথ-হারানোর লাগল নেশা,
 অচিন দেশে এবার আমার যাবার পালা॥

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

1 লাইনে একি ⇒ এ কী

চিত্রাঙ্গদা: ভস্ম ঢাকে ক্লান্ত

8

— মদন ও চিত্রাঙ্গদা —

চিত্রাঙ্গদা। ভস্ম ঢাকে ক্লান্ত হতাশন—

এ খেলা খেলাবে, হে ভগবন, আর কতখন।

এ খেলা খেলাবে আর কতখন।

শেষ যাহা হবেই হবে, তারে

সহজে হতে দাও শেষ।

সুন্দর যাক রেখে স্বপেন্ন রেশ।

জীর্ণ কোরো না, কোরো না, যা ছিল নূতন॥

মদন। না না না সখী, ভয় নেই সখী, ভয় নেই—

ফুল যবে সাজ করে খেলা

ফল ধরে সেই।

হর্ষ-অচেতন বর্ষ

রেখে যাক মন্ত্রস্পর্শ

নবতর ছন্দস্পন্দন॥

— প্রস্থান —

চিত্রাঙ্গদা: কেটেছে একেলা

অর্জুন ও চিত্রাঙ্গদা

কেটেছে একেলা বিরহের বেলা আকাশকুসুমচয়নে।
সব পথ এসে মিলে গেল শেষে তোমার দুখানি নয়নে—
নয়নে, নয়নে।

দেখিতে দেখিতে নূতন আলোকে
কে দিল রচিয়া ধ্যানের পুলকে
নূতন ভুবন নূতন দ্যুলোকে মোদের মিলিত
নয়নে—

নয়নে, নয়নে।

বাহির-আকাশে মেঘ ঘিরে আসে, এল সব
তারা ঢাকিতে।

হারানো সে আলো আসন বিছালো শুধু দুজনের
আঁখিতে—

আঁখিতে, আঁখিতে।

ভাষাহারা মম বিজন রোদনা
প্রকাশের লাগি করেছে সাধনা,
চিরজীবনেরই বাণীর বেদনা মিটিল দৌহার
নয়নে—

নয়নে, নয়নে।

— প্রস্থান —

চিত্রাঙ্গদা: কেন রে ক্লান্তি আসে

— অর্জুনের প্রবেশ —

অর্জুন। কেন রে ক্লান্তি আসে আবেশভার বহিয়া,
দেহ মন প্রাণ দিবানিশি জীর্ণ অবসাদে কেন রে।
ছিন্ন করো এখনি বীর্যবিলোপী এ কুহেলিকা।
এই কর্মহারা কারাগারে রয়েছ কোন পরমাদে।
কেন রে॥

চিত্রাঙ্গদা: হো, এল এল এল রে

— গ্রামবাসীগণের প্রবেশ —

হো, এল এল এল রে দস্যুর দল,
গর্জিয়া নামে যেন বন্যার জল- এল এল।
চল তোরা পঞ্চগ্রামী,
চল তোরা কলিঙ্গধামী,
মল্লপল্লী হতে চল, চল।

‘জয় চিত্রাঙ্গদা’ বল, বল বল ভাই রে-
ভয় নাই, ভয় নাই, ভয় নাই, নাই রে।

অর্জুন। জনপদবাসী, শোনো শোনো,
রক্ষক তোমাদের নাই কোনো?

গ্রামবাসীগণ। তীর্থে গেছেন কোথা তিনি
গোপনব্রতচারিণী,
চিত্রাঙ্গদা তিনি রাজকুমারী।

অর্জুন। নারী! তিনি নারী!

গ্রামবাসীগণ। স্নেহবলে তিনি মাতা, বাহুবলে তিনি রাজা।
তঁার নামে ভেরী বাজা,

‘জয় জয় জয়’ বলো ভাই রে-
ভয় নাই, ভয় নাই, ভয় নাই, নাই রে॥

—

চিত্রাঙ্গদা: সন্ত্রাসের বিহ্বলতা

সন্ত্রাসের বিহ্বলতা নিজেরে অপমান,
 সঙ্কটের কল্পনাতে হোয়ো না ম্রিয়মাণ – আ! আহা!
 মুত্ত করো ভয়,
 আপনা-মাঝে শক্তি ধরো, নিজেরে করো জয়– আ!
 আহা!
 দুর্বলেরে রক্ষা করো, দুর্জনেরে হানো,
 নিজেরে দীন নিঃসহায় যেন কভু না জানো।
 মুত্ত করো ভয়,
 নিজের 'পরে করিতে ভর না রেখো সংশয়– আ!
 আহা!
 ধর্ম যবে শঙ্করবে করিবে আস্থান
 নীরব হয়ে, নম্র হয়ে, পণ করিয়ো প্রাণ।
 মুত্ত করো ভয়,
 দুর্কহ কাজে নিজেরই দিয়ো কঠিন পরিচয়– আ!
 আহা!॥

— প্রস্থান —

চিত্রাঙ্গদা: কী ভাবিছ নাথ

— চিত্রাঙ্গদার প্রবেশ —

চিত্রাঙ্গদা। কী ভাবিছ নাথ, কী ভাবিছ॥

অর্জুন। চিত্রাঙ্গদা রাজকুমারী

কেমন না জানি

আমি তাই ভাবি মনে মনে।

শুনি স্নেহে সে নারী,

শুনি বীর্যে সে পুরুষ,

শুনি সিংহাসনা যেন সে সিংহবাহিনী।

জান যদি বলো প্রিয়ে, বলো তার কথা॥

চিত্রাঙ্গদা: ছি ছি, কু সিত কুরূপ

চিত্রাঙ্গদা। ছি ছি, কু সিত কুরূপ সে।

হেন বক্ষিম ভুরুযুগ নাই তার,

হেন উজ্জ্বলকজ্জল আঁখিতারা।

সন্ধিতে পারে লক্ষ্য কিণাক্ষিত তার বাহু,

বিঁধিতে পারে না বীরবক্ষ কুটিল কটাক্ষশরে।

নাই লজ্জা, নাই শঙ্কা, নাই নিষ্ঠুরসুন্দর রঙ্গ,

নাই নীরব ভঙ্গীর সঙ্গীতলীলা

ইঙ্গিতহৃন্দোমধুর॥

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

oeSP লাইনে ভঙ্গীর-সঙ্গীতলীলা ⇒ ভঙ্গির সংগীতলীলা

চিত্রাঙ্গদা: আগ্রহ মোর অধীর অতি

অর্জুন। আগ্রহ মোর অধীর অতি-
 কোথা সে রমণী বীর্যবতী।
 কোষবিমুক্ত কৃপাণলতা-
 দারুণ সে, সুন্দর সে
 উদ্যত বজ্রের রুদ্ররসে-
 নহে সে ভোগীর লোচনলোভা,
 ক্ষত্রিয়বাহুর ভীষণ শোভা॥

চিত্রাঙ্গদা: নারীর ললিত লোভন

নারীর ললিত লোভন লীলায় এখনি কেন এ
ক্লান্তি।

এখনি কি, সখা, খেলা হল অবসান॥

যে মধুর রসে ছিলে বিহ্বল

সে কি মধুমাখা ভ্রান্তি-

সে কি স্বপেন্ন দান।

সে কি সত্যের অপমান।

দূর দুরাশায় হৃদয় ভরিছ,

কঠিন প্রেমের প্রতিমা গড়িছ-

কী মনে ভাবিয়া নারীতে করিছ পৌরুষসন্ধান।

এও কি মায়ার দান॥

সহসা মন্ত্রবলে

নমনীয় এই কমনীয়তারে

যদি আমাদের সখী একেবারে

পরের বসন-সমান ছিন্ন করি ফেলে ধূলিতলে,

সবে না সবে না সে নৈরাশ্য-

ভাগ্যের সেই অটুহাস্য

জানি জানি, সখা, ক্ষুব্ধ করিবে লুপ্ত পুরুষপ্রাণ-

হানিবে নিষ্ঠুর বাণ॥

চিত্রাঙ্গদা: যদি মিলে দেখা

অর্জুন। যদি মিলে দেখা তবে তারি সাথে
ছুটে যাব আমি আর্তব্রাণে।

— ভোগের আবেশ হতে —

ঝাঁপ দিব যুদ্ধস্রোতে।
আজি মোর চঞ্চল রক্তের মাঝে
ঝন নন ঝন নন ঝঞ্ঝনা বাজে- বাজে- বাজে।
চিত্রাঙ্গদা রাজকুমারী
একাধারে মিলিত পুরুষ নারী॥

চিত্রাঙ্গদা: ভাগ্যবতী সে যে

চিত্রাঙ্গদা। ভাগ্যবতী সে যে,

এত দিনে তার আহ্বান	এল তব বীরের প্রাণে।
আজ অমাবস্যার রাতি	হোক অবসান।
কাল শুভ শুভ প্রাতে	দর্শন মিলিবে তার,
মিথ্যায় আবৃত নারী	ঘুচাবে মায়া-অবগুণ্ঠন॥

চিত্রাঙ্গদা: রমণীর মন-ভোলাবার

অর্জুনের প্রতি
রমণীর মন-ভোলাবার ছলাকলা
দূর ক'রে দিয়ে উঠিয়া দাঁড়াক নারী
সরল উন্নত বীর্যবন্ত অন্তরের বলে
পর্বতের তেজস্বী তরুণ তরু সম-
যেন সে সম্মান পায় পুরুষের।
রজনীর নর্মসহচরী
যেন হয় পুরুষের কর্মসহচরী,
যেন বামহস্তসম দক্ষিণহস্তের থাকে সহকারী।
তাহে যেন পুরুষের তৃপ্তি হয় বীরোত্তম॥

চিত্রাঙ্গদা: লহো লহো ফিরে লহো

৫

— চিত্রাঙ্গদা ও মদন —

চিত্রাঙ্গদা। লহো লহো ফিরে লহো

তোমার এই বর

হে অনঙ্গদেব।

মুক্তি দেহো মোরে, ঘুচায়ে দাও

এই মিথ্যার জাল

হে অনঙ্গদেব!

চুরির ধন আমার দিব ফিরায়ে

তোমার পায়ে

আমার অঙ্গশোভা—

অধররক্ত-রাঙিমা যাক মিলায়ে

অশোকবনে হে অনঙ্গদেব!

যাক যাক যাক এ ছলনা,

যাক এ স্বপন হে অনঙ্গদেব॥

চিত্রাঙ্গদা: তাই হোক তবে তাই হোক

মদন। তাই হোক তবে তাই হোক,
কেটে যাক রঙিন কুয়াশা-
দেখা দিক শুভ্র আলোক।
মায়া ছেড়ে দিক পথ,
প্রেমের আসুক জয়রথ,
রূপের অতীত রূপ
দেখে যেন প্রেমিকের চোখ-
দৃষ্টি হতে খসে যাক, খসে যাক মোহনির্মোক-
যাক খসে যাক, খসে যাক মোহনির্মোক॥

— প্রস্থান —

চিত্রাঙ্গদা: বিনা সাজে সাজি

বিনা সাজে সাজি দেখা দিবে তুমি কবে-
 আভরণে আজি আবরণ কেন রবে॥
 ভালোবাসা যদি মেশে মায়াময় মোহে,
 আলোতে আঁধারে দৌহারে হারাব দৌহে।
 ধেয়ে আসে হিয়া তোমার সহজ রবে,
 আভরণ দিয়া আবরণ কেন তবে।
 ভাবের রসেতে যাহার নয়ন ডোবা
 ভুষণে তাহারে দেখাও কিসের শোভা।
 কাছে এসে তবু কেন রয়ে গেলে দূরে-
 বাহির-বাঁধনে বাঁধিবে কি বন্ধুরে।
 নিজের ধনে কি নিজে চুরি করে লবে-
 আভরণে আজি আবরণ কেন তবে॥

চিত্রাঙ্গদা: এসো এসো পুরুষোত্তম

৬

— চিত্রাঙ্গদার সহচর-সহচরীগণ —

— অর্জুনের প্রতি —

এসো এসো পুরুষোত্তম, এসো এসো বীর মম!
 তোমার পথ চেয়ে আছে প্রদীপ জ্বালা।
 আজি পরিবে বীরাঙ্গনার হাতে দৃপ্ত
 ললাটে, সখা,
 বীরের বরণমালা।
 ছিন্ন ক'রে দিবে সে তার শক্তির অভিমান,
 তোমার চরণে করিবে দান আত্মনিবেদনের
 ডালা-
 চরণে করিবে দান।
 আজ পরাবে বীরাঙ্গনা তোমার
 দৃপ্ত ললাটে, সখা,
 বীরের বরণমালা॥

চিত্রাঙ্গদা: হে কৌন্তেয়

সখী। হে কৌন্তেয়,

ভালো লেগেছিল ব'লে
 তব করযুগে সখী দিয়েছিল ভরি সৌন্দর্যের
 ডালি
 নন্দনকানন হতে পুষ্প তুলে এনে বহু সাধনায়।
 যদি সাঙ্গ হল পূজা
 তবে আজ্ঞা করো, প্রভু,
 নির্মাল্যের সাজি থাক পড়ে মন্দিরবাহিরে।
 এইবার প্রসন্ন নয়নে চাও সেবিকার পানে॥

চিত্রাঙ্গদা: আমি চিত্রাঙ্গদা

— চিত্রাঙ্গদার প্রবেশ —

চিত্রাঙ্গদা। আমি চিত্রাঙ্গদা, আমি রাজেন্দ্রনন্দিনী।

নহি দেবী, নহি সামান্যা নারী।

পূজা করি মোরে রাখিবে ঊর্ধ্বে সে নহি নহি,

হেলা করি মোরে রাখিবে পিছে সে নহি নহি।

যদি পার্শ্বে রাখ মোরে সঙ্কটে সম্পদে,

সম্মতি দাও যদি কঠিন ব্রতে সহায় হতে

পাবে তবে তুমি চিনিতে মোরে।

আজ শুধু করি নিবেদন—

আমি চিত্রাঙ্গদা রাজেন্দ্রনন্দিনী॥

অর্জুন। ধন্য ধন্য ধন্য আমি॥

সমবেত নৃত্য

চিত্রাঙ্গদা: তৃষ্ণার শান্তি

তৃষ্ণার শান্তি সুন্দর কান্তি
 তুমি এসো বিরহের সন্তাপভঞ্জন।
 দোলা দাও বক্ষে, ঐকে দাও চক্ষে
 স্বপনের তুলি দিয়ে মাধুরীর অঞ্জন।
 এনে দাও চিত্তে রক্তের নৃত্যে
 বকুলনিকুঞ্জের মধুকরগুঞ্জন-
 উদবেল উতরোল
 যমুনার কল্লোল,
 কম্পিত বেণুবনে মলয়ের চুম্বন।
 আনো নবপল্লবে নর্তন উল্লোল,
 অশোকের শাখা ঘেরি বল্লরীবন্ধন॥

চিত্রাঙ্গদা: এস' এস' বসন্ত

এস' এস' বসন্ত, ধরাতলে-

আন' মুহু মুহু নব তান,

আন' নব প্রাণ,

নব গান,

আন' গন্ধমদভরে অলস সমীরণ,

আন' বিশ্বের অন্তরে অন্তরে নিবিড় চেতনা।

আন' নব উল্লাসহিল্লোল,

আন' আন' আনন্দছন্দের হিন্দোলা

ধরাতলে।

এস' এস'।

ভাঙ' ভাঙ' বন্ধনশৃঙ্খল।

আন' আন' উদ্দীপ্ত প্রাণের বেদনা

ধরাতলে।

এস' এস'।

এস' থরথরকম্পিত

মর্মরমুখরিত

মধুসৌরভপুলকিত

ফুল-আকুল মালতীবল্লিবিতানে

সুখছায়ে, মধুবায়ে।

এস' এস'।

এস' বিকশিত উন্মুখ,
 এস' চির-উৎসুক
 নন্দনপথচিরযাত্রী।
 আন' বাঁশরিমুক্তি মিলনের রাত্রি,
 পরিপূর্ণ সুধাপাত্র নিয়ে এস'।
 এস' অরুণচরণ কমলবরন
 তরুণ উষার কোলে।
 এস' জ্যো স্নাবিবশ নিশীথে,
 এস' নীরব কুঞ্জকুটরে,
 সুখসুপ্ত সরসীনীরে।
 এস' এস'।
 এস' তড়ি-শিখা-সম ঝঙ্কাবিভঙ্গে,
 সিন্ধুতরঙ্গদোলে।
 এস' জাগরমুখর প্রভাতে।
 এস' নগরে প্রান্তরে বনে,
 এস' কর্মে বচনে মনে।
 এস' এস'।
 এস' মঞ্জীরগুঞ্জর চরণে।
 এস' গীতমুখর কলকণ্ঠে।
 এস' মঞ্জুল মল্লিকামাল্যে।
 এস' কোমল কিশলয়বসনে

এস' সুন্দর, যৌবনবেগে।
 এস' দৃপ্ত বীর, নবতেজে।
 ওহে দুর্মদ, কর' জয়যাত্রা,
 চল' জরাপরাভব সমরে-
 পবনে কেশররেণু ছড়ায়ে,
 চঞ্চল কুন্তল উড়ায়ে॥
 এস' এস'॥

-

অর্জুন। মা মি কিল ত্বং বনাঃ শাখাং মধুমতীমিম
 যথা সুপর্ণঃ প্রপতন পক্ষৌ নিহন্তি ভুম্যাম
চিত্রাঙ্গদা। যথেন্দ্রে দ্যাবা পৃথিবী সদ্যঃ পর্যেতি সূর্যঃ
 এবা পর্যেমি তে মনঃ।
উভয়ে। অক্ষৌ নৌ মধুসংকাশে অনীকং নৌ সমঞ্জসম।
 অন্ত কৃণুষ মাং হৃদি মন ইনৌ সহাসতি॥

প্র: ফাল্গুন ১৩৪২ (1936)

বাল্মীকি প্রতিভা

সূচী

1. সহে না, সহে না	93
2. আঃ বেঁচেছি এখন	94
3. এনেছি মোরা এনেছি	94
4. আজকে তবে মিলে সবে	95
5. এক ডোরে বাঁধা আছি	96
6. এখন করব কী বল	97
7. তবে আয় সবে আয়	98
8. কালী কালী বলো রে আজ	99
9. ওই মেঘ করে বুঝি	100
10. এ কী এ ঘোর বন	100
11. পথ ভুলেছিস সত্যি	101
12. মরি ও কাহার বাছা	102
13. রাঙাপদপদ্ম যুগে প্রণমি	103
14. দেখো হো ঠাকুর	103
15. নিয়ে আয় কৃপাণ	104
16. কী দোষে বাঁধিলে	104
17. দয়া করো অনাথারে	104
18. এ কেমন হল মন	105
19. আরে, কী এত ভাবনা	106
20. ব্যাকুল হয়ে বনে বনে	107
21. ছাড়ব না ভাই	107
22. রাজা মহারাজা কে জানে	108
23. আছে তোমার বিদ্যে-সাধি	108

24. আঃ কাজ কী গোলমালে	109
25. হায়, কী দশা	109
26. এত রঙ্গ শিখেছ	110
27. অহো! আস্পর্ধা একি	111
28. আয়, মা, আমার সাথে	112
29. রিম ঝিম ঘন ঘন	112
30. কোথায় জুড়াতে আছে	113
31. কেন রাজা, ডাকিস কেন	114
32. এই বেলা সবে মিলে চলো	115
33. গহনে গহনে যা রে তোরা	115
34. চল চল ভাই	116
35. কে এল আজি এ ঘোর	117
36. প্রাণ নিয়ে তো সটকেছি	118
37. বলব কী আর বলব	118
38. সর্দারমশায় দেরি না সয়	119
39. রাখ রাখ, ফেল ধনু	120
40. আর না, আর না, এখানে আর না	121
41. জীবনের কিছু হল না	122
42. দেখ দেখ, দুটো পাখি	123
43. কী বলিনু আমি	124
44. এ কী এ, এ কী এ	124
45. নমি নমি, ভারতী	125
46. শ্যামা, এবার ছেড়ে চলেছি	126
47. কোথা লুকাইলে	126
48. কেন গো আপনমনে	127

49. কোথায় সে উষাময়ী	128
50. বাণী বীণাপাণি, করুণাময়ী	129
51. এই-যে হেরি গো	130
52. দীনহীন বালিকার সাজে	131

বাল্মীকি প্রতিভা: সহে না, সহে না

সহে না, সহে না, কাঁদে পরান।
 সাধের অরণ্য হল শ্মশান।
 দস্যুদলে আসি শান্তি করে নাশ,
 ত্রাসে সকল দিশ কম্পমান।
 আকুল কানন, কাঁদে সমীরণ,
 চকিত মৃগ, পাখি গাহে না গান।
 শ্যামল তৃণদল শোণিতে ভাসিল,
 কাতর রোদনরবে ফাটে পাষণ।
 দেবী দুর্গে, চাহো, ত্রাহি এ বনে
 রাখো অধীনী জনে, করো শান্তিদান॥

— প্রস্থান —

বাল্মীকি প্রতিভা: আজকে তবে মিলে সবে

প্রথম দস্যু। আজকে তবে মিলে সবে করব লুটের ভাগ
এ-সব আনতে কত লগুভগু করনু যজ্ঞ-যাগ।

দ্বিতীয় দস্যু। কাজের বেলায় উনি কোথা যে ভাগেন,
ভাগের বেলায় আসেন আগে আরে দাদা!

প্রথম দস্যু। এত বড়ো আস্পর্ধা তোদের,
মোরে নিয়ে এ কি হাসি-তামাশা!
এখনি মুণ্ড করিব খণ্ড, খবদার রে খবদার!

দ্বিতীয় দস্যু। হাঃ হাঃ, ভায়া খাপ্লা বড়ো, এ কী ব্যাপার!
আজি বুঝি বা বিশ্ব করবে নস্য, এমনি যে
আকার॥

তৃতীয় দস্যু। এমনি যোদ্ধা উনি, পিঠেতেই দাগ
তলোয়ারে মরিচা, মুখেতেই রাগ।

প্রথম দস্যু। আর যে এ-সব সহে না প্রাণে
নাহি কি তোদের প্রাণের মায়া!
দারুণ রাগে কাঁপিছে অঙ্গ
কোথা রে লাঠি, কোথা রে ঢাল!

সকলে। হাঃ হাঃ, ভায়া খাপ্লা বড়ো, এ কী ব্যাপার!
আজি বুঝি বা বিশ্ব করবে নস্য, এমনি যে
আকার॥

বাল্মীকি প্রতিভা: এক ডোরে বাঁধা আছি

— বাল্মীকির প্রবেশ —

সকলে। এক ডোরে বাঁধা আছি মোরা সকলে।
না মানি বারণ, না মানি শাসন, না মানি কাহারে।
কে বা রাজা, কার রাজ্য, মোরা কী জানি!
প্রতিজনেই রাজা মোরা, বনই রাজধানী।
রাজা-প্রজা উঁচুনিচু কিছু না গণি!
ত্রিভুবনমাঝে আমরা সকলে কাহারে না করি ভয়
মাথার উপরে রয়েছেন কালী, সমুখে রয়েছে জয়॥

বাল্মীকি প্রতিভা: এখন করব কী বল

বাল্মীকির প্রতি

প্রথম দস্যু। এখন করব কী বল ।

সকলে। এখন করব কী বল ।

প্রথম দস্যু। হো রাজা, হাজির রয়েছে দল!

বল রাজা, করব কী বল এখন করব কী বল।

সকলে। পেলে মুখেরই কথা,

প্রথম দস্যু। আনি যমেরই মাথা। করে দিই রসাতল!

সকলে। করে দিই রসাতল!

হো রাজা, হাজির রয়েছে দল!

সকলে।

বল রাজা, করব কী বল এখন করব কী বল।

বাল্মীকি। শোন তোরা তবে শোন।

অমানিশা আজিকে, পূজা দেব কালীকে।

ত্বরা করি যা তবে, সবে মিলি যা তোরা

বলি নিয়ে আয়॥

— বাল্মীকির প্রস্থান —

সকলে। ত্রিভুবনমাঝে আমরা সকলে কাহারে না করি ভয়,

মাথার উপরে রয়েছেন কালী, সমুখে রয়েছে জয়॥

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

1 লাইনে কসহরে $\Rightarrow$ কাহাকে

বাল্মীকি প্রতিভা: তবে আয় সবে আয়

তবে আয় সবে আয়, তবে আয় সবে আয়

তবে ঢাল সুরা, ঢাল সুরা, ঢাল ঢাল ঢাল!

দয়া মায়া কোন ছার, ছারখার হোক।

কে বা কাঁদে কার তরে, হাঃ হাঃ হাঃ!

তবে আন তলোয়ার, আন আন তলোয়ার,

তবে আন বরশা, আন আন দেখি ঢাল।

প্রথম দস্যু। আগে পেটে কিছু ঢাল, পরে পিঠে নিবি ঢাল।

হাঃ হাঃ, হাঃ হাঃ হাঃ হাঃ!

হাঃ হাঃ হাঃ হাঃ হাঃ, হাঃ হাঃ॥

বাল্মীকি প্রতিভা: কালী কালী বলো রে আজ

উঠিয়া

সকলে। কালী কালী বলো রে আজ

বলো হো, হো হো, বলো হো, হো হো, বলো হো!

নামের জোরে সাধিব কাজ

বলো হো হো হো, বলো হো, বলো হো!

ওই ঘোর মত্ত করে নৃত্য রঙ্গমাঝারে,

ওই লক্ষ লক্ষ যক্ষ রক্ষ ঘেরি শ্যামারে,

ওই লটপটুকেশ অট্ট অট্ট হাসে রে

হাহাহা হাহাহা হাহাহা!

আরে বল রে শ্যামা মায়ের জয়, জয় জয়!

জয় জয়, জয় জয়, জয় জয়, জয় জয়!

আরে বল রে শ্যামা মায়ের জয়, জয় জয়!

আরে বল রে শ্যামা মায়ের জয়॥

গমনোদ্যম

বাল্মীকি প্রতিভা: ওই মেঘ করে বুঝি

— একটি বালিকার প্রবেশ —

বালিকা। ওই মেঘ করে বুঝি গগনে।
 আঁধার ছাইল, রজনী আইল,
 ঘরে ফিরে যাব কেমনে।
 চরণ অবশ হয়, শ্রান্ত ক্লান্ত কায়
 সারা দিবস বনভ্রমণে
 ঘরে ফিরে যাব কেমনে॥

বাল্মীকি প্রতিভা: এ কী এ ঘোর বন

এ কী এ ঘোর বন! এনু কোথায়!
 পথ যে জানি না, মোরে দেখায়ে দে না।
 কী করি এ আঁধার রাতে।
 কী হবে মোর হয়।
 ঘন ঘোর মেঘ ছেয়েছে গগনে
 চকিত চপলা চমকে সঘনে,
 একেলা বালিকা
 তরাসে কাঁপে কায়॥

বাল্মীকি প্রতিভা: পথ ভুলেছিস সত্যি

বালিকার প্রতি

প্রথম দস্যু। পথ ভুলেছিস সত্যি বটে? সিধে রাস্তা দেখতে চাস?
এমন জায়গায় পাঠিয়ে দেব সুখে থাকবি বারো মাস।

সকলে। হাঃ হাঃ হাঃ, হাঃ হাঃ হাঃ।

প্রথমের প্রতি

দ্বিতীয় দস্যু। কেমন হে ভাই! কেমন সে ঠাই?

প্রথম দস্যু। মন্দ নহে বড়ো
এক দিন না এক দিন সবাই সেথায় হব জড়ো।

সকলে। হাঃ হাঃ হাঃ, হাঃ হাঃ হাঃ।

তৃতীয় দস্যু। আয় সাথে আয়, রাস্তা তোরে দেখিয়ে দিই গে তবে
আর তা হলে রাস্তা ভুলে ঘুরতে নাহি হবে।

সকলে। হাঃ হাঃ হাঃ, হাঃ হাঃ হাঃ।

— সকলের প্রশ্ন —

বাল্মীকি প্রতিভা: মরি ও কাহার বাছা

— বনদেবীগণের প্রবেশ —

মরি ও কাহার বাছা, ওকে কোথায় নিয়ে যায়।

আহা, ঐ করুণ চোখে ও কাহার পানে চায়।

বাঁধা কঠিন পাশে, অঙ্গ কাঁপে ত্রাসে,

আঁখি জলে ভাসে এ কী দশা হয়।

এ বনে কে আছে, যাব কার কাছে

কে ওরে বাঁচায়॥

— দ্বিতীয় দৃশ্য —

অরণ্যে কালীপ্রতিমা

বাল্মীকি স্তবে আসীন

বাল্মীকি প্রতিভা: রাঙাপদপদ্মযুগে প্রণামি

বাল্মীকি। রাঙাপদপদ্মযুগে প্রণামি গো ভবদারা!
 আজি এ ঘোর নিশীথে পূজিব তোমারে তারা।
 সুরনর থরহর ব্রহ্মাণ্ডবিপ্লব করো,
 রণরঙ্গে মাতো, মা গো, ঘোরা উন্মাদিনী-পারা।
 ঝলসিয়ে দিশি দিশি ঘুরাও তড়িত-অসি,
 ছুটাও শোণিতস্রোত, ভাসাও বিপুল ধরা।
 উড়ো কালী কপালিনী, মহাকালসীমন্তিনী,
 লহো জবাপুষ্পাঞ্জলি মাহাদেবী পরা পরা॥

বাল্মীকি প্রতিভা: দেখো হো ঠাকুর

— বালিকাকে লইয়া দস্যুগণের প্রবেশ —

দস্যুগণ। দেখো হো ঠাকুর, বলি এনেছি মোরা।
 বড়ো সরেস পেয়েছি বলি সরেস
 এমন সরেস মছলি, রাজা, জালে না পড়ে ধরা।
 দেরি কেন ঠাকুর, সেরে ফেলো ত্বরা॥

বাল্মীকি প্রতিভা: নিয়ে আয় কৃপাণ

বাল্মীকি। নিয়ে আয় কৃপাণ। রয়েছে তৃষিতা শ্যামা মা,
 শোণিত পিয়াও যা তুরায়।
 লোল জিহ্বা লকলকে, তড়িত খেলে চোখে,
 করিয়ে খণ্ড দিক দিগন্ত ঘোর দন্ত ভায়॥

বাল্মীকি প্রতিভা: কী দোষে বাঁধিলে

বালিকা। কী দোষে বাঁধিলে আমায়, আনিলে কোথায়।
 পথহারা একাকিনী বনে অসহায়
 রাখো রাখো রাখো, বাঁচাও আমায়।
 দয়া করো অনাথারে কে আমার আছে
 বন্ধনে কাতরতনু মরি যে ব্যথায়।

বাল্মীকি প্রতিভা: দয়া করো অনাথারে

নেপথ্যে বনে দ
 দবী।য়া করো অনাথারে দয়া করো গো
 বন্ধনে কাতরতনু জর্জর যে ব্যথায়।

বাল্মীকি প্রতিভা: এ কেমন হল মন

বাল্মীকি। এ কেমন হল মন আমার!

কী ভাব এ যে কিছুই বুঝিতে যে পারি নে।

পাষাণহৃদয় গলিল কেন রে!

কেন আজি আঁখিজল দেখা দিল নয়নে!

কী মায়া এ জানে গো,

পাষাণের বাঁধ এ যে টুটিল,

সব ভেসে গেল গো, সব ভেসে গেল গো

মরুভূমি ডুবে গেল করুণার প্লাবনে॥

বাল্মীকি প্রতিভা: আরে, কী এত ভাবনা

প্রথম দস্যু। আরে, কী এত ভাবনা কিছু তো বুঝি না।

দ্বিতীয় দস্যু। সময় বহে যায় যে।

তৃতীয় দস্যু। কখন এনেছি মোরা, এখনো তো হল না।
এ কেমন রীতি তব বাহ রে।

চতুর্থ দস্যু। না না হবে না, এ বলি হবে না

বাল্মীকি। অন্য বলির তরে যা রে যা।

প্রথম দস্যু। অন্য বলি এ রাতে কোথা মোরা পাব!

দ্বিতীয় দস্যু। এ কেমন কথা কও, বাহ রে॥

শোন তোরা শোন এ আদেশ,

বাল্মীকি। কৃপাণ খর্পর ফেলে দে দে।

বাঁধন কর ছিন্ন,

মুক্ত কর এখনি রে॥

যথাদিষ্ট কৃত

— তৃতীয় দৃশ্য —

— অরণ্য —

বাল্মীকি প্রতিভা: ব্যাকুল হয়ে বনে বনে

বাল্মীকি। ব্যাকুল হয়ে বনে বনে

ভ্রমি একেলা শূন্যমনে।

কে পুরাবে মোর কাতর প্রাণ

জুড়াবে হিয়া সুধাবরিষণে॥

— প্রস্থান —

দস্যুগণ বালিকাকে পুনর্বীর ধরিয়া আনিয়া

বাল্মীকি প্রতিভা: ছাড়ব না ভাই

ছাড়ব না ভাই, ছাড়ব না ভাই,

এমন শিকার ছারব না।

হাতের কাছে অমনি এল, অমনি যাবে!

অমনি যাতে দেবে কে রে!

রাজাটা খেপেছে রে, তার কথা আর মানব না।

আজ রাতে ধুম হবে ভারী নিয়ে আয়

কারণবারি,

জ্বেলে দে মশালগুলো, মনের মতন পূজো দেব

নেচে নেচে ঘুরে ঘুরে রাজাটা খেপেছে রে,

তার কথা আর মানব না॥

বাল্মীকি প্রতিভা: রাজা মহারাজা কে জানে

প্রথম দস্যু। রাজা মহারাজা কে জানে, আমিই রাজাধিরাজ।

তুমি উজির, কোতোয়াল তুমি,

ওই ছোঁড়াগুলো বর্কন্দাজ।

যত সব কুঁড়ে আছে ঠাঁই জুড়ে,

কাজের বেলায় বুদ্ধি যায় উড়ে।

পা ধোবার জল নিয়ে আয় ঝট,

কর তোরা সব যে যার কাজ॥

বাল্মীকি প্রতিভা: আছে তোমার বিদ্যে-সাধি

দ্বিতীয় দস্যু। আছে তোমার বিদ্যে-সাধি জানা।

রাজত্ব করা, এ কি তামাশা পেয়েছ।

প্রথম দস্যু। জানিস নে কেটা আমি।

দ্বিতীয় দস্যু। ঢের ঢের জানি ঢের ঢের জানি

প্রথম দস্যু। হাসিস নে হাসিস নে মিছে, যা যা

সব আপন কাজে যা যা,

যা আপন কাজে।

দ্বিতীয় দস্যু। খুব তোমার লম্বাচওড়া কথা।

নিতান্ত দেখি তোমায় কৃতান্ত ডেকেছে॥

বাল্মীকি প্রতিভা: আঃ কাজ কী গোলমালে

তৃতীয় দস্যু। আঃ কাজ কী গোলমালে, নাহয় রাজাই সাজালে।
মরবার বেলায় মরবে ওটাই, আমরা সব থাকব
ফাঁকতালে।

প্রথম দস্যু। রাম রাম! হরি হরি! ওরা থাকতে আমি মরি!
তেমন তেমন দেখলে, বাবা, ঢুকব আড়ালে।

সকলে। ওরে চল তবে শিগগিরি,
আনি পূজার সামিগগিরি।
কথায় কথায় রাত পোহালো, এমনি কাজের ছিри॥

— প্রস্থান —

বাল্মীকি প্রতিভা: হায়, কী দশা

বালিকা। হায়, কী দশা হল আমার!
কোথা গো মা করুণাময়ী, অরণ্যে প্রাণ যায় গো।
মুহূর্তের তরে মা গো, দেখা দাও আমারে
জনমের মতো বিদায়॥

— পূজার উপকরণ লইয়া দস্যুগণের প্রবেশ —

ও কালীপ্রতিমা ঘিরিয়া নৃত্য

বাল্মীকি প্রতিভা: এত রঙ্গ শিখেছ

এত রঙ্গ শিখেছ কোথা মুণ্ডমালিনী!

তোমার নৃত্য দেখে চিত্ত কাঁপে, চমকে ধরণী।

ক্ষান্ত দে মা, শান্ত হ মা, সন্তানের মিনতি।

রাঙা নয়ন দেখে নয়ন মুদি ও মা ত্রিনয়নী॥

— বাল্মীকির প্রবেশ —

বাল্মীকি প্রতিভা: অহো! আস্পর্ধা একি

বাল্মীকি। অহো! আস্পর্ধা একি তোদের নরাধম!

তোদের কারেও চাহি নে আর, আর, আর না রে

দূর দূর দূর, আমারে আর ছুঁস নে।

এ-সব কাজ আর না, এ পাপ আর না,

আর না, আর না, ত্রাহি সব ছাড়িনু।

প্রথম দস্যু। দীন হীন এ অধম আমি, কিছুই জানি নে রাজা।

এরাই তো যত বাধালে জঞ্জাল,

এত করে বোঝাই বোঝে না।

কী করি, দেখো বিচারি।

দ্বিতীয় দস্যু। বাঃ এও তো বড়ো মজা, বাহবা!

যত কুয়ের গোড়া ওই তো, আরে বল-না রে।

প্রথম দস্যু। দূর দূর দূর, নির্লজ্জ, আর বকিস নে।

বাল্মীকি। তফাতে সব সরে যা। এ পাপ আর না,

আর না, আর না, ত্রাহি সব ছাড়িনু॥

— দস্যুগণের প্রস্থান —

বাল্মীকি প্রতিভা: আয়, মা, আমার সাথে

বাল্মীকি। আয়, মা, আমার সাথে, কোনো ভয় নাই আর!
 কত দুঃখ পেলি বনে, আহা, মা আমার!
 নয়নে ঝরিছে বারি, এ কি, মা, সহিতে পারি
 কোমল কাতর তনু কাঁপিতেছে বার বার॥

— প্রস্থান —

— চতুর্থ দৃশ্য —

— বনদেবীগণের প্রবেশ —

বাল্মীকি প্রতিভা: রিম ঝিম ঘন ঘন

রিম ঝিম ঘন ঘন রে বরষে।
 গগনে ঘনঘটা, শিহরে তরুলতা,
 ময়ূর ময়ূরী নাচিছে হরষে।
 দিশি দিশি সচকিত, দামিনী চমকিত,
 চমকি উঠিছে হরিণী তরাসে॥

— প্রস্থান —

— বাল্মীকির প্রবেশ —

বাল্মীকি প্রতিভা: কোথায় জুড়াতে আছে

কোথায় জুড়াতে আছে ঠাই
 কেন প্রাণ কেন কাঁদে রে।
 যাই দেখি শিকারেতে, রহিব আমোদে মেতে,
 ভুলি সব জ্বালা বনে বনে ছুটিয়ে
 কেন প্রাণ কেন কাঁদে রে।
 আপনা ভুলিতে চাই, ভুলিব কেমনে
 কেমনে যাবে বেদনা।
 ধরি ধনু আনি বাণ গাহিব ব্যাধের গান,
 দলবল লয়ে মাতিব
 কেন প্রাণ কেন কাঁদে রে॥
 শৃঙ্গধ্বনিপূর্বক দস্যুগণকে আহ্বান
 — দস্যুগণের প্রবেশ —

বাল্মীকি প্রতিভা: কেন রাজা, ডাকিস কেন

দস্যু। কেন রাজা, ডাকিস কেন, এসেছি সবে।

বুঝি আবার শ্যামা মায়ের পূজো হবে?

বাল্মীকি। শিকারে হবে যেতে, আয় রে সাথে।

প্রথম দস্যু। ওরে, রাজা কী বলছে শোন।

শিকারে চল তবে।

সকলে।

সবারে আন ডেকে যত দলবল সবে॥

— বাল্মীকির প্রস্থান —

বাল্মীকি প্রতিভা: এই বেলা সবে মিলে চলো

এই বেলা সবে মিলে চলো হো, চলো হো!
 ছুটে আয়, শিকারে কে রে যাবি আয়,
 এমন রজনী বহে যায় যে।
 ধনুর্বাণ বল্লম লয়ে হাতে আয় আয় আয় আয় রে।
 বাজা শিঙা ঘন ঘন, শব্দে কাঁপবে বন,
 আকাশ ফেটে যাবে, চমকিবে পশু পাখি সবে,
 ছুটে যাবে কাননে কাননে
 চারি দিকে ঘিরে যাব পিছে পিছে
 হো হো হো হো ॥

— বাল্মীকির প্রবেশ —

বাল্মীকি প্রতিভা: গহনে গহনে যা রে তোরা

বাল্মীকি। গহনে গহনে যা রে তোরা, নিশি বহে যায় যে।
 তন্ন তন্ন করি অরণ্য, করী বরাহ খোঁজ গে
 এই বেলা যা রে।
 নিশাচর পশু সবে এখনি বাহির হবে,
 ধনুর্বাণ নে রে হাতে, চল ত্বরান্বিত চল।
 জ্বালায়ে মশাল-আলো এই বেলা আয় রে॥

— প্রস্থান —

বাল্মীকি প্রতিভা: চল চল ভাই

প্রথম দস্যু। চল চল ভাই, তুরা করে মোরা আগে যাই।

দ্বিতীয় দস্যু। প্রাণপণ খোঁজ এ বন, সে বন
চল মোরা ক'জন ও দিকে যাই।

প্রথম দস্যু। না না ভাই, কাজ নাই।
হোথা কিছু নাই, কিছু নাই
ওই ঝোপে যদি কিছু পাই।

দ্বিতীয় দস্যু। বরা বরা!

প্রথম দস্যু। আরে দাঁড়া দাঁড়া, অত ব্যস্ত হলে ফস্কাবে শিকার।
চুপি চুপি আয়, চুপি চুপি আয় ওই অশথতলায়।
এবার ঠিকঠাক হয়ে সবে থাক
সাবধান ধরো বাণ, সাবধান ছাড়ো বাণ,
গেল গেল ঐ, পালায় পালায়, চল চল।
ছোট রে পিছে, আয় রে তুরা যাই॥

— বনদেবীগণের প্রবেশ —

বাল্মীকি প্রতিভা: কে এল আজি এ ঘোর

কে এল আজি এ ঘোর নিশীথে
 সাধের কাননে শান্তি নাশিতে।
 মত্ত করী যত পদ্মবন দলে
 বিমল সরোবর মস্ত্রিয়া,
 ঘুমন্ত বিহগে কেন বধে রে
 সঘনে খর শরৎ সন্ধিয়া।
 তরাসে চমকিয়ে হরিণহরিণী
 স্থলিত চরণে ছুটিছে
 স্থলিত চরণে ছুটিছে কাননে,
 করুণ নয়নে চাহিছে।
 আকুল সরসী, সারসসারসী
 শরবনে পশি কাঁদিছে।
 তিমির দিগ ভরি ঘোর যামিনী
 বিপদ ঘন ছায়া ছাইয়া
 কী জানি কী হবে আজি এ নিশীথে,
 তরাসে প্রাণ ওঠে কাঁপিয়া॥

— প্রথম দস্যুর প্রবেশ —

বাল্মীকি প্রতিভা: প্রাণ নিয়ে তো সটকেছি

প্রথম দস্যু। প্রাণ নিয়ে তো সটকেছি রে, করবি এখন কী।

ওরে বরা, করবি এখন কী।

বাবা রে, আমি চুপ করে এই কচুবনে
লুকিয়ে থাকি।

এই মরদের মুরদখানা দেখেও কি রে ভড়কালি
না।

বাহবা! শাবাশ তোরে, শাবাশ রে তোর ভরসা
দেখি॥

খোঁড়াইতে খোঁড়াইতে আর একজন

— দস্যুর প্রবেশ —

বাল্মীকি প্রতিভা: বলব কী আর বলব

অন্য দস্যু। বলব কী আর বলব খুড়ো - উঁ উঁ

আমার যা হয়েছে বলি কার কাছে
একটা বুনো ছাগল তেড়ে এসে মেরেছে টুঁ।

প্রথম দস্যু। তখন যে ভারী ছিল জারিজুরি,
এখন কেন করছ, বাপু, উঁ উঁ উঁ
কোনখানে লেগেছে বাবা, দিই একটু ফুঁ॥

— দস্যুগণের প্রবেশ —

বাল্মীকি প্রতিভা: সর্দারমশায় দেরি না সয়

দস্যুগণ। সর্দারমশায় দেরি না সয়,
তোমার আশায় সবাই বসে।
শিকারেতে হবে যেতে,
মিহি কোমর বাঁধো কষে।
বনবাদাড় সব ঘেঁটেঘুটে
আমরা মরি খেটেখুটে,
তুমি কেবল লুটেপুটে
পেট পোরাবে ঠেসেঠুসে!

প্রথম দস্যু। কাজ কি খেয়ে, তোফা আছি
আমায় কেউ না খেলেই বাঁচি।
শিকার করতে যায় কে মরতে
টুঁসিয়ে দেবে বরা-মোষে।
টুঁ খেয়ে তো পেট ভরে না
সাধের পেটটি যাবে ফেঁসে॥

— হাসতে হাসতে প্রস্থান ও শিকারের —

— পশ্চা পশ্চা পুনঃপ্রবেশ —

— বাল্মীকির দ্রুত প্রবেশ —

বাল্মীকি প্রতিভা: রাখ রাখ, ফেল ধনু

বাল্মীকি। রাখ রাখ, ফেল ধনু, ছাড়িস নে বাণ॥
 হরিণশাবক দুটি প্রাণভয়ে ধায় ছুটি,
 চাহিতেছে ফিরে ফিরে করুণনয়ান।
 কোনো দোষ করে নি তো, সুকুমার কলেবর
 কেমনে কোমল দেহে বিঁধিবি কঠিন শর!
 থাক থাক ওরে থাক, এ দারুণ খেলা রাখ,
 আজ হতে বিসর্জিনু এ ছার ধনুক বাণ॥

— প্রস্থান —

— দস্যুগণের প্রবেশ —

বাল্মীকি প্রতিভা: আর না, আর না, এখানে আর না

দস্যুগণ। আর না, আর না, এখানে আর না

আয় রে সকলে চলিয়া যাই।

ধনুক বাণ ফেলেছে রাজা,

এখানে কেমনে থাকিব ভাই!

চল চল চল এখনি যাই॥

— বাল্মীকির দ্রুত প্রবেশ —

দস্যুগণ। তোর দশা, রাজা, ভালো তো নয়

রক্তপাতে পাস রে ভয়

লাজে মোরা মরে যাই।

পাখিটি মারিলে কাঁদিয়া খুন,

না জানি কে তোরে করিল গুণ

হেন কভু দেখি নাই॥

— দস্যুগণের প্রস্থান —

— পঞ্চম দৃশ্য —

বাল্মীকি প্রতিভা: জীবনের কিছু হল না

বাল্মীকি। জীবনের কিছু হল না হয়

হল না গো হল না, হয় হয়।

গহনে গহনে কত আর ভ্রমিব নিরাশার এ আঁধারে।

শূন্য হৃদয় আর বহিতে যে পারি না,

পারি না গো, পারি না আর।

কী লয়ে এখন ধরিব জীবন, দিবসরজনী চলিয়া যায়

দিবসরজনী চলিয়া যায়

কত কী করিব বলি কত উঠে বাসনা,

কী করিব জানি না গো।

সহচর ছিল যারা ত্যেজিয়া গেল তারা। ধনুর্বাণ

ত্যেজেছি,

কোনো আর নাই কাজ

‘কী করি কী করি’ বলি হাহা করি ভ্রমি গো

কী করিব জানি না যে॥

— ব্যাধগণের প্রবেশ —

বাল্মীকি প্রতিভা: দেখ দেখ, দুটো পাখি

প্রথম ব্যাধ। দেখ দেখ, দুটো পাখি বসেছে গাছে।

দ্বিতীয় ব্যাধ। আয় দেখি চুপিচুপি আয় রে কাছে।

প্রথম ব্যাধ। আরে, ঝট করে এইবারে ছেড়ে দে রে বাণ।
রোস, রোস, আগে আমি করি রে সন্ধান।

দ্বিতীয় ব্যাধ। থাম থাম, কী করিবি বধি পাখিটির প্রাণ।

বাল্মীকি। দুটিতে রয়েছে সুখে, মনের উল্লাসে গাহিতেছে গান।

প্রথম ব্যাধ। রাখো মিছে ও-সব কথা,
কাছে মোদের এস নাকো হেথা,
চাই নে ও-সব-শাস্ত্র কথা সময় বহে যায় যে।

বাল্মীকি। শোনো শোনো, মিছে রোষ কোরো না।

ব্যাধ। থামো থামো ঠাকুর এই ছাড়ি বাণ॥
একটি ক্রৌঞ্চকে বধ

বাল্মীকি। মা নিষাদ প্রতিষ্ঠাং ত্বমগমঃ শাস্বতীঃ সমাঃ।
য ক্রৌঞ্চমিথুনাদেকমবধীঃ কামমোহিতম॥

বাল্মীকি প্রতিভা: কী বলিনু আমি

কী বলিনু আমি! এ কী সুললিত বাণী রে!
 কিছু না জানি কেমনে যে আমি প্রকাশিনু দেবভাষা,
 এমন কথা কেমনে শিখিনু রে!
 পুলকে পুরিল মনপ্রাণ, মধু বরষিল শ্রবণে,
 একী! হৃদয়ে এ কী এ দেখি!
 ঘোর অন্ধকারমাঝে, এ কী জ্যোতি ভায়
 অবাক! করুণা এ কার॥
 সরস্বতীর আবির্ভাব

বাল্মীকি প্রতিভা: এ কী এ, এ কী এ

বাল্মীকি। এ কী এ, এ কী এ, স্থির চপলা!
 কিরণে কিরণে হল সব দিক উজলা।
 কী প্রতিমা দেখি এ জোছনা মাখিয়ে
 কে রেখেছে আঁকিয়ে আ মরি কমলপুতলা॥

— ব্যাধগণের প্রস্থান —

— বনদেবীগণের প্রবেশ —

বাল্মীকি প্রতিভা: নমি নমি, ভারতী

বনদেবী। নমি নমি, ভারতী, তব কমলচরণে।

পুণ্য হল বনভূমি, ধন্য হল প্রাণ।

বাল্মীকি। পূর্ণ হল বাসনা, দেবী কমলাসনা

ধন্য হল দস্যুপতি, গলিল পাষণ।

বনদেবী। কঠিন ধরাভূমি এ, কমলালয়া তুমি যে

হৃদয়কমলে চরণকমল করো দান।

বাল্মীকি। তব কমলপরিমলে রাখো হৃদি ভরিয়ে

চিরদিবস করিব তব চরণসুধাপান॥

দেবীগণের অন্তর্ধান

কালী-প্রতিমার প্রতি

বাল্মীকি প্রতিভা: শ্যামা, এবার ছেড়ে চলেছি

শ্যামা, এবার ছেড়ে চলেছি মা!

পাষাণের মেয়ে পাষাণী তুই, না বুঝে মা বলেছি মা।

এত দিন কী ছল করে তুই পাষণ করে রেখেছিলি

আজ আপন মায়ের দেখা পেয়ে নয়ন-জলে গলেছি

মা!

কালো দেখে ভুলি নে আর, আলো দেখে ভুলেছে মন

আমায় তুমি ছলেছিলে, এবার আমি

তোমায় ছলেছি মা!

মায়ার মায়া কাটিয়ে এবার মায়ের কোলে চলেছি মা॥

— ষষ্ঠ দৃশ্য —

বাল্মীকি প্রতিভা: কোথা লুকাইলে

বাল্মীকি। কোথা লুকাইলে!

সব আশা নিভিল, দশ দিশি অন্ধকার।

সবে গেছে চলে ত্যেজিয়ে আমারে,

তুমিও কি তেয়োগিলে॥

লক্ষ্মীর আবির্ভাব

বাল্মীকি প্রতিভা: কেন গো আপনমনে

লক্ষ্মী। কেন গো আপনমনে ভ্রমিছ বনে বনে,
সলিল দু নয়নে কিসের দুখে!
কমলা দিতেছে আসি রতন রাশি রাশি,
ফুটুক তবে হাসি হাসি মলিন মুখে।
কমলা যারে চায় বলো সে কী না পায়,
দুখের এ ধরায় থাকে সে সুখে।
তেজিয়া কমলাসনে এসেছি এ ঘোর বনে,
আমারে শুভক্ষণে হেরো গো চোখে॥

বাল্মীকি প্রতিভা: কোথায় সে উষাময়ী

বাল্মীকি। কোথায় সে উষাময়ী প্রতিমা
 তুমি তো নহ সে দেবী কমলাসনা।
 কোরো না আমারে ছলনা।
 কী এনেছ ধন মান! তাহা যে চাহে না প্রাণ।
 দেবী গো, চাহি না, চাহি না, মণিময় ধূলিরাশি চাহি না
 তাহা লয়ে সুখী যারা হয় হোক, হয় হোক
 আমি, দেবী, সে সুখ চাহি না।
 যাও লক্ষ্মী অলকায়, যাও লক্ষ্মী অমরায়,
 এ বনে এসো না, এসো না
 এসো না এ দীনজনকুটীরে।
 যে বীণা শুনেছি কানে মন প্রাণ আছে ভোর
 আর কিছু চাহি না, চাহি না।
 লক্ষ্মীর অন্তর্ধান
 — বাল্মীকির প্রস্থান —
 — বনদেবীগণের প্রবেশ —

বাল্মীকি প্রতিভা: বাণী বীণাপাণি, করুণাময়ী

বাণী বীণাপাণি, করুণাময়ী,
 অন্ধজনে নয়ন দিয়ে অন্ধকারে ফেলিলে,
 দরশ দিয়ে লুকালে কোথা দেবী অয়ি!
 স্বপনসম মিলাবে যদি কেন গো দিলে চেতনা
 চকিতে শুধু দেখা দিয়ে চির মরমবেদনা!
 তোমারে চাহি ফিরিছে হেরো কাননে কাননে
 ওই॥

— বনদেবীগণের প্রস্থান —

— বাল্মীকির প্রবেশ —

সরস্বতীর আবির্ভাব

বাল্মীকি প্রতিভা: এই-যে হেরি গো

বাল্মীকি। এই-যে হেরি গো দেবী আমারি!

সব কবিতাময় জগত-চরাচর, সব শোভাময় নেহারি।

হুন্দে উঠিছে চন্দ্র, হুন্দে কনকরবি উদিছে,

হুন্দে জগমগুল চলিছে, জ্বলন্ত কবিতা তারকা সবে।

এ কবিতার মাঝারে তুমি কে গো দেবী,

আলোকে আলো আঁধারি।

আজি মলয় আকুল বনে বনে একি গীত গাহিছে;

ফুল কহিছে প্রাণের কাহিনী, নব রাগরাগিনী উছাসিছে

এ আনন্দে আজ গীত গাহে মোর হৃদয় সব অবারি।

তুমিই কি দেবী ভারতী! কৃপাগুণে অল্প আঁখি ফুটালে

উষা আনিলে প্রাণের আঁধারে,

প্রকৃতির রাগিনী শিখাইলে।

তুমি ধন্য গো! রব চিরকাল চরণ ধরি তোমারি॥

বাল্মীকি প্রতিভা: দীনহীন বালিকার সাজে

সরস্বতী। দীনহীন বালিকার সাজে এসেছিণু এ ঘোর বনমাঝে
 গলাতে পাষণ তোর মন
 কেন, ব স, শোন তাহা শোন!
 আমি বীণাপাণি তোরে এসেছি শিখাতে গান
 তোর গানে গলে যাবে সহস্র পাষণপ্রাণ।
 যে রাগিণী শুনে তোর গলেছে কঠোর মন
 সে রাগিণী তোরি কণ্ঠে বাজিবে রে অনুক্ষণ।
 অধীর হইয়া সিন্ধু কাঁদিবে চরণতলে,
 চারি দিকে দিকবধু আকুল নয়নজলে।
 মাথার উপরে তোর কাঁদিবে সহস্র তারা,
 অশনি গলিয়া গিয়া হইবে অশ্রুর ধারা।
 যে করুণ রসে আজি ডুবিল রে ও হৃদয়
 শত স্রোতে তুই তাহা ঢালিবি জগৎ ময়।
 যেথায় হিমাদ্রি আছে সেথা তোর নাম রবে,
 যেথায় জাহ্নবী বহে তোর কাব্যস্রোত রবে।
 সে জাহ্নবী বহিবেক অযুত হৃদয় দিয়া
 শ্মশান পবিত্র করি, মরুভূমি উর্বরিয়া।
 মোর পদ্মাসনতলে রহিবে আসন তোর,
 নিত্য নব নব গীতে সতত রহিবি ভোর।
 বসি তোর পদতলে কবি-বালকেরা যত

শুনি তোর কণ্ঠস্বর শিথিবে সঙ্গীত কত।
এই নে আমার বীণা, দিনু তোরে উপহার
যে গান গাহিতে সাধ ধ্বনিবে ইহার তার।

શ્યામા

সূচী

1. তুমি ইন্দির হার	137
2. না না না বন্ধু	138
3. থামো থামো	139
4. ভালো ভালো, তুমি	140
5. হে বিরহী, হায়, চঞ্চল হিয়া	140
6. ফিরে যাও, কেন ফিরে	141
7. মায়াবনবিহারিণী হরিণী	142
8. জীবনে পরম লগন	144
9. ধরা সে যে দেয় নাই	145
10. ধর ধর, ওই চোর	146
11. আহা মরি মরি	147
12. সুন্দরের বন্ধন	148
13. তোমাদের একি ভ্রান্তি	148
14. চুরি হয়ে গেছে রাজকোষে	149
15. এ কী খেলা হে সুন্দরী	149
16. নহে নহে, এ নহে	150
17. রাজার প্রহরী ওরা অন্যায় অপবাদে	150
18. ন্যায় অন্যায় জানি নে	151
19. এতদিন তুমি, সখা,	152
20. আমার জীবন পাত্র উচ্ছলিয়া	153
21. তোমার প্রেমের বীর্যে	154
22. প্রহরী, ওগো প্রহরী	154
23. বুক যে ফেটে যায়	155

24. নাম লহো দেবতার	156
25. কোন অপরূপ স্বর্গের	157
26. বাজে গুরুগুরু শঙ্কার ডঙ্কা	157
27. হে বিদেশী, এসো এসো	158
28. আহা, এ কী আনন্দ	158
29. জেনো প্রেম চিরঞ্চণী	159
30. প্রেমের জোয়ারে	159
31. হায় হায় রে, হায় পরবাসী	160
32. পুরী হতে পালিয়েছে	161
33. রাজভবনের সমাদর সম্মান	162
34. দাঁড়াও, কোথা চলো	163
35. কোন বাঁধনের গ্রস্থি	163
36. হৃদয়বসন্তবনে যে	164
37. কহো কহো মোরে	164
38. নীরবে থাকিস, সখী	165
39. কী করিয়া সাধিলে অসাধ্য	165
40. তোমা লাগি যা করেছি	166
41. কাঁদিতে হবে রে	166
42. তোমার কাছে দোষ করি নাই	167
43. হায়, এ কী সমাপন	167
44. তোমায় দেখে মনে লাগে	168
45. এসো এসো, এসো প্রিয়ে	169
46. সব-কিছু কেন নিল না	170
47. এসেছি প্রিয়তম, ক্ষম মোরে	171
48. ক্ষমিতে পারিলাম না	172

শ্যামা: তুমি ইন্দ্রমণির হার

বজ্রসেন ও তাহার বন্ধু
বন্ধু তুমি ইন্দ্রমণির হার
এনেছ সুবর্ণদ্বীপ থেকে।
তোমার ইন্দ্রমণির হার
রাজমহিষীর কানে যে তার খবর দিয়েছে কে।
দাও আমায়, রাজবাড়িতে দেব বেচে
ইন্দ্রমণির হার
চিরদিনের মতো তুমি যাবে বেঁচে॥

শ্যামা: না না না বন্ধু

বজ্রসেন। না না না বন্ধু,

আমি অনেক করেছি বেচাকেনা,

অনেক হয়েছে লেনাদেনা

না না না,

এতো হাটে বিকোবার নয় হার

না না না।

কণ্ঠে দিব আমি তারি

যারে বিনা মূল্যে দিতে পারি

ওগো, আছে সে কোথায়,

আজও তারে হয় নাই চেনা।

না না না বন্ধু।

বন্ধু। ও জান নাকি

পিছনে তোমার রয়েছে রাজার চর॥

বজ্রসেন। জানি জানি, তাই তো আমি

চলেছি দেশান্তর

এ মানিক পেলেম আমি অনেক দেবতা পূজে

বাধার সঙ্গে যুঝে

এ মানিক দেব যারে অমনি তারে পাব খুঁজে,

চলেছি দেশ-দেশান্তর॥

বন্ধু দূরে প্রহরীকে দেখতে পেয়ে বজ্রসেনকে মালা-
সমেত পালাতে বলল

শ্যামা: থামো থামো

— কোটালের প্রবেশ —

কোটাল। থামো থামো

কোথায় চলেছ পালায়ে

সে কোন গোপন দায়ে।

আমি নগর-কোটালের চর॥

বজ্রসেন। আমি বণিক,

আমি চলেছি দেশান্তর॥

কোটাল। কী আছে তোমার পেটিকায়॥

বজ্রসেন। আছে মোর প্রাণ, আছে মোর শ্বাস॥

খোলো, খোলো, বৃথা কোরো না পরিহাস।

কোটাল। এই পেটিকা আমার বুকের পাঁজর যে রে

বজ্রসেন। সাবধান! সাবধান! তুমি ছুঁয়ো না, ছুঁয়ো না এরে।

তোমার মরণ নাহয় আমার মরণ

যমের দিব্য কর যদি এরে হরণ

ছুঁয়ো না, ছুঁয়ো না, ছুঁয়ো না॥

বজ্রসেনের পলায়ন

শ্যামা: ভালো ভালো, তুমি

সেই দিকে তাকিয়ে

কোটাল। ভালো ভালো, তুমি দেখব পালাও কোথা।

মশানে তোমার শূল হয়েছে পোঁতা

এ কথা মনে রেখে

তোমার ইষ্টদেবতারে স্মরিয়ো এখন থেকে॥

— প্রস্থান —

শ্যামা: হে বিরহী, হায়, চঞ্চল হিয়া

— দ্বিতীয় দৃশ্য —

শ্যামার সভাগৃহে কয়েকটি সহচরী বসে আছে

নানা কাজে নিযুক্ত

সখীরা। হে বিরহী, হায়, চঞ্চল হিয়া তব

নীরবে জাগ একাকী শূন্য মন্দিরে,

কোন সে নিরুদ্দেশ-লাগি আছ জাগিয়া।

স্বপনরাপিণী অলোকসুন্দরী

অলক্ষ্য-অলকাপুরী-নিবাসিনী,

তাহার মুরতি রচিলে বেদনায় হৃদয়মাঝারে॥

— উত্তীর্ণের প্রবেশ —

শ্যামা: ফিরে যাও, কেন ফিরে

সখীরা। ফিরে যাও, কেন ফিরে ফিরে যাও

বহিয়া বহিয়া বিফল বাসনা।

চিরদিন আছ দূরে

অজানার মতো নিভৃত অচেনা পুরে।

কাছে আস তবু আস না,

বহিয়া বিফল বাসনা।

পারি না তোমায় বুঝিতে

ভিতরে কারে কি পেয়েছ,

বাহিরে চাহ না খুঁজিতে?

না-বলা তোমার বেদনা যত

বিরহপ্রদীপে শিখারই মতো,

নয়নে তোমার উঠেছে জ্বলিয়া নীরব কী সমভাষণা

বহিয়া বিফল বাসনা॥

শ্যামা: মায়াবনবিহারিণী হরিণী

উত্তীয়। মায়াবনবিহারিণী হরিণী

গহনস্বপনসঞ্চারিণী,
 কেন তারে ধরিবারে করি পণ অকারণ।
 থাক থাক নিজমনে দূরেতে,
 আমি শুধু বাঁশরির সুরেতে
 পরশ করিব ওর প্রাণমন
 অকারণ।

সখীরা। হতাশ হোয়ো না, হোয়ো না, হোয়ো না সখা।

নিজেরে ভুলায়ে লোয়ো না, লোয়ো না
 আঁধার গুহার তলে॥

উত্তীয়। চমকিবে ফাগুনের পবনে,

পশিবে আকাশবাণী শ্রবণে,
 চিত্ত আকুল হবে অনুখন
 অকারণ।

দূর হতে আমি তারে সাধিব,
 গোপনে বিরহডোরে বাঁধিব
 বাঁধনবিহীন সেই যে বাঁধন

অকারণ॥

সখীরা। হবে সখা, হবে তব হবে জয়

নাহি ভয়, নাহি ভয়, নাহি ভয়।

হে প্রেমিক তাপস, নিঃশেষে আত্ম-আছতি
ফলিবে চরম ফলে॥

— প্রস্থান —

শ্যামা: জীবনে পরম লগন

সখী। জীবনে পরম লগন কোরো না হেলা

কোরো না হেলা হে গরবিনী।

বৃথাই কাটিবে বেলা, সাজ হবে যে খেলা

সুধার হাটে ফুরাবে বিকিকিনি

হে গরবিনী॥

মনের মানুষ লুকিয়ে আসে, দাঁড়ায়ে পাশে,

হায়

হেসে চলে যায় জোয়ার-জলে ভাসিয়ে ভেলা—

দুর্লভ ধনে দুঃখের পণে লও গো জিনি

হে গরবিনী॥

ফাগুন যখন যাবে গো নিয়ে ফুলের ডালা।

কী দিয়ে তখন গাঁথিবে তোমার বরণমালা

হে বিরহিণী।

বাজবে বাঁশি দূরের হাওয়ায়,

চোখের জলে শূন্যে চাওয়ায়

কাটবে প্রহর—

বাজবে বুকে বিদায়পথের চরণ ফেলা দিনযামিনী,

হে গরবিনী॥

শ্যামা: ধরা সে যে দেয় নাই

শ্যামা। ধরা সে যে দেয় নাই, দেয় নাই,
 যারে আমি আপনারে সঁপিতে চাই
 কোথা সে যে আছে সঙ্গোপনে
 প্রতিদিন শত তুচ্ছের আড়ালে আড়ালে
 আড়ালে॥

এসো মম সার্থক স্বপন্,
 করো মম যৌবন সুন্দর,
 দক্ষিণবায়ু আনো পুষ্পবনে।
 ঘুচাও বিষাদের কুহেলিকা,
 নব প্রাণমন্ত্ৰের আনো বাণী।
 পিপাসিত জীবনের ক্ষুদ্র আশা
 আঁধারে আঁধারে খোঁজে ভাষা
 শূন্যে পথহারা পবনের ছন্দে,
 ঝ'রে-পড়া বকুলের গন্ধে॥

শ্যামা: ধর ধর, ওই চোর

সখীদের নৃত্যচর্চা, শেষে শ্যামার সজ্জা-সাধন। এমন
সময়

বজ্রসেন ছুটে এল। পিছনে কোটাল

কোটাল। ধর ধর, ওই চোর, ওই চোর।

বজ্রসেন। নই আমি নই চোর, নই চোর, নই চোর।

অন্যায় অপবাদে আমারে ফেলো না
ফাঁদে

কোটাল। ওই বটে, ওই চোর, ওই চোর, ওই চোর॥

— উভয়ের প্রস্থান —

শ্যামা: আহা মরি মরি

বজ্রসেন যে দিকে গেল
 শ্যামা সে দিকে কিছুক্ষণ তন্ময় হয়ে তাকিয়ে রইল
শ্যামা। আহা মরি মরি,
 মহেন্দ্রিন্দিতকান্তি উন্নতদর্শন
 কারে বন্দী করে আনে
 চোরের মতন কঠিন শৃঙ্খলে।
 শীঘ্র যা লো, সহচরী, যা লো, যা লো
 বল গে নগরপালে মোর নাম করি,
 শ্যামা ডাকিতেছে তারে।
 বন্দী সাথে লয়ে একবার,
 আসে যেন আমার আলয়ে দয়া করি॥
 — শ্যামা ও সখীদের প্রস্থান —

শ্যামা: সুন্দরের বন্ধন

সখী। সুন্দরের বন্ধন নিষ্ঠুর হাতে
 ঘুচাবে কে। কে!
 নিঃসহায়ের অশ্রুবারি পীড়িতের চক্ষে
 মুছাবে কে। কে!
 আতের ক্রন্দনে হেরো ব্যথিত বসুন্ধরা,
 অন্যায়ের আক্রমণে বিষবাণে জর্জরা
 প্রবলের উ পীড়ণে কে বাঁচাবে দুর্বলরে,
 অপমানিতেরে কার দয়া বক্ষে লবে ডেকে॥

— সহচরীর প্রস্থান —

শ্যামা: তোমাদের একি ভ্রান্তি

— বজ্রসেন ও কোটাল সহ শ্যামার পুনঃপ্রবেশ —

শ্যামা। তোমাদের একি ভ্রান্তি
 কে ওই পুরুষ দেবকান্তি,
 প্রহরী, মরি মরি।
 এমন করে কি ওকে বাঁধে!
 দেখে যে আমার প্রাণ কাঁদে।
 বন্দী করেছে কোন দোষে॥

শ্যামা: চুরি হয়ে গেছে রাজকোষে

কোটাল। চুরি হয়ে গেছে রাজকোষে
 চোর চাই যে ক'রেই হোক, চোর চাই।
 হোক-না সে যে-কোনো লোক, চোর চাই।
 নহিলে মোদের যাবে মান॥

শ্যামা। নির্দোষী বিদেশীর রাখো প্রাণ,
 দুই দিন মাগিনু সময়॥

কোটাল। রাখিব তোমার অনুনয়
 দুই দিন কারাগারে রবে,
 তার পর যা হবার তা হবে॥

শ্যামা: এ কী খেলা হে সুন্দরী

বজ্রসেন। এ কী খেলা হে সুন্দরী,
 কিসের এ কৌতুক।
 দাও অপমানদুখ, কেন দাও অপমানদুখ
 মোরে নিয়ে কেন, কেন, কেন এ কৌতুক॥

শ্যামা: নহে নহে, এ নহে

শ্যামা। নহে নহে, এ নহে কৌতুক।

মোর অঙ্গের স্বর্ণ-অলঙ্কার

সঁপি দিয়া শৃঙ্খল তোমার

নিতে পারি নিজ দেহে।

তব অপমানে মোর অন্তরাত্মা আজি

অপমান মানে॥

— বজ্রসেনকে নিয়ে প্রহরীর প্রস্থান —

সঙ্গে শ্যামা কিছু দূর গিয়ে ফিরে এসে

শ্যামা: রাজার প্রহরী ওরা অন্যায় অপবাদে

শ্যামা। রাজার প্রহরী ওরা অন্যায় অপবাদে

নিরীহের প্রাণ বধিবে ব'লে কারাগারে বাঁধে।

ওগো শোনো, ওগো শোনো, ওগো শোনো

আছ কি বীর কোনো,

দেবে কি ওরে জড়িয়ে মরিতে

অবিচারের ফাঁদে

অন্যায় অপবাদে॥

শ্যামা: ন্যায় অন্যায় জানি নে

— উত্তীয়ার প্রবেশ —

উত্তীয়ার। ন্যায় অন্যায় জানি নে, জানি নে, জানি নে
 শুধু তোমারে জানি, তোমারে জানি
 ওগো সুন্দরী।
 চাও কি প্রেমের চরম মূল্য দেব আনি,
 দেব আনি ওগো সুন্দরী।
 প্রিয় যে তোমার, বাঁচাবে যারে,
 নেবে মোর প্রাণঋণ
 তাহারি সঙ্গে তোমারি বক্ষে
 বাঁধা রব চিরদিন
 মরণডোরে।
 কেমনে ছাড়িবে মোরে, ছাড়িবে মোরে
 ওগো সুন্দরী॥

শ্যামা: এতদিন তুমি, সখা,

শ্যামা। এতদিন তুমি, সখা, চাহ নি কিছু

সখা, চাহ নি কিছু

নীরবে ছিলে করি নয়ন নিচু,

চাহ নি কিছু।

রাজ-অঙ্গুরী মম করিলাম দান,

তোমারে দিলাম মোর শেষ সম্মান।

তব বীর-হাতে এই ভূষণের সাথে

আমার প্রণাম যাক তব পিছু পিছু।

তুমি চাহ নি কিছু, সখা, চাহ নি কিছু॥

শ্যামা: আমার জীবন পাত্র উচ্ছলিয়া

উত্তীয়। আমার জীবন পাত্র উচ্ছলিয়া মাধুরী করেছ দান—
 তুমি জান নাই, তুমি জান নাই,
 তুমি জান নাই তার মূল্যের পরিমাণ।
 রজনীগন্ধা অগোচরে
 যেমন রজনী স্বপন ভরে সৌরভে,
 তুমি জান নাই, তুমি জান নাই,
 তুমি জান নাই, মরমে আমার ঢেলেছ তোমার গান।
 বিদায় নেবার সময় এবার হল—
 প্রসন্ন মুখ তোলো,
 মুখ তোলো, মুখ তোলো
 মধুর মরণে পূর্ণ করিয়া সাঁপিয়া যাব প্রাণ
 চরণে।
 যারে জান নাই, যারে জান নাই,
 যারে জান নাই,
 তার গোপন ব্যথার নীরব রাত্রি হোক আজি
 অবসান॥
 শ্যামা হাত ধ'রে উত্তীয়ের মুখের দিকে চেয়ে রইল
 অল্লক্ষণ পরে হাত ছেড়ে ধীরে ধীরে চলে গেল

শ্যামা: তোমার প্রেমের বীর্ঘে

সখী। তোমার প্রেমের বীর্ঘে
 তোমার প্রবল প্রাণ সখীরে করিলে দান।
 তব মরণের ডোরে বাঁধিলে বাঁধিলে ওরে
 অসীম পাপে অনন্ত শাপে।
 তোমার চরম অর্ঘ্য
 কিনিল সখীর লাগি নারকী প্রেমের স্বর্গ॥

শ্যামা: প্রহরী, ওগো প্রহরী

উত্তীয়। প্রহরী, ওগো প্রহরী, লহো লহো লহো মোরে বাঁধি।
 বিদেশী নহে সে তব শাসনপাত্র
 আমি একা অপরাধী।

কোটাল। তুমিই করেছ তবে চুরি?

উত্তীয়। এই দেখো রাজ-অঙ্গুরী
 রাজ-আভরণ দেহে করেছি ধারণ আজি,
 সেই পরিতাপে আমি কাঁদি॥

— উত্তীয়কে লইয়া প্রহরীর প্রস্থান —

শ্যামা: বুক যে ফেটে যায়

সখী। বুক যে ফেটে যায় হায় হায় রে।
তোর তরুণ জীবন দিলি নিষ্কারণে
মৃত্যুপিপাসিনীর পায় রে ওরে সখা।
মধুর দুর্লভ যৌবনধন ব্যর্থ করিলি কেন
অকালে
পুষ্পবিহীন গীতিহারা মরণমরুর পারে ওরে
সখা॥

— প্রস্থান —

শ্যামা: নাম লহো দেবতার

— কারাগারে উত্তীয়। প্রহরীর প্রবেশ —

প্রহরী। নাম লহো দেবতার। দেরি তব নাই আর
দেরি তব নাই আর।

ওরে পাষাণ, লহো চরম দণ্ড। তোর
অন্ত যে নাই আত্মসম্মান॥

— শ্যামার দ্রুত প্রবেশ —

শ্যামা। থাম রে, থাম রে তোরা, ছেড়ে দে, ছেড়ে দে
দোষী ও-যে নয় নয়, মিথ্যা, মিথ্যা সবই
আমারি ছলনা ও যে
বেঁধে নিয়ে যা মোরে রাজার চরণে॥

কোটাল। চুপ করো, দূরে যাও, দূরে যাও নারী
বাধা দিয়ে না, বাধা দিয়ে না॥

— দুই হাতে মুখ ঢেকে শ্যামার প্রস্থান —

প্রহরীর উত্তীয়কে হত্যা

শ্যামা: কোন অপরূপ স্বর্গের

সখী। কোন অপরূপ স্বর্গের আলো
 দেখা দিল রে প্রলয়রাত্রি ভেদি দুর্দিনদুর্যোগে,
 মরণমহিমা ভীষণের বাজালো বাঁশি।
 অকরুণ নির্মম ভুবনে দেখিনি এ কী সহসা
 কোন আপনা-সমর্পণ, মুখে নির্ভয় হাসি॥

শ্যামা: বাজে গুরুগুরু শঙ্কার ডঙ্কা

— তৃতীয় দৃশ্য —

শ্যামা। বাজে গুরুগুরু শঙ্কার ডঙ্কা,
 ঝঞ্ঝা ঘনায় দূরে ভীষণনীরবে।
 কত রব সুখস্বপ্নে ঘোরে আপনা ভুলে
 সহসা জাগিতে হবে॥

শ্যামা: হে বিদেশী, এসো এসো

— বজ্রসেনের প্রবেশ —

হে বিদেশী, এসো এসো। হে আমার প্রিয়,
এই কথা স্মরণে রাখিয়ো এসো এসো
তোমা-সাথে এক স্রোতে ভাসিলাম আমি,
হে হৃদয়স্বামী, জীবনে মরণে প্রভু॥

শ্যামা: আহা, এ কী আনন্দ

বজ্রসেন। আহা, এ কী আনন্দ!

হৃদয়ে দেহে ঘুচালে মম সকল বন্ধ।
দুঃখ আমার আজি হল যে ধন্য,
মৃত্যুগহনে লাগে অমৃতসুগন্ধ।
এলে কারাগারে রজনীর পারে উষাসম,
মুক্তিরূপা অয়ি লক্ষ্মী দয়াময়ী॥

শ্যামা। বোলো না, বোলো না, বোলো না আমি দয়াময়ী!

মিথ্যা, মিথ্যা, মিথ্যা বোলো না।
এ কারাপ্রাচীরে শিলা আছে যত
নহে তা কঠিন আমার মতো।

আমি দয়াময়ী!

মিথ্যা, মিথ্যা, মিথ্যা বোলো না।

শ্যামা: জেনো প্রেম চিরঋণী

বজ্রসেন। জেনো প্রেম চিরঋণী আপনারি হরষে,
জেনো প্রিয়ে।

সব পাপ ক্ষমা করি ঋণশোধ করে সে।
জেনো প্রিয়ে।
কলঙ্ক যাহা আছে দূর হয় তার কাছে,
কালিমার 'পরে তার অমৃত সে বরষে
জেনো প্রিয়ে॥

শ্যামা: প্রেমের জোয়ারে

প্রেমের জোয়ারে ভাসাবে দৌহারে-
বাঁধন খুলে দাও, দাও দাও, দাও।
ভুলিব ভাবনা, পিছনে চাব না-
পাল তুলে দাও, দাও দাও, দাও॥
প্রবল পবনে তরঙ্গ তুলিল
হৃদয় দুলিল, দুলিল দুলিল।
পাগল হে নাবিক,
ভুলাও দিগবিদিক,
পাল তুলে দাও, দাও দাও, দাও॥

শ্যামা: হায় হায় রে, হায় পরবাসী

সখী। হায় হায় রে, হায় পরবাসী, হায় গৃহছাড়া উদাসী।

অন্ধ অদৃষ্টের আহ্বানে

কোথা অজানা অকূলে চলেছিস ভাসি॥

শুনিতে কি পাস দূর আকাশে

কোন বাতাসে সর্বনাশার বাঁশি।

ওরে, নির্মম ব্যাধ যে গাঁথে মরণের ফাঁসি।

রঙিন মেঘের তলে গোপন অশ্রুজলে

বিধাতার দারুণ বিদ্রপবজ্জ্ব

সঞ্চিত নীরব অটুহাসি

হা হা॥

শ্যামা: পুরী হতে পালিয়েছে

— চতুর্থ দৃশ্য —

— কোটালের প্রবেশ —

কোটাল। পুরী হতে পালিয়েছে যে পুরসুন্দরী
 কোথা তারে ধরি কোথা তারে ধরি।
 রক্ষা রবে না, রক্ষা রবে না
 এমন ক্ষতি রাজার সবে না, রক্ষা রবে না।
 বন হতে কেন গেল অশোকমঞ্জরী
 ফাল্গুনের অঙ্গন শূন্য করি।
 ওরে কে তুই ভুলালি, তারে কে তুই
 ভুলালি
 ফিরিয়ে দে তারে, মোদের বনের দুলালী
 তারে কে তুই ভুলালি॥

— প্রস্থান —

শ্যামা: রাজভবনের সমাদর সম্মান

— মেয়েদের প্রবেশ। শেষে প্রহরীর প্রবেশ —

সখীগণ। রাজভবনের সমাদর সম্মান ছেড়ে

এল আমাদের সখী।

দেরি কোরো না, দেরি কোরো না, দেরি কোরো
না

কেমনে যাবে অজানা পথে

অন্ধকারে দিক নিরখি হয়।

অচেনা প্রেমের চমক লেগে

প্রলয়রাতে সে উঠেছে জেগে অচেনা প্রেমে।

ধ্রুবতারাকে পিছনে রেখে

ধূমকেতুকে চলেছে লখি হয়।

কাল সাকালে পুরানো পথে

আর কখনো ফিরিবে ও কি হয়।

দেরি কোরো না, দেরি কোরো না, দেরি কোরো
না॥

শ্যামা: দাঁড়াও, কোথা চলো

প্রহরী। দাঁড়াও, কোথা চলো, তোমরা কে বলো বলো॥

সখীগণ। আমরা আহিরিনী, সারা হল বিকিকিনি
দূর গাঁয়ে চলি ধেয়ে আমরা বিদেশী মেয়ে॥

প্রহরী। ঘাটে বসে হোথা ও কে॥

সখীগণ। সাথি মোদের ও যে নেয়ে
যেতে হবে দূর পারে, এনেছি তাই ডেকে তারে।
নিয়ে যাবে তরী বেয়ে সাথি মোদের ও যে নেয়ে
ওগো প্রহরী, বাধা দিয়ো না, বাধা দিয়ো না
মিনতি করি ওগো প্রহরী॥

— প্রস্থান —

শ্যামা: কোন বাঁধনের গ্রন্থি

সখী। কোন বাঁধনের গ্রন্থি বাঁধিল দুই অজানারে

এ কী সংশয়েরই অন্ধকারে।

দিশাহারা হাওয়ায় তরঙ্গদোলায়

মিলনতরণীখানি ধায় রে কোন বিচ্ছেদের

পারে॥

শ্যামা: হৃদয়বসন্তবনে যে

— বজ্রসেন ও শ্যামার প্রবেশ —

বজ্রসেন। হৃদয়বসন্তবনে যে মাধুরী বিকাশিল
 সেই প্রেম এই মালিকায় রূপ নিল, রূপ নিল, রূপ
 নিল।
 এই ফুলহারে, প্রেয়সী, তোমারে বরণ করি
 অক্ষয়মধুর সুধাময় হোক মিলনবিভাবরী।
 প্রেয়সী, তোমায় প্রাণবেদিকায় প্রেমের পূজায়
 বরণ করি।

শ্যামা: কহো কহো মোরে

কহো কহো মোরে প্রিয়ে,
 আমারে করেছ মুক্ত কী সম্পদ দিয়ে।
 অয়ি বিদেশিনী,
 তোমার কাছে আমি কত ঋণে ঋণী।
শ্যামা। নহে নহে নহে সে কথা এখনো নহে।

শ্যামা: নীরবে থাকিস, সখী

সহচরী। নীরবে থাকিস, সখী, ও তুই নীরবে থাকিস।

তোর প্রেমেতে আছে যে কাঁটা

তারে আপন বুকে বিঁধিয়ে রাখিস॥

দয়িতেরে দিয়েছিলি সুধা

আজিও তাহার মেটে নি ক্ষুধা

এখনি তাহে মিশাবি কি বিষ।

যে জ্বলনে তুই মরিবি মরমে মরমে

কেন তারে বাহিরে ডাকিস॥

শ্যামা: কী করিয়া সাধিলে অসাধ্য

বজ্রসেন। কী করিয়া সাধিলে অসাধ্য ব্রত কহো বিবরিয়া।

জানি যদি, প্রিয়ে, শোধ দিব এ জীবন দিয়ে

এই মোর পণ॥

শ্যামা: তোমা লাগি যা করেছি

শ্যামা। তোমা লাগি যা করেছি কঠিন সে কাজ,
 আরো সুকঠিন আজ তোমারে সে কথা বলা।
 বালক কিশোর উত্তীয় তার নাম,
 ব্যর্থ প্রেমে মোর মত্ত অধীর
 মোর অনুনয়ে তব চুরি-অপবাদ নিজ-‘পরে লয়ে
 সঁপেছে আপন প্রাণ॥

শ্যামা: কাঁদিতে হবে রে

বজ্রসেন। কাঁদিতে হবে রে, রে পাপিষ্ঠা, জীবনে পাবি না শান্তি।
 ভাঙিবে ভাঙিবে কলুষনীড় বজ্র-আঘাতে॥

শ্যামা। হে, ক্ষমা করো নাথ, ক্ষমা করো।
 এ পাপের যে অভিসম্পাত
 হোক বিধাতার হাতে নিদারুণতর।
 তুমি ক্ষমা করো, তুমি ক্ষমা করো, তুমি ক্ষমা করো॥

বজ্রসেন। এ জন্মের লাগি
 তোর পাপমূল্যে কেনা মহাপাপভাগী
 এ জীবন করিলি ধিককৃত!
 কলঙ্কিনী, ধিক নিশ্বাস মোর তোর কাছে ঋণী
 কলঙ্কিনী॥

শ্যামা: তোমার কাছে দোষ করি নাই

শ্যামা। তোমার কাছে দোষ করি নাই, দোষ করি নাই।
 দোষী আমি বিধাতার পায়ে,
 তিনি করিবেন রোষ সহিব নীরবে।
 তুমি যদি না কর দয়া সবে না, সবে না, সবে না॥

বজ্রসেন। তবু ছাড়িবি নে মোরে?

শ্যামা। ছাড়িব না, ছাড়িব না, ছাড়িব না।
 তোমা লাগি পাপ নাথ, তুমি করো মর্মাঘাত।
 ছাড়িব না, ছাড়িব না, ছাড়িব না।
 শ্যামাকে বজ্রসেনের আঘাত ও শ্যামার পতন
 — বজ্রসেনের প্রস্থান —

শ্যামা: হায়, এ কী সমাপন

নেপথ্যে। হায়, এ কী সমাপন!
 অমৃতপাত্র ভাঙিলি, করিলি মৃত্যুরে সমর্পণ!
 এ দুর্লভ প্রেম মূল্য হারালো হারালো
 কলঙ্কে, অসম্মানে॥

শ্যামা: তোমায় দেখে মনে লাগে

— বজ্রসেনের প্রবেশ —

পল্লীরমণীরা। তোমায় দেখে মনে লাগে ব্যথা,

হায়, বিদেশী পান্থ।

এই দারুণ রৌদ্রে, এই তপ্ত বালুকায়

তুমি কি পথভ্রান্ত।

দুই চক্ষুতে একি দাহ

জানি নে, জানি নে, জানি নে কী যে চাহ।

চলো চলো আমাদের ঘরে,

চলো চলো ক্ষণেকের তরে

পাবে ছায়া, পাবে জল।

সব তাপ হবে তব শান্ত।

ও কথা কেন নেয় না কানে

কোথা চ'লে যায় কে জানে।

মরণের কোন দূত ওরে

করে দিল বুঝি উদভ্রান্ত

হা॥

— সকলের প্রস্থান —

— বজ্রসেনের প্রবেশ —

বজ্রসেন। এসো এসো, এসো প্রিয়ে,
মরণলোক হতে নূতন প্রাণ নিয়ে।
নিষ্ফল মম জীবন, নীরস মম ভুবন,
শূন্য হৃদয় পূরণ করো মাধুরীসুখ দিয়ে॥
 সহসা নূপুর দেখিয়া কুড়াইয়া লইল
 হায় রে, হায় রে নূপুর,
তার করুণ চরণ ত্যজিলি, হারালি
কলগুঞ্জনসুর।
নীরব ক্রন্দনে বেদনাবন্ধনে রাখিলি
ধরিয়া
বিরহ ভরিয়া স্মরণ সুমধুর
তার কোমলচরণস্মরণ সুমধুর।
তোরে বাঙ্কারহীন ধিকারে কাঁদে প্রাণ মম
নিঃশ্বাসে॥

— **প্রশ্নান** —

শ্যামা: সব-কিছু কেন নিল না

নেপথ্যে। সব-কিছু কেন নিল না, নিল না, নিল না,
নিল না ভালোবাসা
ভালো আর মন্দেরে।
আপনাতে কেন মিটালো না যত কিছু দ্বন্দ্বেরে
ভালো আর মন্দেরে।
নদী নিয়ে আসে পঙ্কিল জলধারা,
সাগরহৃদয়ে গহনে হয় হারা।
ক্ষমার দীপ্তি দেয় স্বর্গের আলো
প্রেমের আনন্দেরে
ভালো আর মন্দেরে॥

শ্যামা: এসেছি প্রিয়তম, ক্ষম মোরে

— বজ্রসেনের প্রবেশ —

বজ্রসেন। এসো এসো, এসো প্রিয়ে,
মরণলোক হতে নূতন প্রাণ নিয়ে।

— শ্যামার প্রবেশ —

শ্যামা। এসেছি প্রিয়তম, ক্ষম মোরে ক্ষম,
গেল না, গেল না কেন কঠিন পরান মম
তব নিষ্ঠুর করুণ করে! ক্ষম মোরে॥

বজ্রসেন। কেন এলি, কেন এলি, কেন এলি ফিরে।

যাও যাও যাও, যাও চলে যাও॥

শ্যামা চলে যাচ্ছে। বজ্রসেন চুপ করে দাঁড়িয়ে

শ্যামা একবার ফিরে দাঁড়ালো। বজ্রসেন

একটু এগিয়ে

বজ্রসেন। যাও যাও যাও, যাও চলে যাও॥

— বজ্রসেনকে প্রণাম করে শ্যামার প্রস্থান —

শ্যামা: ক্ষমিতে পারিলাম না

বজ্রসেন। ক্ষমিতে পারিলাম না যে

ক্ষম হে মম দীনতা পাপীজনশরণ প্রভু!

মরিছে তাপে, মরিছে লাজে প্রেমের বলহীনতা

ক্ষম হে মম দীনতা পাপীজনশরণ প্রভু!

প্রিয়ারে নিতে পারি নি বুকে, প্রেমেরে আমি হেনেছি,

পাপীরে দিতে শাস্তি শুধু পাপেরে ডেকে এনেছি।

জানি গো তুমি ক্ষমিবে তারে

যে অভাগিনী পাপের ভারে চরণে তব বিনতা।

ক্ষমিবে না, ক্ষমিবে না

আমার ক্ষমাহীনতা পাপীজনশরণ প্রভু॥

চণ্ডালিকা

সূচী

1. নব বসন্তের দানের ডালি	177
2. আমার মালার ফুলের দলে	178
3. দই চাই গো, দই চাই	180
4. ওকে ছুঁয়ো না, ছুঁয়ো না	181
5. ওগো, তোমরা যত পাড়ার	181
6. যে আমারে পাঠালো এই	182
7. কী যে ভাবিস তুই অন্যমনে	183
8. কাজ নেই, কাজ নেই মা	184
9. জল দাও আমায়	185
10. ক্ষমা করো প্রভু	185
11. যে মানব আমি সেই	186
12. শুধু একটি গণ্ডুষ জল	187
13. মাটি তোদের ডাক দিয়েছে	188
14. ওগো ডেকো না মোরে	189
15. স্বর্ণবর্ণে সমুজ্জল নব	190
16. ফুল বলে, ধন্য আমি	190
17. তুই অবাক ক'রে দিলি	191
18. যে আমারে দিয়েছে ডাক	191
19. কিসের ডাক তোর কিসের	192
20. হাঁ গো মা, সেই কথাই	193
21. কী কথা বলিস তুই	194
22. এ নতুন জন্ম, নতুন জন্ম	195
23. বলে দাও জল, দাও জল	196

24. সে যে পথিক আমার	197
25. চক্ষু আমার তৃষ্ণা	198
26. বাছা, সহজ ক'রে বল	199
27. আমি চাই তাঁরে	199
28. সাত দেশেতে খুঁজে	200
29. ওগো মা, ওই কথাই তো ভালো	201
30. না, কিছুই থাকবে না	202
31. বাছা, তুই যে আমার	203
32. দোষী করো আমায়	204
33. আমার সাহস	205
34. ওরা কে যায়	205
35. মা, ওই-যে তিনি	206
36. আয় তোরা আয়	207
37. ভাবনা করিস নে তুই	208
38. ওই দেখ পশ্চিমে মেঘ	209
39. লজ্জা ইচ্ছা ছি লজ্জা	211
40. সেই ভালো, মা	213
41. বাছা, মোর মন্ত্র	214
42. ক্ষুধার্ত প্রেম তার	215
43. জাগে নি এখনো	216
44. ঘুমের ঘন গহন হতে	218
45. আর দেরি করিস নে	219
46. অভিষাপ নয় নয়	220
47. ও মা, ও মা, ও মা, ফিরিয়ে নে	221
48. প্রভু, এসেছ উদ্ধারিতে	222

চণ্ডালিকা: নব বসন্তের দানের ডালি

একদল ফুলওয়ালি চলেছে ফুল বিক্রি করতে
ফুলওয়ালির দনলব। বসন্তের দানের ডালি এনেছি তোদেরই দ্বারে

আয় আয় আয়

পরিবি গলার হারে।

লতার বাঁধন হারায় মাধবী মরিছে কেঁদে

বেণীর বাঁধনে রাখিবি বেঁধে,

অলকদোলায় দোলাবি তারে,

আয় আয় আয়।

বনমাধুরী করিবি চুরি

আপন নবীন মাধুরীতে

সোহিনী রাগিণী জাগাবে সে তোদের

দেহের বীণার তারে তারে,

আয় আয় আয়॥

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

৬ লাইনে দোলাবি ⇒ দুলাবি

চণ্ডালিকা: আমার মালার ফুলের দলে

আমার মালার ফুলের দলে আছে লেখা

বসন্তের মন্ত্রলিপি।

এর মাধুর্যে আছে যৌবনের আমন্ত্রণ।

সাহানা রাগিণী এর রাঙা রঙে রঞ্জিত,

মধুকরের ক্ষুধা অশ্রুত ছন্দে

গন্ধে তার গুঞ্জরে।

আন গো ডালা, গাঁথ গো মালা,

আন মাধবী মালতী অশোকমঞ্জরী।

আয় তোরা আয়, আয় তোরা আয়, আয় তোরা

আয়।

আন করবী রঙ্গন কাঞ্চন রজনীগন্ধা

প্রফুল্ল মল্লিকা।

আয় তোরা আয়, আয় তোরা আয়, আয় তোরা

আয়।

মালা পর গো মালা পর সুন্দরী,

ত্বরা কর গো ত্বরা কর।

আজি পূর্ণিমা রাতে জাগিছে চন্দ্র,

বকুলকুঞ্জ

দক্ষিণবাতাসে দুলিছে কাঁপিছে

থরথর মৃদু মর্মরি।

নৃত্যপরা বনাস্পনা বনাস্পনে সঞ্চরে,
 চঞ্চলিত চরণ ঘেরি মঞ্জীর তার গুঞ্জরে।
 দিস নে মধুরাতি বৃথা বহিয়ে উদাসিনী, হায় রে।
 শুভলগন গেলে চলে ফিরে দেবে না ধরা

সুধাপসরা

ধূলায় দেবে শূন্য করি, শুকাবে বকুলমঞ্জরী।
 চক্রে অভিষিক্ত নিশীথে ঝিল্লিমুখর বনছায়ে
 ত্রাহারা পিকবিরহকাকলিকুজিত দক্ষিণবায়ে
 মালঞ্চ মোর ভরল ফুলে ফুলে ফুলে গো,
 কিংশুকশাখা চঞ্চল হল দুলে দুলে দুলে গো॥

প্রকৃতি ফুল চাইতেই

তাকে ঘৃণা করে চলে গেল

— দইওয়ালার প্রবেশ —

চণ্ডালিকা: দই চাই গো, দই চাই

দইওয়ালা। দই চাই গো, দই চাই, দই চাই গো?

শ্যামলী আমার গাই

তুলনা তাহার নাই।

কঙ্কণানদীর ধারে

ভোরবেলা নিয়ে যাই তারে

দুর্বাদলঘন মাঠে, নদীর ধারে ধারে ধারে, তারে

সারা বেলা চরাই, চরাই গো।

দেহখানি তার চ্ছিন্ন কালো

যত দেখি তত লাগে ভালো।

কাছে বসে যাই ব'কে, উত্তর দেয় সে চোখে,

পিঠে মোর রাখে মাথা

গায়ে তার হাত বুলাই, হাত বুলাই গো॥

চণ্ডালকন্যা প্রকৃতি দই কিনতে চাইল

একজন মেয়ে সাবধান করে দিল

চণ্ডালিকা: ওকে ছুঁয়ো না, ছুঁয়ো না

মেয়ে। ওকে ছুঁয়ো না, ছুঁয়ো না, ছি,
 ও যে চণ্ডালিণীর ঝি
 নষ্ট হবে যে দই সে কথা জান না কি॥
 — দইওয়ালার প্রস্থান —
 — চুড়িওয়ালার প্রবেশ —

চণ্ডালিকা: ওগো, তোমরা যত পাড়ার

চুড়িওয়ালা। ওগো, তোমরা যত পাড়ার মেয়ে
 এসো এসো, দেখো চেয়ে
 এনেছি কাঁকনজোড়া সোনালি তারে মোড়া।
 আমার কথা শোনো, হাতে লহো প'রে
 যারে রাখিতে চাহ ধরে কাঁকন তোমার
 বেড়ি হয়ে
 বাঁধিবে মন তাহার আমি দিলাম কয়ে॥
 প্রকৃতি চুড়ি নিতে হাত বাড়াতেই
মেয়েরা। ওকে ছুঁয়ো না, ছুঁয়ো না, ছি,
 ও যে চণ্ডালিণীর ঝি।
 — চুড়িওয়ালা প্রভৃতির প্রস্থান —

চণ্ডালিকা: যে আমারে পাঠালো এই

প্রকৃতি। যে আমারে পাঠালো এই অপমানের অন্ধকারে
পূজিব না, পূজিব না, পূজিব না সেই দেবতারে
পূজিব না।

কেন দেব ফুল, কেন দেব ফুল, কেন দেব ফুল
আমি তারে

যে আমারে চিরজীবন রেখে দিল এই ধিককারে।

জানি না হয় রে কী দুরাশায় রে
পূজাদীপ জ্বালি মন্দিরদ্বারে।

আলো তার নিল হরিয়া দেবতা ছলনা করিয়া,
আঁধারে রাখিল আমারে॥

পথ বেয়ে বৌদ্ধ ভিক্ষুগণ

ভিক্ষুগণ। যো সন্নিসিন্নো বরবোধিমূলে
মারসস সেনং মহতিং বিজেত্বা
সম্বোধি মাগঞ্জি অনন্তএএগো
লোকুত্তমো তং পণমামি বুদ্ধং॥

— প্রস্থান —

চণ্ডালিকা: কী যে ভাবিস তুই অন্যমনে

— প্রকৃতির মা মায়ার প্রবেশ —

মা। কী যে ভাবিস তুই অন্যমনে নিষ্কারণে

বেলা বহে যায়, বেলা বহে যায় যে।

রাজবাড়িতে ওই বাজে ঘণ্টা ঢং ঢং ঢং, ঢং ঢং ঢং।

বেলা বহে যায়।

রৌদ্র হয়েছে অতি তিখনো,

তোর আঙিনা হয় নি যে নিকোনো।

তোলা হল না জল, পাড়া হল না ফল।

কখন বা চুলো তুই ধরাবি।

কখন ছাগল তুই চরাবি।

ত্বরা কর, ত্বরা কর, ত্বরা কর

জল তুলে নিয়ে তুই চল ঘর।

রাজবাড়িতে ওই বাজে ঘণ্টা ঢং ঢং ঢং, ঢং ঢং ঢং।

ওই বেলা বহে যায়।

চণ্ডালিকা: কাজ নেই, কাজ নেই মা

প্রকৃতি। কাজ নেই, কাজ নেই মা,
 কাজ নেই মোর ঘরকন্নায়।
 যাক ভেসে যাক, যাক ভেসে সব বন্যায়।
 জন্ম কেন দিলি মোরে,
 লাঞ্ছনা জীবন ভ'রে
 মা হয়ে আনিলি এই অভিশাপ!
 কার কাছে বল করেছি কোন পাপ,
 বিনা অপরাধে এ কী ঘোর অন্যায়॥

মা। থাক তবে থাক তুই পড়ে,
 মিথ্যা কান্না কাঁদ তুই মিথ্যা দুঃখ গ'ড়ে॥

— প্রস্থান —

চণ্ডালিকা: জল দাও আমায়

প্রকৃতির জল তোলা

— বুদ্ধশিষ্য আনন্দের প্রবেশ —

আনন্দ। জল দাও আমায় জল দাও।

রৌদ্র প্রখরতর, পথ সুদীর্ঘ, হা,

আমায় জল দাও।

আমি তাপিত পিপাসিত,

আমায় জল দাও।

আমি শ্রান্ত, হা,

আমায় জল দাও।

চণ্ডালিকা: ক্ষমা করো প্রভু

ক্ষমা করো প্রভু, ক্ষমা করো মোরে

আমি চণ্ডালের কন্যা,

মোর কূপের বারি অশুচি।

আমি চণ্ডালের কন্যা।

তোমাকে দেব জল হেন পুণ্যের আমি

নহি অধিকারিণী।

আমি চণ্ডালের কন্যা॥

চণ্ডালিকা: যে মানব আমি সেই

আনন্দ। যে মানব আমি সেই মানব তুমি কন্যা।
 সেই বারি তীর্থবারি যাহা তৃপ্ত করে তৃষিতেরে,
 যাহা তাপিত শ্রান্তেরে স্নিহ্বিকরে সেই তো পবিত্র বারি।
 জল দাও আমায় জল দাও।

জলদান

কল্যাণ হোক তব কল্যাণী॥

— প্রস্থান —

চণ্ডালিকা: শুধু একটি গণ্ডুষ জল

প্রকৃতি। শুধু একটি গণ্ডুষ জল,
 আহা, নিলেন তাঁহার করপুটের কমলকলিকায়।
 আমার কূপ যে হল অকূল সমুদ্র
 এই-যে নাচে, এই-যে নাচে তরঙ্গ তাহার
 আমার জীবন জুড়ে নাচে
 টলোমলো করে আমার প্রাণ,
 আমার জীবন জুড়ে নাচে।
 ওগো, কী আনন্দ, কী আনন্দ, কী পরমমুত্তি।
 একটি গণ্ডুষ জল
 আমার জন্মজন্মান্তরের কালি ধুয়ে দিল গো
 শুধু একটি গণ্ডুষ জল॥

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

৬ লাইনে টলোমলো ⇒ টলমল

চণ্ডালিকা: মাটি তোদের ডাক দিয়েছে

— মেয়ে-পুরুষের প্রবেশ —

ফসল কাটার আহ্বান-গান

মাটি তোদের ডাক দিয়েছে আয় রে চলে

আয় আয় আয়।

ডালা যে তার ভরেছে আজ পাকা ফসলে

মরি হায় হায় হায়।

হাওয়ার নেশায় উঠল মেতে

দিগবধূরা ফসলর-ক্ষেতে,

রোদের সোনা ছড়িয়ে পড়ে ধরার আঁচলে

মরি হায় হায় হায়।

মাঠের বাঁশি শুনে শুনে আকাশ খুশি হল।

ঘরেতে আজ কে রবে গো, খোলো, খোলো

দুয়ার খোলে।

খোলো, খোলো দুয়ার খোলে।

আলোর হাসি উঠল জেগে,

পাতায় পাতায় চমক লেগে

বনের খুশি ধরে না গো, ওই-যে উথলে

মরি হায় হায় হায়।

চণ্ডালিকা: ওগো ডেকো না মোরে

প্রকৃতি। ওগো ডেকো না মোরে ডেকো না।

আমার কাজ-ভোলা মন, আছে দূরে কোন
করে স্বপনের সাধনা।

ধরা দেবে না অধরা ছায়া,
রচি গেছে মনে মোহিনী মায়া
জানি না এ কী দেবতারই দয়া,
জানি না এ কী ছলনা।
আঁধার অঙ্গনে প্রদীপ জ্বালি নি,
দধ্বকাননের আমি যে মালিনী,
শূন্য-হাতে আমি কাণ্ডালিনী
করি নিশিদিনযাপনা।

যদি সে আসে তার চরণছায়ে
বেদনা আমার দেব বিছায়ে,
জানাব তাহার অশ্রুসিক্ত
রিক্ত জীবনের কামনা॥

— দ্বিতীয় দৃশ্য —

অর্ঘ্য নিয়ে বৌদ্ধনারীদের মন্দিরে গমন

চণ্ডালিকা: স্বর্ণবর্ণে সমুজ্জল নব

বৌদ্ধনারীগণ। স্বর্ণবর্ণে সমুজ্জল নব চম্পাদলে
বন্দিব শ্রীমুনীরূপাদপদ্মতলে।
পুণ্যগন্ধে পূর্ণ বায়ু হল সুগন্ধিত,
পুষ্পমাল্যে করি তাঁর চরণ বন্দিত॥

— প্রস্থান —

চণ্ডালিকা: ফুল বলে, ধন্য আমি

প্রকৃতি। ফুল বলে, ধন্য আমি, ধন্য আমি মাটির 'পরে।
দেবতা ওগো, তোমার সেবা আমার ঘরে।
জন্ম নিয়েছ ধুলিতে
দয়া করে দাও ভুলিতে, দাও ভুলিতে, দাও
ভুলিতে
নাই ধূলি মোর অন্তরে
নাই নাই ধূলি মোর অন্তরে।
নয়ন তোমার নত করো,
দলগুলি কাঁপে থরোথরো থরোথরো।
চরণপরশ দিয়ো দিয়ো,
ধূলির ধনকে করো স্বর্গীয় দিয়ো দিয়ো দিয়ো
ধরার প্রণাম আমি তোমার তরে॥

চণ্ডালিকা: তুই অবাক ক'রে দিলি

মা। তুই অবাক ক'রে দিলি আমায় মেয়ে।
 পুরাণে শুনি না কি তপ করেছেন উমা
 রোদের জ্বলনে
 তোর কি হল তাই॥

প্রকৃতি। হাঁ মা, আমি বসেছি তপের আসনে॥

মা। তোর সাধনা কাহার জন্যে॥

চণ্ডালিকা: যে আমারে দিয়েছে ডাক

প্রকৃতি। যে আমারে দিয়েছে ডাক, দিয়েছে ডাক,
 বচনহারা আমাকে দিয়েছে বাক।
 যে আমারি জেনেছে নাম
 ওগো তারি নামখানি মোর হৃদয়ে থাক।
 আমি তারি বিচ্ছেদদহনে
 তপ করি চিত্তের গহনে।
 দুঃখের পাবকে হয়ে যায় শুদ্ধ
 অন্তরে মলিন যাহা আছে রুদ্ধ
 অপমাননাগিনীর খুলে যায় পাক॥

চণ্ডালিকা: কিসের ডাক তোর কিসের

মা। কিসের ডাক তোর কিসের ডাক।

কোন পাতালবাসী অপদেবতার ইশারা
তাকে ভুলিয়ে নিয়ে যাবে
আমি মন্ত্র প'ড়ে কাটাব তার মায়া॥

প্রকৃতি। আমার মনের মধ্যে বাজিয়ে দিয়ে গেছে
জল দাও, জল দাও, জল দাও॥

মা। পোড়া কপাল আমার!
কে বলেছে তাকে 'জল দাও'!
সে কি তোর আপন জাতের কেউ।

চণ্ডালিকা: হাঁ গো মা, সেই কথাই

প্রকৃতি। হাঁ গো মা, সেই কথাই তো ব'লে গেলেন তিনি,
 তিনি আমার আপন জাতের লোক।
 আমি চণ্ডালী সে যে মিথ্যা, সে যে মিথ্যা,
 সে যে দারুণ মিথ্যা।
 শ্রাবণের কালো যে মেঘ
 তারে যদি নাম দাও 'চণ্ডাল'
 তা ব'লে কি জাত ঘুচিবে তার,
 অশুচি হবে কি তার জল।
 তিনি বলে গেলেন আমায়
 নিজেই নিন্দা কোরো না,
 মানবের বংশ তোমার,
 মানবের রক্ত তোমার নাড়ীতে।
 ছি ছি মা, মিথ্যা নিন্দা রটাস নে নিজের,
 সে যে পাপ।
 রাজার বংশে দাসী জন্মায় অসংখ্য,
 আমি সে দাসী নই।
 দ্বিজের বংশে চণ্ডাল কত আছে,
 আমি নই চণ্ডালী॥

চণ্ডালিকা: কী কথা বলিস তুই

মা। কী কথা বলিস তুই, আমি যে তোর ভাষা বুঝি নে।
 তোর মুখে কে দিল এমন বাণী।
 স্বপেক্ষি কেউ ভর করেছে তোকে
 তোর গতজন্মের সাথি।
 আমি যে তোর ভাষা বুঝি নে॥

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

4 লাইনে সাথি ⇒ সাথী

চণ্ডালিকা: এ নতুন জন্ম, নতুন জন্ম

প্রকৃতি। এ নতুন জন্ম, নতুন জন্ম, নতুন জন্ম আমার।
 সেদিন বাজল দুপুরের ঘণ্টা, ঝাঁ ঝাঁ করে রোদদুর,
 স্নান করাতেছিলেম কুয়োতলায় মা-মরা বাছুরটিকে।
 সামনে এসে দাঁড়ালেন বৌদ্ধ ভিক্ষু আমার
 বললেন 'জল দাও, জল দাও, জল দাও।'
 শিউরে উঠল দেহ আমার, চমকে উঠল প্রাণ
 বল দেখি মা,
 সারা নগরে কি কোথাও নেই জল!
 কেন এলেন আমার কুয়োর ধারে,
 আমাকে দিলেন সহসা
 মানুষের তৃষ্ণা-মেটানো সম্মান॥

চণ্ডালিকা: বলে দাও জল, দাও জল

বলে দাও জল, দাও জল, দাও জল।

দেব আমি কে দিয়েছে হেন সম্বল।

বলে দাও জল।

কালো মেঘ-পানে চেয়ে

এল ধেয়ে

চাতক বিহ্বল

বলে দাও জল, দাও জল।

ভূমিতলে হারা উৎসের ধারা

অন্ধকারে

কারাগারে।

কার সুগভীর বাণী দিল হানি

কালো শিলাতল

বলে দাও জল, দাও জল॥

মা। বাছা, মন্ত্র করেছে কে তোকে,

তোর পথ-চাওয়া মন টান দিয়েছে কে।

মন্ত্র করেছে কে তোকে॥

চণ্ডালিকা: সে যে পথিক আমার

প্রকৃতি। সে যে পথিক আমার,
হৃদয়পথের পথিক আমার।
হায় রে, আর সে তো এল না, এল না,
এ পথে এল না।
আর সে তো চাইল না জল।
আমার হৃদয় তাই হল মরুভূমি,
শুকিয়ে গেল তার রস
সে যে চাইল না, চাইল না, চাইল না জল॥

চণ্ডালিকা: চক্ষু আমার তৃষ্ণা

চক্ষু আমার তৃষ্ণা ওগো,
 তৃষ্ণা আমার বক্ষ জুড়ে।
 চক্ষু আমার তৃষ্ণা।
 আমি বৃষ্টিবিহীন বৈশাখী দিন,
 সন্তাপে প্রাণ যায় যায় যে পুড়ে।
 ঝড় উঠেছে তপ্ত হাওয়ায় হাওয়ায়,
 মনকে সুদূর শূন্যে ধাওয়ায়
 অবগুণ্ঠন যায় যে উড়ে॥
 যে ফুল কানন করত আলো
 কালো হয়ে সে শুকালো।
 কালো- কালো হয়ে সে শুকালো হয়।
 ঝর্নারে কে দিল বাধা
 নিষ্ক্স পাষাণে বাঁধা
 দুঃখের শিখরচূড়ে॥

চণ্ডালিকা: বাছা, সহজ ক'রে বল

মা। বাছা, সহজ ক'রে বল আমাকে

মন কাকে তোর চায়।

বেছে নিস মনের মতন বর

রয়েছে তো অনেক আপন জন।

আকাশের চাঁদের পানে

হাত বাড়াস নে।

চণ্ডালিকা: আমি চাই তাঁরে

প্রকৃতি। আমি চাই তাঁরে

আমারে দিলেন যিনি সেবিকার সম্মান,

ঝড়ে-পড়া ধুতরো ফুল

ধুলো হতে তুলে নিলেন যিনি দক্ষিণ করে।

ওগো প্রভু, ওগো প্রভু,

সেই ফুলে মালা গাঁথো,

পরো পরো আপন গলায়,

ব্যর্থ হতে তারে দিয়ো না, দিয়ো না॥

চণ্ডালিকা: সাত দেশেতে খুঁজে

— রাজবাড়ির অনুচরের প্রবেশ —

অনুচর। সাত দেশেতে খুঁজে খুঁজে গো,
শেষকালে এই ঠাঁই
ভাগ্যে দেখা পেলেম রক্ষা তাই।

মা। কেন গো, কী চাই।

অনুচর। রানীমার পোষা পাখি কোথায় উড়ে গেছে
সেই নিদারুণ শোকে
ঘুম নেই তাঁর চোখে ও চারণের বউ।
ফিরিয়ে এনে দিতেই হবে তোকে ও চারণের
বউ।

মা। উড়ো পাখি আসবে ফিরে এমন কী গুণ জানি।

অনুচর। মিথ্যে ওজর শুনব না, শুনব না
শুনবে না তোর রানী।
জাদু ক'রে মন্ত্র প'ড়ে ফিরে আনতেই হবে,
খালাস পাবি তবে ও চারণের বউ॥

— প্রস্থান —

চণ্ডালিকা: ওগো মা, ওই কথাই তো ভালো

প্রকৃতি। ওগো মা, ওই কথাই তো ভালো।

মন্ত্র জানিস নে তুই,
মন্ত্র প'ড়ে দে তাঁকে তুই এনে॥

মা। ওরে সর্বনাশী, কী কথা তুই বলিস

আগুন নিয়ে খেলা!
শুনে বুক কেঁপে ওঠে ভয়ে মরি॥

প্রকৃতি। আমি ভয় করি নে মা, ভয় করি নে॥

ভয় করি, মা, পাছে সাহস যায় নেমে
পাছে নিজের আমি মূল্য ভুলি।
এত বড়ো স্পর্ধা আমার একি আশ্চর্য!
এই আশ্চর্য সে'ই ঘটিয়েছে।

তারো বেশি ঘটবে না কি
আসবে না আমার পাশে,
বসবে না আধো-আঁচলে?

মা। তাঁকে আনতে যদি পারি

মূল্য দিতে পারবি কি তুই তার।
জীবনে কিছুই যে তোর থাকবে না বাকি॥

চণ্ডালিকা: না, কিছুই থাকবে না

প্রকৃতি। না, কিছুই থাকবে না, কিছুই থাকবে না,
কিছুই না, কিছুই না।

যদি আমার সব মিটে যায়, সব মিটে যায়,
তবেই আমি বেঁচে যাব যে চিরদিনের তরে
যখন কিছুই থাকবে না।

দেবার আমার আছে কিছু এই কথাটাই যে
ভুলিয়ে রেখেছিল সবাই মিলে

আজ জেনেছি, আমি নই-যে অভাগিনী॥
দেবই আমি, দেবই আমি, দেবই

উজাড় করে দেব আমারে।
কোনো ভয় আর নেই আমার।

পড় তোর মন্তর, পড় তোর মন্তর,
ভিক্ষুরে নিয়ে আয় অমানিতার পাশে,

সে'ই তারে দিবে সম্মান
এত মান আর কেউ দিতে কি পারে॥

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

৯ লাইনে দেবই আমি, দেবই আমি, দেবই ⇒ দেবই আমি, দেবই আমি, দেব

চণ্ডালিকা: বাছা, তুই যে আমার

মা। বাছা, তুই যে আমার বুক-চেরা ধন।
তোর কথাতেই চলেছি পাপের পথে পাপীয়সী!
হে পবিত্র মহাপুরুষ,
আমার অপরাধের শক্তি যত
ক্ষমার শক্তি তোমার তারো অনেক গুণে বড়ো।
তোমাতে করিব অসম্মান
তবু প্রণাম, তবু প্রণাম, তবু প্রণাম॥

চণ্ডালিকা: দোষী করো আমায়

প্রকৃতি। দোষী করো আমায়, দোষী করো।

ধুলায়-পড়া ম্লান কুসুম পায়ের তলায় ধরো।

অপরাধে ভরা ডালি

নিজ হাতে করো খালি, আহা,

তার পরে সেই শূন্য ডালায় তোমার করুণা
ভরো

আমায় দোষী করো।

তুমি উচ্চ, আমি তুচ্ছ ধরব তোমায় ফাঁদে

আমার অপরাধে।

আমার দোষকে তোমার পুণ্য

করবে তো কলঙ্কশূন্য গো

ক্ষমায় গেঁথে সকল ত্রুটি গলায় তোমার পরো॥

মা। কী অসীম সাহস তোর মেয়ে॥

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

১ লাইন: আমায় দোষী করো

চণ্ডালিকা: আমার সাহস

প্রকৃতি। আমার সাহস!

তাঁর সাহসের নাই তুলনা।
 কেউ যে কথা বলতে পারে নি
 তিনি ব'লে দিলেন কত সহজে
 জল দাও, জল দাও, জল দাও।
 ওই একটু বাণী তার দীপ্তি কত
 আলো করে দিল আমার সারা জন্ম
 তার দীপ্তি কত!
 বুকের উপর কালো পাথর চাপা ছিল যে,
 সেটাকে ঠেলে দিল
 উথলি উঠল রসের ধারা॥

চণ্ডালিকা: ওরা কে যায়

মা। ওরা কে যায় পীতবসন-পরা সন্ন্যাসী॥

বৌদ্ধ ভিক্ষুর দল

ভিক্ষুগণ। নমো নমো বুদ্ধদিবাকরায়।

নমে নমো গৌতমচন্দিমায়।

নমো নমোনন্তগুণপ্লবায়।

নমো নমো সাকিয়নন্দনায়॥

চণ্ডালিকা: মা, ওই-যে তিনি

প্রকৃতি। মা, ওই-যে তিনি চলেছেন সবার আগে আগে!

ওই-যে তিনি চলেছেন।

ফিরে তাকালেন না, ফিরে তাকালেন না

তঁার নিজের হাতের এই নূতন সৃষ্টিরে

আর দেখিলেন না চেয়ে।

এই মাটি, এই মাটি, এই মাটি তোর আপন রে!

হতভাগিনী, কে তোরে আনিল আলোতে

শুধু এক নিমেষের জন্যে!

থাকতে হবে তোরে মাটিতে

সবার পায়ের তলায়॥

মা। ওরে বাছা, দেখতে পারি নে তোর দুঃখ

আনবই, আনবই, আনবই তারে মন্ত্র প'ড়ে॥

প্রকৃতি। পড় তুই সব চেয়ে নিষ্ঠুর মন্ত্র

পাকে পাকে দাগ দিয়ে জড়ায়ে ধরুক ওর মনকে।

যেখানেই যাক, কখনো এড়াতে আমাকে

পারবে না, পারবে না॥

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

৪ লাইনে তোরে ⇒ তোকে

চণ্ডালিকা: আয় তোরা আয়

আকর্ষণমন্ত্রে যোগ দেবার জন্যে

মা তার শিষ্যদলকে ডাক দিল

মা। আয় তোরা আয়!

আয় তোরা আয়!

আয় তোরা আয়!

— তাদের প্রবেশ ও নৃত্য —

যায় যদি যাক সাগরতীরে

আবার আসুক, আবার আসুক, আসুক ফিরে।

হায়!

রেখে দেব আসন পেতে হৃদয়েতে

পথের ধুলো ভিজিয়ে দেব অশ্রুণীরে। হায়!

যায় যদি যাক শৈলশিরে

আসুক ফিরে, আসুক ফিরে।

লুকিয়ে রব গিরিগুহায়, ডাকব উহায়

আমার স্বপন ওর জাগরণ রইবে ঘিরে।

হায়॥

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

আকর্ষণমন্ত্রে $\Rightarrow$ আকর্ষণীমন্ত্রে

চণ্ডালিকা: ভাবনা করিস নে তুই

মায়ানৃত্য
 ভাবনা করিস নে তুই
 এই দেখ মায়াদর্পণ আমার
 হাতে নিয়ে নাচবি যখন
 দেখতে পাবি তাঁর কী হল দশা।
 এইবার এসো এসো রুদ্রভৈরবের সন্তান,
 জাগাও তাণ্ডবনৃত্য।
 এইবার এসো এসো॥

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

মায়ানৃত্য $\Rightarrow$ মায়ের মায়ানৃত্য

চণ্ডালিকা: ওই দেখ পশ্চিমে মেঘ

— তৃতীয় দৃশ্য —

মায়ের মায়ানৃত্য

প্রকৃতি। ওই দেখ পশ্চিমে মেঘ ঘনালো,

মন্ত্র খাটবে, মা খাটবে

উড়ে যাবে শুষ্ক সাধনা সন্ন্যাসীর

শুষ্ক পাতার মতন।

নিববে বাতি, পথ হবে অন্ধকার,

ঝড়ে-বাসা-ভাঙা পাখি

সে-যে ঘুরে ঘুরে পড়বে এসে মোর দ্বারে।

দুরুদুরু করে মোর বক্ষ,

মনের মাঝে ঝিলিক দিতেছে বিজুলি।

দূরে যেন ফেনিয়ে উঠেছে সমুদ্র

তল নেই, কূল নেই তার।

মন্ত্র খাটবে মা, খাটবে।

মা। এইবার আয়নার সামনে নাচ দেখি তুই,

দেখ দেখি কী ছায়া পড়ল॥

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

3 লাইনে শুক্ক ⇒ শুকনো

6 লাইনে ঝড়ে-বাসা-ভাঙা ⇒ ঝড়ে বাসা-ভাঙা ৭ লাইনের প্রথমে 'সে-যে' নেই।

চণ্ডালিকা: লজ্জা ইছ ছি লজ্জা

প্রকৃতির নৃত্য

প্রকৃতি। লজ্জা! ছি ছি লজ্জা!

আকাশে তুলে দুই বাহু

অভিশাপ দিচ্ছেন কারে।

নিজেরে মারছেন বহির বেত্র,

শেল বিঁধছেন যেন আপনার মর্মে॥

মা। ওরে বাছা, এখনি অধীর হলি যদি,
শেষে তোর কী হবে দশা॥

প্রকৃতি। আমি দেখব না, আমি দেখব না,
আমি দেখব না তোর দর্পণ।

বুক ফেটে যায়, যায় গো, বুক ফেটে যায়।

আমি দেখব না।

কী ভয়ঙ্কর দুঃখের ঘূর্ণিঝঞ্ঝা

মহান বনস্পতি ধুলায় কি লুটাবে,

ভাঙবে কি অদ্রভেদী তার গৌরব।

আমি দেখব না, আমি দেখব না,

আমি দেখব না তোর দর্পণ না না না।

মা। থাক থাক তবে, থাক এই মায়া।

প্রাণপণে ফিরিয়ে আনব মোর মন্ত্র

নাড়ী যদি ছিঁড়ে যায় যাক,

ফুৰায়ে যায় যদি যাক নিশ্বাস॥

দ্র: দ্র: গীতবিতান (১৯৭৩) আৰু রচনাবলী (১৯৮৭) তে তফাত:

11 লাইনে ভয়ংকর ⇒ ভয়ংকর

চণ্ডালিকা: সেই ভালো, মা

প্রকৃতি। সেই ভালো, মা, সেই ভালো।

থাক তোর মন্ত্র, থাক তোর

আর কাজ নাই, কাজ নাই, কাজ নাই।- - -

না না না - পড় মন্ত্র তুই, পড় তোর মন্ত্র

পথ তো আর নেই বাকি।

আসবে সে, আসবে সে, আসবে,

আমার জীবনমৃত্যু-সীমানায় আসবে।

নিবিড় রাত্রে এসে পৌঁছবে পান্থ,

বুকের জ্বালা দিয়ে আমি জ্বালিয়ে দিব

দীপখানি

সে আসবে, ও সে আসবে॥

দুঃখ দিয়ে মেটাব দুঃখ তোমার।

স্নান করাব অতল জলে বিপুল বেদনার।

মোর সংসার দিব যে জ্বালি,

শোধন হবে এ মোহের কালি

মরণব্যথা দিব তোমার চরণে উপহার॥

চণ্ডালিকা: বাছা, মোর মন্ত্র

মা। বাছা, মোর মন্ত্র আর তো বাকি নেই,
প্রাণ মোর এল কণ্ঠে॥

প্রকৃতি। মা গো, এত দিনে মনে হচ্ছে যেন
টলেছে আসন তাঁহার।

ওই আসছে, আসছে, আসছে।

যা বহু দূরে, যা লক্ষ যোজন দূরে,
যা চন্দ্রঘর্ষ পেরিয়ে,

ওই আসছে, আসছে, আসছে
কাঁপছে আমার বক্ষ ভূমিকম্পে॥

মা। বল দেখি, বাছা, কী তুই দেখছিস আয়নায়॥

ঘন কালো মেঘ তাঁর পিছনে,
চারি দিকে বিদ্যু চমকে,
অঙ্গ ঘিরে ঘিরে তাঁর অগ্নিত্র আবেষ্টন
যেন শিবের ক্রোধানলদীপ্তি!

তোর মন্ত্রবাণী ধরি কালীনাগিনীমূর্তি
গর্জিছে বিষনিশ্বাসে,
কলুষিত করে তাঁর পুণ্যশিখা॥

আনন্দের ছায়া-অভিনয়

মা। ওরে পাষাণী, কী নিষ্ঠুর মন তোরা,
কী কঠিন প্রাণ

এখনো তো আছিস বেঁচে॥

চণ্ডালিকা: ক্ষুধার্ত প্রেম তার

প্রকৃতি। ক্ষুধার্ত প্রেম তার নাই দয়া, তার
 নাই ভয়, নাই লজ্জা।
 নিষ্ঠুর পণ আমার,
 আমি মানব না হার, মানব না হার
 বাঁধব তাঁরে মায়াবাঁধনে,
 জড়াব আমারি হাসি-কাঁদনে।
 ওই দেখ, ওই নদী হয়েছেন পার
 একা চলেছেন ঘন বনের পথে।
 যেন কিছু নাই তাঁর চোখের সম্মুখে
 নাই সত্য, নাই মিথ্যা
 নাই ভালো, নাই মন্দ।
 মাকে নাড়া দিয়ে
 দুর্বল হোস নে, হোস নে।
 এইবার পড় তোর শেষনাগমন্ত্র
 নাগপাশবন্ধনমন্ত্র॥

চণ্ডালিকা: জাগে নি এখনো

মা। জাগে নি এখনো জাগে নি
 রসাতলবাসিনী নাগিনী। জাগে নি।
 বাজ বাজ বাজ বাঁশি, বাজ রে
 মহাভীমপাতালী রাগিনী।
 জেগে ওঠ মায়াকালী নাগিনী। জাগে নি।
 ওরে মোর মন্ত্রে কান দে
 টান দে, টান দে, টান দে, টান দে।
 বিষগর্জনে ওকে ডাক দে
 পাক দে, পাক দে, পাক দে, পাক দে,
 গহ্বর হতে তুই বার হ,
 সপ্তসমুদ্র পার হ।
 বেঁধে তারে আন রে
 টান রে, টান রে, টান রে, টান রে।
 নাগিনী জাগল, জাগল, জাগল
 পাক দিতে ওই লাগল, লাগল, লাগল
 মায়াটান ওই টানল, টানল, টানল।
 বেঁধে আনল, বেঁধে আনল, বেঁধে আনল।
 এইবার নৃত্যে করো আহ্বান
 ধর তোরা গান।
 আয় তোরা যোগ দিবি আয় যোগিনীর দল।

আয় তোরা আয়।

আয় তোরা আয়।

আয় তোরা আয়।

চণ্ডালিকা: ঘুমের ঘন গহন হতে

সকলে। ঘুমের ঘন গহন হতে যেমন আসে স্বপন্
 তেমনি উঠে এসো এসো।
 শমীশাখার বক্ষ হতে যেমন জ্বলে অগ্নি
 তেমনি তুমি এসো এসো।
 ঈশানকোণে কালো মেঘের নিষেধ বিদারি
 যেমন আসে সহসা বিদ্যু ,
 তেমনি তুমি চমক হানি এসো হৃদয়তলে,
 এসো তুমি, এসো তুমি, এসো এসো।
 আঁধার যবে পাঠায় ডাক মৌন-ইশারায়
 যেমন আসে কালপুরুষ সন্ধ্যাকাশে,
 তেমনি তুমি এসো, তুমি এসো এসো।
 সুদূর হিমগিরির শিখরে
 মন্ত্র যবে প্রেরণ করে তাপস বৈশাখ,
 প্রখর তাপে কঠিন ঘন তুষার গলায়ে
 বন্যাধারা যেমন নেমে আসে
 তেমনি তুমি এসো, তুমি এসো এসো॥

চণ্ডালিকা: আর দেরি করিস নে

মা। আর দেরি করিস নে, দেখ দর্পণ

আমার শক্তি হল যে ক্ষয়॥

প্রকৃতি। না দেখব না, আমি দেখব না।

আমি শুনব

মনের মধ্যে আমি শুনব,

ধ্যানের মধ্যে আমি শুনব

তাঁর চরণধ্বনি।

ওই দেখ, ওই এল ঝড়, এল ঝড়,

তাঁর আগমনীর ওই ঝড়

পৃথিবী কাঁপছে থরোথরো থরোথরো,

গুরুগুরু করে মোর বক্ষ॥

মা। তোর অভিশাপ নিয়ে আসে

হতভাগিনী॥

চণ্ডালিকা: অভিশাপ নয় নয়

প্রকৃতি। অভিশাপ নয় নয়,
 অভিশাপ নয় নয়
 আনছে আমার জন্মান্তর,
 মরণের সিংহদ্বার ওই খুলছে।
 ভাঙল দ্বার,
 ভাঙল প্রাচীর,
 ভাঙল এ জন্মের মিথ্যা।
 ওগো আমার সর্বনাশ,
 ওগো আমার সর্বস্ব,
 তুমি এসেছ
 আমার অপমানের চূড়ায়।
 মোর অন্ধকারের ঊর্ধ্বে রাখো
 তব চরণ জ্যোতির্ময়॥

মা। ও নিষ্ঠুর মেয়ে,
 আর সহে না, সহে না, সহে না।

চণ্ডালিকা: ও মা, ও মা, ও মা, ফিরিয়ে নে

প্রকৃতি। ও মা, ও মা, ও মা, ফিরিয়ে নে তোর মন্ত্র

এখনি, এখনি, এখনি।

ও রাক্ষুসী, কী করলি তুই,

কী করলি তুই

মরলি নে কেন পাপীয়সী!

কোথা আমার সেই দীপ্ত সমুজ্জ্বল

শুভ্র সুনির্মল

সুদূর স্বর্গের আলো।

আহা, কী লান, কী ক্লান্ত

আত্মপরাভব কী গভীর!

যাক যাক যাক,

সব যাক, সব যাক

অপমান করিস নে বীরের

জয় হোক তাঁর

জয় হোক তাঁর, জয় হোক॥

চণ্ডালিকা: প্রভু, এসেছ উদ্ধারিতে

— আনন্দের প্রবেশ —

প্রভু, এসেছ উদ্ধারিতে আমায়,
 দিলে তার এত মূল্য,
 নিলে তার এত দুঃখ।

ক্ষমা করো, ক্ষমা করো
 মাটিতে টেনেছি তোমারে,
 এনেছি নীচে,
 ধূলি হতে তুলি নাও আমায়
 তব পুণ্যলোকে।
 ক্ষমা করো।

জয় হোক তোমার, জয় হোক,
 জয় হোক, জয় হোক। ক্ষমা করো॥

আনন্দ। কল্যাণ হোক তব কল্যাণী॥

সকলে বুদ্ধকে প্রণাম

সকলে। বুদ্ধো সুসুদ্ধো করুণামহান্নবো
 যোচ্চন্ত সুদ্ধবরঔগলোচনো
 লোকসস পাপুপকিলেসঘাতকো
 বন্দামি বুদ্ধং অহমাদরেণ তং॥

মায়ার খেলা

সূচী

1. মোরা জলে স্থলে	229
2. পথহারা তুমি পথিক	230
3. জীবনে আজ কি	231
4. মনের মতো করে	232
5. আমার পরান যাহা চায়	233
6. কাছে আছে দেখিতে	234
7. সখী, সে গেল কোথায়	235
8. দে লো, সখী,	236
9. সখী, বহে গেল	237
10. ওলো রেখে দে	238
11. প্রেমের ফাঁদ পাতা	239
12. যেয়ো না, যেয়ো না	240
13. কে ডাকে। আমি কভু	241
14. এসেছি গো এসেছি	241
15. ওকে বলো, সখী	242
16. আমি মিছে ঘুরি	243
17. তারে দেখাতে পারি নে	244
18. আমি জেনে শুনে	245
19. ভালোবেসে যদি	246
20. দেখো চেয়ে দেখো	247
21. সুখে আছি, সুখে আছি	248
22. ভালোবেসে দুখ সেও	249
23. ওই কে গো হেসে	250

24. দূরে দাঁড়ায়ে আছে	251
25. ওগো, দেখি আঁখি	252
26. ওকে বোঝা গেল না	253
27. প্রেমপাশে ধরা পড়েছে	254
28. দিবস রজনী আমি যেন	255
29. সখী, সাধ করে যাহা	256
30. আমি হৃদয়ের কথা	257
31. নিমেষের তরে	257
32. ওগো সখী, দেখি দেখি	258
33. এ তো খেলা নয়	259
34. সে জন কে, সখী	260
35. ওই মধুর মুখ জাগে	261
36. তারে কেমনে ধরিবে	262
37. সকল হৃদয় দিয়ে	263
38. তুমি কে গো, সখীরে	264
39. সেই শান্তিভবন	266
40. কাছে ছিলে, দূরে গেলে	267
41. দেখো, সখা, ভুল করে	267
42. ভুল করেছিঁনু	268
43. অলি বার বার	269
44. ওই কে আমাষ্মিদায় করেছ	270
45. না বুঝে কারে তুমি	271
46. আমি কারেও বুঝি নে	272
47. প্রভাত হইল নিশি	273
48. এস' এস', বসন্ত	274

49. মধুৰ বসন্ত এসেছে	276
50. আজি আঁখি জুড়ালো	277
51. এ কি স্বপন্	278
52. আহা, আজি এ বসন্তে	279
53. আমি তো বুঝেছি সব	280
54. এতদিন বুঝি নাই	280
55. চাঁদ হাসো, হাসো	281
56. আর কেন, আর কেন	281
57. এ ভাঙা সুখের মাঝে	282
58. যদি কেহ নাই	282
59. দুখের মিলন টুটিবার	283
60. কেন এলি রে	283
61. এরা সুখের লাগি চাহে	284

মায়ার খেলা: মোরা জলে স্থলে

সকলে। মোরা জলে স্থলে কত ছলে মায়াজাল গাঁথি।

প্রথমা। মোরা স্বপন রচনা করি অলস নয়ন ভরি।

গোপনে হৃদয়ে পশি কুহক-আসন পাতি।

দ্বিতীয়া।

মোরা মদিরতরঙ্গ তুলি বসন্তসমীরে।

তৃতীয়া। দুরাশা জাগায় প্রাণে প্রাণে

প্রথমা। আধো-তানে ভাঙা-গানে

ভ্রমরগুঞ্জরাকুল বকুলের পাঁতি।

সকলে। মোরা মায়াজাল গাঁথি।

দ্বিতীয়া। নরনারী-হিয়া মোরা বাঁধি মায়াপাশে।

কত ভুল করে তারা, কত কাঁদে হাসে।

তৃতীয়া।

মায়া করে ছায়া ফেলি মিলনের মাঝে

প্রথমা। আনি মান-অভিমান।

দ্বিতীয়া। বিরহী স্বপনে পায় মিলনের সাথি।

সকলে। মোরা মায়াজাল গাঁথি।

চলো সখী, চলো।

প্রথমা।

কুহকস্বপনখেলা খেলাবে চলো।

দ্বিতীয়া ও তৃতনব
 ীয়া।ীন হৃদয়ে রচি নব প্রেমছল
 প্রমোদে কাটাব নব বসন্তের রাতি।
 মোরা মায়াজাল গাঁথি॥

মায়ার খেলা: পথহারা তুমি পথিক

— দ্বিতীয় দৃশ্য —

— গৃহ —

— গমনোন্মুখ অমর। শান্তার প্রবেশ —

শান্তা। পথহারা তুমি পথিক যেন গো সুখের কাননে,
 ওগো, যাও, কোথা যাও।
 সুখে ঢলঢল বিবশ বিভল পাগল নয়নে
 তুমি চাও কারে চাও।
 কোথা গেছে তব উদাস হৃদয়, কোথা পড়ে আছে
 ধরনী।
 মায়ার তরনী বাহিয়া যেন গো মায়াপুরী-পানে ধাও।
 কোন মায়াপুরী-পানে ধাও॥

মায়ার খেলা: জীবনে আজ কি

অমর। জীবনে আজ কি প্রথম এল বসন্ত!

নবীনবাসনাভরে হৃদয় কেমন করে,

নবীন জীবনে হল জীবন্ত।

সুখভরা এ ধরায় মন বাহিরিতে চায়,

কাহারে বসাতে চায় হৃদয়ে।

তাহারে খুঁজিব দিক-দিগন্ত॥

— মায়াকুমারীগণের প্রবেশ —

সকলে। কাছে আছে দেখিতে না পাও,

তুমি কাহার সন্ধান দূরে যাও।

শান্তার প্রতি

অমর। যেমন দখিনে বায়ু ছুটেছে,

কে জানে কোথায় ফুল ফুটেছে,

তেমনি আমিও, সখী, যাব-

না জানি কোথায় দেখা পাব।

কার সুধাস্বর-মাবে জগতের গীত বাজে,

প্রভাত জাগিছে কার নয়নে,

কাহার প্রাণের প্রেম অনন্ত

তাহারে খুঁজিব দিক-দিগন্ত॥

— প্রস্থান —

মায়ার খেলা: মনের মতো করে

মায়াকুমারীগণ। মনের মতো করে খুঁজে মর

সে কি আছে ভুবনে,

সে যে রয়েছে মনে।

ওগো, মনের মতো সেই তো হবে

তুমি শুভক্ষণে যাহার পানে চাও।

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

3 লাইনে সে-যে-রয়েছে $\Rightarrow$ সে তো রয়েছে

মায়ার খেলা: আমার পরান যাহা চায়

নেপথ্যে চাহিয়া

শান্তা। আমার পরান যাহা চায়,
 তুমি তাই, তুমি তাই গো।
 তেমা ছাড়া আর এ জগতে
 মোর কেহ নাই, কিছু নাই গো।
 তুমি সুখ যদি নাহি পাও,
 যাও, সুখের সন্ধানে যাও,
 আমি তোমারে পেয়েছি হৃদয়মাঝে-
 আর কিছু নাহি চাই গো।
 আমি তোমার বিরহে রহিব বিলীন,
 তোমাতে করিব বাস-
 দীর্ঘ দিবস, দীর্ঘ রজনী, দীর্ঘ বরষ-মাস।
 যদি আর-কারে ভালোবাস,
 যদি আর ফিরে নাহি আস,
 তবে তুমি যাহা চাও তাই যেন পাও-
 আমি যত দুখ পাই গো॥

মায়ার খেলা: কাছে আছে দেখিতে

নেপথ্যে চাহিয়া

মায়াকুমারীগণ। কাছে আছে দেখিতে না পাও,

তুমি কাহার সন্ধানে দূরে যাও।

প্রথমা। মনের মতো কারে খুঁজে মরো—

দ্বিতীয়া। সে কি আছে ভুবনে—

সে যে রয়েছে মনে।

তৃতীয়া। ওগো, মনের মতো সেই তো হবে

তুমি শুভক্ষণে যাহার পানে চাও॥

প্রথমা। তোমার আপনার যে জন দেখিলে না তারে।

দ্বিতীয়া। তুমি যাবে কার দ্বারে।

যারে চাবে তারে পাবে না,

তৃতীয়া।

যে মন তোমার আছে যাবে তা'ও॥

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

৮ লাইনের শেষে '?'।

মায়ার খেলা: সখী, সে গেল কোথায়

— তৃতীয় দৃশ্য —

— কানন —

— প্রমদার সখীগণ —

প্রথমা। সখী, সে গেল কোথায়,
তারে ডেকে নিয়ে আয়।

সকলে। দাঁড়াব ঘিরে তারে তরুতলায়।

প্রথমা। আজি এ মধুর সাঁঝে কাননে ফুলের মাঝে
হেসে হেসে বেড়াবে সে, দেখিব তায়।

দ্বিতীয়া। আকাশে তারা ফুটেছে, দখিনে বাতাস ছুটেছে,
পাখিটি ঘুমঘোরে গেয়ে উঠেছে।

প্রথমা। আয় লো আনন্দময়ী, মধুর বসন্ত লয়ে—

সকলে। লাবণ্য ফুটাবি লো, তরুলতায়॥

মায়ার খেলা: দে লো, সখী,

প্রমদা। দে লো, সখী, দে পরাইয়া গলে

সাধের বকুলফুলহার।

আধফুট জুঁইগুলি যতনে আনিয়ে তুলি

গাঁথি গাঁথি সাজায়ে দে মোরে

কবরী ভরিয়ে ফুলভার।

তুলে দে লো চঞ্চল কুন্তল,

কপোলে পড়িছে বারেবার॥

প্রথমা। আজি এত শোভা কেন,

আনন্দে বিবশা যেন-

দ্বিতীয়া। বিশ্বাধরে হাসি নাহি ধরে,

লাবণ্য ঝরিয়া পড়ে ধরাতলে!

প্রথমা। সখী, তোরা দেখে যা, দেখে যা-

তরুণ তনু এত রূপরাশি বহিতে পারে না বুঝি আর॥

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

১৭ লাইনের শেষে (প্রথমা) '।' এর বদলে '?' ২০ লাইনের শেষে '!' এর বদলে '।'

মায়ার খেলা: সখী, বহে গেল

তৃতীয়া। সখী, বহে গেল বেলা, শুধু হাসিখেলা

এ কি আর ভালো লাগে।

আকুল তিয়াষ, প্রেমের পিয়াস

প্রাণে কেন নাহি জাগে॥

কবে আর হবে থাকিতে জীবন

আঁখিতে আঁখিতে মদির মিলন-

মধুর হতাশে মধুর দহন

নিতি-নব অনুরাগে॥

সখী, তরল কোমল নয়নের জল

নয়নে উঠিবে ভাসি,

সে বিষাদনীরে নিবে যাবে ধীরে

প্রখর চপল হাসি।

উদাস নিশ্বাস আকুলি উঠিবে,

আশা-নিরাশায় পরান টুটিবে-

মরমের আলো কপোলে ফুটিবে

শরম-অরুণ রাগে॥

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

৪ লাইনের শেষে '।' => '?'

মায়ার খেলা: ওলো রেখে দে

প্রমদা। ওলো রেখে দে সখী, রেখে দে,
 মিছে কথা ভালোবাসা।
 সুখের বেদনা, সোহাগযাতনা-
 বুঝিতে পারি না ভাষা॥
 ফুলের বাঁধন, সাধের কাঁদন,
 পরান সাঁপিতে প্রাণের সাধন,
 'লহো-লহো' ব'লে পরে আরাধন-
 পরের চরণে আশা॥
 তিলেক দরশ পরশ মাগিয়া
 বরষ বরষ কাতরে জাগিয়া
 পরের মুখের হাসির লাগিয়া
 অশ্রুসাগরে ভাসা-
 জীবনের সুখ খুঁজিবারে গিয়া
 জীবনের সুখ নাশা॥

মায়ার খেলা: প্রেমের ফাঁদ পাতা

মায়াকুমারীগণ । প্রেমের ফাঁদ পাতা ভুবনে-

কে কোথা ধরা পড়ে কে জানে।

গরব সব হয় কখন টুটে যায়,

সলিল বহে যায় নয়নে।

এ সুখধরনীতে কেবলই চাহ নিতে,

জান না হবে দিতে আপনা-

সুখের ছায়া ফেলি কখন যাবে চলি,

বরিবে সাধ করি বেদনা।

কখন বাজে বাঁশি গরব যায় ভাসি,

পরান পড়ে আসি বাঁধনে॥

মায়ার খেলা: যেয়ো না, যেয়ো না

— কুমারের প্রবেশ —

প্রমদার প্রতি

কুমার। যেয়ো না, যেয়ো না ফিরে—

দাঁড়াও বারেক, দাঁড়াও হৃদয়-আসনে॥

চঞ্চলসমীরসম ফিরিছ কেন

কুসুমে কুসুমে, কাননে কাননে।

তোমায় ধরিতে চাহি, ধরিতে পারি নে,

তুমি গঠিত যেন স্বপনে—

এসো হে, তোমারে বারেক দেখি ভরিয়া আঁখি,

ধরিয়া রাখি যতনে॥

প্রাণের মাঝে তোমারে ঢাকিব,

ফুলের পাশে বাঁধিয়ে রাখিব—

তুমি দিবসনিশি রহিবে মিশি

কোমল প্রেমশয়নে॥

মায়ার খেলা: কে ডাকে। আমি কভু

প্রমদা। কে ডাকে! আমি কভু ফিরে নাহি চাই।

কত ফুল ফুটে উঠে কত ফুল যায় টুটে,
আমি শুধু বহে চলে যাই॥

পরশ পুলকরস-ভরা রেখে যাই, নাহি দিই ধরা।
উড়ে আসে ফুলবাস, লতাপাতা ফেলে শ্বাস,
বনে বনে উঠে হা-ছতাশ-

চকিতে শুনিতে শুধু পাই- চ'লে যাই॥
আমি কভু ফিরে নাহি চাই॥

মায়ার খেলা: এসেছি গো এসেছি

— অশোকের প্রবেশ —

অশোক। এসেছি গো এসেছি, মন দিতে এসেছি

যারে ভালো বেসেছি!

ফুলদলে ঢাকি মন যাব রাখি চরণে,
পাছে কঠিন ধরনী পায়ে বাজে-
রেখো রেখো চরণ ছদি-মাঝে-
নাহয় দ'লে যাবে, প্রাণ ব্যথা পাবে-
আমি তো ভেসেছি, অকূলে ভেসেছি॥

মায়ার খেলা: ওকে বলো, সখী

প্রমদা। ওকে বলো, সখী, বলো, কেন মিছে করে ছল-
 মিছে হাসি কেন সখী, মিছে আঁখিজল!
 জানি নে প্রেমের ধারা, ভয়ে তাই হই সারা-
 কে জানে কোথায় সুধা কোথা হলাহল।

সখীগণ। কাঁদিতে জানে না এরা, কাঁদাইতে জানে কল-
 মুখের বচন শুনে মিছে কী হইবে ফল।
 প্রেম নিয়ে শুধু খেলা- প্রাণ নিয়ে হেলাফেলা-
 ফিরে যাই এই বেলা, চলো সখী, চলো॥

— প্রস্থান —

মায়ার খেলা: আমি মিছে ঘুরি

— চতুর্থ দৃশ্য —

— কানন —

— অমর কুমার ও অশোক —

অমর। আমি মিছে ঘুরি এ জগতে কিসের পাকে,
 মনের বাসনা যত মনেই থাকে।
 বুঝিয়াছি এ নিখিলে চাহিলে কিছু না মিলে,
 এরা চাহিলে আপন মন গোপনে রাখে
 এত লোক আছে, কেহ কাছে না ডাকে॥

মায়ার খেলা: তারে দেখাতে পারি নে

অশোক। তারে দেখাতে পারি নে কেন প্রাণ খুলে গো।
 কেন বুঝাতে পারি নে হৃদয়বেদনা॥
 কেমনে সে হেসে চলে যায়,
 কোন প্রাণে ফিরেও না চায়—
 এত সাধ এত প্রেম করে অপমান॥
 এত ব্যথাভরা ভালোবাসা কেহ দেখে না—
 প্রাণে গোপনে রহিল।
 এ প্রেম কুসুম যদি হ'ত প্রাণ হতে ছিঁড়ে লইতাম,
 তার চরণে করিতাম দান।
 বুঝি সে তুলে নিত না, শূকাত অনাদরে,
 তবু তার সংশয় হ'ত অবসান॥

মায়ার খেলা: আমি জেনে শুনে

অশোক। আমি জেনে শুনে বিষ করেছি পান।
 প্রাণের আশা ছেড়ে সাঁপেছি প্রাণ।
 যতই দেখি তারে ততই দহি,
 আপন মনোজ্বালা নীরবে সহি,
 তবু পারি নে দূরে যেতে, মরিতে আসি-
 লই গো বুক পেতে অনলবাণ।
 যতই হাসি দিয়ে দহন করে
 ততই বাড়ে তৃষা প্রেমের তরে,
 প্রেম-অমৃতধারা যতই যাচি
 ততই করে প্রাণে অশনি দান॥

মায়ার খেলা: ভালোবেসে যদি

অমর। ভালোবেসে যদি সুখ নাহি

তবে কেন-

তবে কেন মিছে ভালোবাসা।

অশোক। মন দিয়ে মন পেতে চাহি।

অমর ও কুমার। ওগো, কেন

ওগো, কেন মিছে এ দুরাশা।

অশোক। হৃদয়ে জ্বালায়ে বাসনার শিখা,
নয়নে সাজায়ে মায়ামরীচিকা,
শুধু ঘুরে মরি মরুভূমে।

অমর ও কুমার। ওগো, কেন

ওগো, কেন মিছে এ পিপাসা॥

অমর। আপনি যে আছে আপনার কাছে
নিখিল জগতে কী অভাব আছে।
আছে মন্দ সমীরণ, পুষ্পবিভূষণ,
কোকিলকূজিত কুঞ্জ।

অমর। বিশ্বচরাচর লুপ্ত হয়ে যায়-
একি ঘোর প্রেম অন্ধ রাহু-প্রায়
জীবন যৌবন গ্রাসে।

অমর ও কুমার। তবে কেন-

তবে কেন মিছে এ কুয়াশা॥

মায়ার খেলা: দেখো চেয়ে দেখো

মায়াকুমারীগণ । দেখো চেয়ে দেখো ওই কে আসিছে
চাঁদের আলোতে কার হাসি হাসিছে।
হৃদয়দুয়ার খুলিয়ে দাও,
প্রাণের মাঝারে তুলিয়ে লও,
ফুলগন্ধ-সাথে তার সুবাস ভাসিছে॥

মায়ার খেলা: সুখে আছি, সুখে আছি

— প্রমদা ও সখীগণের প্রবেশ —

প্রমদা। সুখে আছি সুখে আছি সখা, আপনমনে।

প্রমদা ও সখীগণিকছু

। চেয়ো না, দূরে যেয়ো না,

শুধু চেয়ো দেখো, শুধু ঘিরে থাকো
কাছাকাছি॥

প্রমদা। সখা, নয়নে শুধু জানাবে প্রেম, নীরবে দিবে প্রাণ,
রচিয়া ললিতমধুর বাণী আড়ালে গাবে গান।
গোপনে তুলিয়া কুসুম গাঁথিয়া রেখে যাবে
মালাগাছি।

প্রমদা ও সখীগমনগ। চেয়ো না, শুধু চেয়ে থাকো,

শুধু ঘিরে থাকো কাছাকাছি॥

প্রমদা। মধুর জীবন, মধুর রজনী, মধুর মলয়বায়।

এই মাধুরীধারা বহিছে আপনি, কেহ কিছু নাহি
চায়।

আমি আপনার মাঝে আপনি হারা,
আপন সৌরভে সারা—

যেন আপনার মন আপনার প্রাণ
আপনারে সঁপিয়াছি॥

মায়ার খেলা: ভালোবেসে দুখ সেও

অশোক। ভালোবেসে দুখ সেও সুখ, সুখ নাহি আপনাতে।

প্রমদা ও সখীগণা। না না, সখা, মোরা ভুলি নে ছলনাতে।

অশোক। সুখের শিশির নিমেষে শুকায়, সুখ চেয়ে দুখ ভালো
আনো সজল বিমল প্রেম ছলছল
নলিননয়নপাতে।

প্রমদা ও সখীগণা। না না, সখা, মোরা ভুলি নে ছলনাতে।

কুমার। রবির কিরণে ফুটিয়া নলিনী আপনি টুটিয়া যায়,
সুখ পায় তায় সে।
চির কলিকাজনম কে করে বহন
চিরশিশিররাতে।

প্রমদা ও সখীগণা। না না, সখা, মোরা ভুলি নে ছলনাতে।

মায়ার খেলা: ওই কে গো হেসে

অমর। ওই কে গো হেসে চায়, চায় প্রাণের পানে।
 গোপন হৃদয়তলে কী জানি কিসের ছলে
 আলোক হানে।
 এ প্রাণ নূতন ক'রে কে যেন দেখালে মোরে,
 বাজিল মরমবীণা নূতন তানে।
 এ পুলক কোথা ছিল, প্রাণ ভরি বিকশিল-
 তৃষাভরা তৃষাহরা এ অমৃত কোথা ছিল।
 কোন চাঁদ হেসে চাহে, কোন পাখি গান গাহে,
 কোন সমীরণ বহে লতাবিতানে।

মায়ার খেলা: দূরে দাঁড়ায়ে আছে

প্রমদা। দূরে দাঁড়ায়ে আছে,

কেন আসে না কাছে।

ওলো যা, তোরা যা সখী, যা শুধা গে

ওই আকুল অধর আঁখি কী ধন যাচে।

সখীগণ। ছী, ওলো ছী, হল কী, ওলো সখী।

প্রথমা। লাজবান্ধ কে ভাঙিল, এত দিনে শরম টুটিল।

কেমনে যাব, কী শুধাব।

তৃতীয়া।

লাজে মরি, কী মনে করে পাছে।

প্রথমা। ওলো যা, তোরা যা সখী, যা শুধা গে

প্রমদা। ওই আকুল অধর আঁখি কী ধন যাচে॥

মায়াকুমারীগণ। প্রেমপাশে ধরা পড়েছে দুজনে

দেখো দেখো, সখী, চাহিয়া।

দুটি ফুল খসে ভেসে গেল ওই প্রণয়ের স্রোত বাহিয়া।

মায়ার খেলা: ওগো, দেখি আঁখি

অমরের প্রতি

সখীগণ। ওগো, দেখি আঁখি তুলে চাও-

তোমার চোখে কেন ঘুমঘোর।

অমর। আমি কী যেন করেছি পান-

কোন মদিরারসভোর।

আমার চোখে তাই ঘুমঘোর।

সখীগণ। ছি ছি ছী।

অমর। সখী, ক্ষতি কী।

এ ভবে কেহ জ্ঞানী অতি, কেহ ভোলামন-

কেহ সচেতন, কেহ অচেতন-

কাহারো নয়নে হাসির কিরণ,

কাহারো নয়নে লোর

আমার চোখে শুধু ঘুমঘোর।

সখীগণ। সখা, কেন গো অচলপ্রায়

হেথা দাঁড়ায়ে তরুছায়।

অমর। সখী, অবশ হৃদয়ভারে চরণ

চলিতে নাহি চায়,

তাই দাঁড়ায়ে তরুছায়।

সখীগণ। ছি ছি ছী।

অমর। সখী, ক্ষতি কী।

এ ভবে কেহ পড়ে থাকে, কেহ চলে যায়,
 কেহ বা আলসে চলিতে না চায়,
 কেহ বা আপনি স্বাধীন, কাহারো
 চরণে পড়েছে ডোর।
 কাহারে নয়নে লেগেছে ঘোর॥

মায়ার খেলা: ওকে বোঝা গেল না

সখীগণ। ওকে বোঝা গেল না- চলে আয়, চলে আয়।
 ও কী কথা যে বলে সখী, কী চোখে যে চায়।
 চলে আয়, চলে আয়।
 লাজ টুটে শেষে মরি লাজে মিছে কাজে।
 ধরা দিবে না যে বলো কে পারে তায়।
 আপনি সে জানে তার মন কোথায়।
 চলে আয়, চলে আয়॥
 — প্রস্থান —

মায়ার খেলা: প্রেমপাশে ধরা পড়েছে

মায়াকুমারীগণ । প্রেমপাশে ধরা পড়েছে দুজনে

দেখো দেখো, সখী, চাহিয়া!

দুটি ফুল খসে ভেসে গেল ওই

প্রণয়ের স্রোত বাহিয়া।

চাঁদিনী যামিনী, মধু সমীরণ,

আধো ঘুমঘোর, আধো জাগরণ,

চোখোচোখি হতে ঘটালে প্রমাদ

কুহস্বরে পিক গাহিয়া—

দেখো দেখো, সখী, চাহিয়া॥

মায়ার খেলা: দিবস রজনী আমি যেন

— পঞ্চম দৃশ্য —

— কানন —

অমর। দিবস রজনী আমি যেন কার
 আশায় আশায় থাকি।
 তাই চমকিত মন, চকিত শ্রবণ,
 তৃষিত আকুল আঁখি॥
 চঞ্চল হয়ে ঘুরিয়ে বেড়াই,
 সদা মনে হয় যদি দেখা পাই—
 ‘কে আসিছে’ বলে চমকিয়ে চাই
 কাননে ডাকিলে পাখি॥
 জাগরণে তারে না দেখিতে পাই,
 থাকি স্বপনের আশে—
 ঘুমের আড়ালে যদি ধরা দেয়
 বাঁধিব স্বপনপাশে।
 এত ভালোবাসি, এত যারে চাই,
 মনে হয় না তো সে যে কাছে নাই,
 যেন এ বাসনা ব্যাকুল আবেগে
 তাহারে আনিবে ডাকি॥

মায়ার খেলা: সখী, সাধ করে যাহা

— প্রমদা সখীগণ অশোক ও কুমারের প্রবেশ —

কুমার। সখী, সাধ করে যাহা দিবে তাই লইব।

সখীগণ। আহা, মরি মরি, সাধের ভিখারি,
তুমি মনে মনে চাহ প্রাণমন।

কুমার। দাও যদি ফুল, শিরে তুলে রাখিব।

সখী। দেয় যদি কাঁটা?

তাও সহিব।

কুমার।

আহা, মরি মরি, সাধের ভিখারি,

সখীগণ। তুমি মনে মনে চাহ প্রাণমন।

কুমার। যদি একবার চাও, সখী, মধুর নয়ানে
ওই আঁখি-সুধা-পানে চিরজীবন মাতি রহিব।

সখীগণ। যদি কঠিন কটাক্ষ মিলে?

কুমার। তাও হৃদয়ে বিঁধায়ে চিরজীবন বহিব।

আহা, মরি মরি, সাধের ভিখারি,

সখীগণ।

তুমি মনে মনে চাহ প্রাণমন॥

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

2, 7, 13 লাইনে ভিখারি ⇒ ভিখারী

মায়ার খেলা: আমি হৃদয়ের কথা

প্রমদা। আমি হৃদয়ের কথা বলিতে ব্যাকুল,
 শুধাইল না কেহ।
 সে তো এল না, যারে সাঁপিলাম
 এই প্রাণ মন দেহ॥
 সে কি মোর তরে পথ চাহে-
 সে কি বিরহগীত গাহে
 যার বাঁশরিধ্বনি শুনিয়ে
 আমি ত্যজিলাম গেহ॥

মায়ার খেলা: নিমেষের তরে

মায়াকুমারীগণ। নিমেষের তরে শরমে বাধিল, মরমের কথা হল না।
 জনমের তরে তাহারি লাগিয়ে রহিল মরমবেদনা॥
 চোখে চোখে সদা রাখিবারে সাধ-
 পলক পড়িল, ঘটিল বিষাদ-
 মেলিতে নয়ন মিলালো স্বপন এমনি প্রেমের ছলনা॥

মায়ার খেলা: ওগো সখী, দেখি দেখি

প্রমদার প্রতি

অশোক। ওগো সখী, দেখি দেখি মন কোথা আছে।

সখীগণ। কত কাতর হৃদয় ঘুরে ঘুরে হেরো কারে যাচে।
কী মধু, কী সুধা, কী সৌরভ,

অশোক।

কী রূপ রেখেছ লুকায়ে!

সখীগণ। কোন প্রভাতে কোন রবির আলোকে
দিবে খুলিয়ে কাহার কাছে!

অশোক। সে যদি না আসে এ জীবনে, এ কাননে পথ না পায়।

সখীগণ। যারা এসেছে তারা বসন্ত ফুরালে
নিরাশ প্রাণে ফেরে পাছে॥

মায়ার খেলা: এ তো খেলা নয়

প্রমদা। এ তো খেলা নয়, খেলা নয়।

এ যে হৃদয়দহনজ্বালা সখী॥

এ যে প্রাণভরা ব্যাকুলতা, গোপন মর্মের ব্যথা,

এ যে কাহার চরণোদ্দেশে জীবন মরণ ঢালা॥

কে যেন সতত মোরে ডাকিয়ে আকুল করে-

যাই-যাই করে প্রাণ যেতে পারি নে।

যে কথা বলিতে চাহি তা বুঝি বলিতে নাই-

কোথা যে নামায়ে রাখি, সখী, এ প্রেমের ডালা।

যতনে গাঁথিয়ে শেষে পরাতে পারি নে মালা॥

মায়ার খেলা: সে জন কে, সখী

প্রথমা সখী। সে জন কে, সখী, বোঝা গেছে
আমাদের সখী যারে মনপ্রাণ সঁপেছে।

দ্বিতীয়া ও তৃতীয়া। সে কে, কে, কে!

প্রথমা। ওই-যে তরুতলে বিনোদমালা গলে
না জানি কোন ছলে বসে রয়েছে।

দ্বিতীয়া। সখী, কী হবে—
ও কি কাছে আসিবে কভু! কথা কবে!

তৃতীয়া। ও কি প্রেম জানে! ও কি বাঁধন মানে!
ও কী মায়াগুণে মন লয়েছে।

দ্বিতীয়া। বিভল আঁখি তুলে আঁখিপানে চায়,
যেন কোন পথ ভুলে এল কোথায় ওগো!

তৃতীয়া। যেন কোন গানের স্বরে শ্রবণ আছে ভরে,
যেন কোন চাঁদের আলোয় মগন্থয়েছে॥

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

11 লাইনে যেন-কোন-পথ-ভুলে ⇒ যেন কী পথ ভুলে

মায়ার খেলা: ওই মধুর মুখ জাগে

অমর। ওই মধুর মুখ জাগে মনে।

ভুলিব না এ জীবনে, কী স্বপনে কী জাগরণে।

তুমি জান বা না জান

মনে সদা যেন মধুর বাঁশরি বাজে

হৃদয়ে সদা আছ ব'লে।

আমি প্রকাশিতে পারি নে,

শুধু চাহি কাতর নয়নে॥

মায়ার খেলা: তারে কেমনে ধরিবে

সখীগণ। তারে কেমনে ধরিবে, সখী, যদি ধরা দিলে।

প্রথমা। তারে কেমনে কাঁদাবে যদি আপনি কাঁদিলে।

যদি মন পেতে চাও মন রাখো গোপনে।

দ্বিতীয়া।

কে তারে বাঁধিবে তুমি আপনায় বাঁধিলে॥

তু

সকতীয়া।

ল। কাছে আসিলে তো কেহ কাছে রহে

না।

কথা কহিলে তো কেহ কথা কহে না।

প্রথমা। হাতে পেলে ভূমিতলে ফেলে চলে যায়।

দ্বিতীয়া। হাসিয়ে ফিরায় মুখ কাঁদিয়ে সাধিলে।

মায়ার খেলা: সকল হৃদয় দিয়ে

নিকটে আসিয়া প্রমদার প্রতি

অমর। সকল হৃদয় দিয়ে ভালোবেসেছি যারে

সে কি ফিরাতে পারে সখী!

সংসারবাহিরে থাকি, জানি নে কী ঘটে সংসারে।

কে জানে হেথায় প্রাণপণে প্রাণ যারে চায়

তারে পায় কি না পায়, জানি নে-

ভয়ে ভয়ে তাই এসেছি গো অজানা-হৃদয়-দ্বারে।

তোমার সকলই ভালোবাসি- ওই রূপরাশি,

ওই খেলা, ওই গান, ওই মধুহাসি।

ওই দিয়ে আছ ছেয়ে জীবন আমারি-

কোথায় তোমার সীমা ভুবনমাঝারে॥

মায়ার খেলা: তুমি কে গো, সখীরে

সখীগণ। তুমি কে গো, সখীরে কেন জানাও বাসনা।

দ্বিতীয়া। কে জানিতে চায় তুমি ভালোবাস কি ভালোবাস না।

হাসে চন্দ্রহাসে সন্ধ্যা, ফুল্ল কুঞ্জকানন,

প্রথমা।

হাসে হৃদয়বসন্তে বিকচ যৌবন।

তুমি কেন ফেল শ্বাস, তুমি কেন হাস না।

সকলে। এসেছ কি ভেঙে দিতে খেলা-

সখীতে সখীতে এই হৃদয়ের মেলা-

দ্বিতীয়া। আপন দুঃখ আপন ছায়া লয়ে যাও।

প্রথমা। জীবনের আনন্দপথ ছেড়ে দাঁড়াও।

দূর হতে করো পূজা হৃদয়কমল-আসনা॥

তৃতীয়া।

তবে সুখে থাকো সুখে থাকো- আমি যাই-
যাই।

অমর। সখী, ওরে ডাকো, মিছে খেলায় কাজ নাই।

প্রমদা। অধীরা হয়ো না, সখী,

সখীগণ। আশ মেটালে ফেরে না কেহ, আশ রাখিলে ফেরে।

হিলাম একেলা সেই আপন ভুবনে,

অমর।

এসেছি এ কোথায়।

হেথাকার পথ জানি নে- ফিরে যাই।
যদি সেই বিরামভবন ফিরে পাই।

— প্রস্থান —

প্রমদা। সখী, ওরে ডাকো ফিরে।

মিছে খেলা মিছে হেলা কাজ নাই।

সখীগণ। অধীরা হয়ো না, সখী,

আশ মেটালে ফেরে না কেহ, আশ রাখিলে
ফেরে॥

— প্রস্থান —

মায়ার খেলা: সেই শান্তিভবন

— ষষ্ঠ দৃশ্য —

— গৃহ —

— শান্তা। অমরের প্রবেশ —

অমর। সেই শান্তিভবন ভুবন কোথা গেল—

সেই রবি শশী তারা, সেই শোকশান্ত সন্ধ্যাসমীরণ,
সেই শোভা, সেই ছায়া, সেই স্বপন।

সেই আপন হৃদয়ে আপন বিরাম কোথা গেল,
গৃহহারা হৃদয় লবে কাহার শরণ।

শান্তার প্রতি

এসেছি ফিরিয়ে, জেনেছি তোমারে,

এনেছি হৃদয় তব পায়ে—

শীতল স্নেহসুধা করো দান,

দাও প্রেম, দাও শান্তি, দাও নূতন জীবন॥

মায়ার খেলা: কাছে ছিলে, দূরে গেলে

মায়াকুমারীগণ। কাছে ছিলে, দূরে গেলে, দূর হতে এসো কাছে।

ভুবন ভ্রমিলে তুমি, সে এখনো বসে আছে॥

ছিল না প্রেমের আলো, চিনিতে পারো নি
ভালো

এখন বিরহনলে প্রেমানল জ্বলিয়াছে॥

মায়ার খেলা: দেখো, সখা, ভুল করে

শান্তা। দেখো, সখা, ভুল করে ভালোবেসো না।

আমি ভালোবাসি ব'লে কাছে এসো না।

তুমি যাহে সুখী হও তাই করো সখা,

আমি সুখী হব ব'লে যেন হেসো না।

আপন বিরহ লয়ে আছি আমি ভালো-

কী হবে চির আঁধারে নিমেষের আলো!

আশা ছেড়ে ভেসে যাই, যা হবার হবে তাই-

আমার অদৃষ্টশ্রোতে তুমি ভেসো না॥

মায়ার খেলা: ভুল করেছি

অমর। ভুল করেছি, ভুল ভেঙেছে।

এবার জেগেছি, জেনেছি—

এবার আর ভুল নয়, ভুল নয়।

ফিরেছি মায়ার পিছে-পিছে।

জেনেছি স্বপন সব মিছে

বিঁধেছে বাসনা-কাঁটা প্রাণে—

এ তো ফুল নয়, ফুল নয়!

পাই যদি ভালোবাসা হেলা করিব না,

খেলা করিব না লয়ে মন।

ওই প্রেমময় প্রাণে লইব আশ্রয় সখী,

অতল সাগর এ সংসার—

এ তো কুল নয়, কুল নয়॥

মায়ার খেলা: অলি বার বার

— প্রমদার সখীগণের প্রবেশ —

দূর হইতে

সখীগণ। অলি বার বার ফিরে যায়,
অলি বার বার ফিরে আসে—
তবে তো ফুল বিকাশে॥

প্রথমা। কলি ফুটিতে চাহে ফোটে না, মরে লাজে, মরে ত্রাসে।
ভুলি মান অপমান দাও মন প্রাণ,
নিশিদিন রহো পাশে।

দ্বিতীয়া। ওগো, আশা ছেড়ে তবু আশা রেখে দাও
হৃদয়রতন-আশে॥

সকলে। ফিরে এসো ফিরে এসো, বন মোদিত ফুলবাসে।
আজি বিরহরজনী, ফুল্ল কুসুম শিশিরসলিলে
ভাসে॥

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

৭ লাইনের শেষে '।'

মায়ার খেলা: ওই কে আমায় দায় করেছ

অমর। ওই কে আমায় ফিরে ডাকে।

ফিরে যে এসেছে তারে কে মনে রাখে।

মায়াকুমারীগণ। বিদায় করেছ যারে নয়নজলে

এখন ফিরাবে তারে কিসের ছলে গো॥

আজি মধু সমীরণে নিশীথে কুসুমবনে

তারে কি পড়েছে মনে বকুলতলে?

এখন ফিরাবে তারে কিসের ছলে গো॥

অমর। আমি চলে এনু বলে কার বাজে ব্যথা।

কাহার মনের কথা মনেই থাকে।

আমি শুধু বুঝি, সখী, সরল ভাষা-

সরল হৃদয় আর সরল ভালোবাসা।

তোমাদের কত আছে, কত মন প্রাণ,

আমার হৃদয় নিয়ে ফেলো না বিপাকে॥

মায়াকুমারীগণ। সেদিনো তো মধুনিশি প্রাণে গিয়েছিল মিশি,

মুকুলিত দশ দিশি কুসুমদলে।

দুটি সোহাগের বাণী যদি হত কানাকানি,

যদি ওই মালাখানি পরাতে গলে!

এখন ফিরাবে তারে কিসের ছলে গো॥

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

14 লাইনে সেদিনো ⇒ সেদিন

মায়ার খেলা: না বুঝে কারে তুমি

অমরের প্রতি

শান্তা। না বুঝে কারে তুমি ভাসালে আঁখিজলে!

ওগো, কে আছে চাহিয়া শূন্য পথপানে,

কাহার জীবনে নাই সুখ, কাহার পরান জ্বলে!

পড় নি কাহার নয়নের ভাষা,

বোঝ নি কাহার মরমের আশা,

দেখ নি ফিরে-

কার ব্যাকুল প্রাণের সাধ এসেছ দ'লে॥

মায়ার খেলা: আমি করেও বুঝি নে

অমর। আমি করেও বুঝি নে, শুধু বুঝেছি তোমারে।
 তোমাতে পেয়েছি আলো সংশয়-আঁধারে।
 ফিরিয়াছি এ ভুবন, পাই নি তো কারো মন,
 গিয়েছি তোমারি শুধু মনের মাঝারে।
 এ সংসারে কে ফিরাবে- কে লইবে ডাকি
 আজিও বুঝিতে নারি, ভয়ে ভয়ে থাকি।
 কেবলই তোমারে জানি, বুঝেছি তোমার বাণী,
 তোমাতে পেয়েছি কুল অকুল পাথারে॥

— প্রস্থান —

মায়ার খেলা: প্রভাত হইল নিশি

সখীগণ। প্রভাত হইল নিশি কানন ঘুরে,
 বিরহবিধুর হিয়া মরিল বুঝে।
 ম্লান শশী অস্তে গেল, ম্লান হাসি মিলাইল-
 কাঁদিয়া উঠিল প্রাণ কাতর সুরে।

— প্রমদার প্রবেশ —

প্রমদা। চল সখী, চল তবে ঘরেতে ফিরে-
 যাক ভেসে ম্লান আঁখি নয়ননীরে।
 যাক ফেটে শূন্য প্রাণ, হোক আশা অবসান-
 হৃদয় যাহারে ডাকে থাক সে দূরে॥

— প্রস্থান —

মায়াকুমারীগণ। মধুরাতি পূর্ণিমার ফিরে আসে বার বার,
 সে জন ফেরে না আর যে গেছে চলে॥
 ছিল তিথি অনুকূল, শুধু নিমেষের ভুল-
 চিরদিন তৃষাকুল পরান জ্বলে।
 এখন ফিরাবে তারে কিসের ছলে গো॥

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

3 লাইনে অস্তে-গেল ⇒ অস্ত গেল' ৯ লাইনে মধুরাতি ⇒ মধুনিশি

মায়ার খেলা: এস' এস', বসন্ত

— সপ্তম দৃশ্য —

— কানন —

— অমর শান্তা অন্যান্য পুরনারী ও পৌরজন —

স্ত্রীগণ। এস' এস', বসন্ত, ধরাতলে।

আন' কুহকুহ কুহতান, প্রেমগান,
আন' গন্ধমদভরে অলস সমীরণ।
আন' নবযৌবনহিল্লোল, নব প্রাণ,
প্রফুল্ল নবীন বাসনা ধরাতলে।

পুরুষগণ। এস' থরথরকম্পিত মর্মরমুখরিত
নবপল্লবপুলকিত
ফুল-আকুল-মালতীবল্লি-বিতানে
সুখছায়ে, মধুবায়ে এস' এস'।
এস' অরুণচরণ কমলবরন
তরুণ উষার কোলে।
এস' জ্যোত্স্নাবিবস নিশীথে,
কলকল্লোল-তটিনী-তীরে-
সুখসুপ্ত সরসীনীরে এস' এস' ॥

স্ত্রীগণ। এস' যৌবনকাতর হৃদয়ে,
এস' মিলনসুখালস নয়নে,

এস' মধুর শরমমাঝারে,
 দাও বাহুতে বাহু বাঁধি,
 নবীন কুসুমপাশে রচি দাও নবীন মিলনবাঁধন॥

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

৪ লাইনে মালতীবল্লী ⇒ মালতীবল্লী

মায়ার খেলা: মধুর বসন্ত এসেছে

শান্তার প্রতি

অমর। মধুর বসন্ত এসেছে মধুর মিলন ঘটাতে।
 মধুর মলয়সমীরে মধুর মিলন রটাতে।
 কুহকলেখনী ছুটায় কুসুম তুলিছে ফুটায়,
 লিখিছে প্রণয়কাহিনী বিবিধ বরনছটাতে।
 হেরো পুরানো প্রাচীন ধরণী হয়েছে
 শ্যামলবরনী,
 যেন যৌবনপ্রবাহ ছুটেছে কালের শাসন
 টুটাতে।
 পুরানো বিরহ হানিছে নবীন মিলন আনিছে,
 নবীন বসন্ত আইল নবীন জীবন ফুটাতে॥

দ্র: দ্র: গীতবিতান (১৯৭৩) আর রচনাবলী (১৯৮৭) তে তফাত:

6 লাইনে যৌবনপ্রবাহ ছুটেছে ⇒ যৌবনস্রোত ছুটিছে

মায়ার খেলা: আজি আঁখি জুড়ালো

- স্ত্রীগণ।** আজি আঁখি জুড়ালো হেরিয়ে
মনোমোহন মিলনমাধুরী, যুগল মুরতি।
- পুরুষগণ।** ফুলগন্ধে পাগল করে, বাজে বাঁশরি উদাস স্বরে,
নিকুঞ্জ প্লাবিত চক্রে—
- স্ত্রীগণ।** তারি মাঝে মনোমোহন মিলনমাধুরী, যুগলমুরতি।
আনো আনো ফুলমালা, দাও দৌহে বাঁধিয়ে।
- পুরুষগণ।** হৃদয়ে পশিবে ফুলপাশ, অক্ষয় হবে প্রেমবন্ধন।
- স্ত্রীগণ।** চিরদিন হেরিব হে
মনোমোহন মিলনমাধুরী, যুগলমুরতি॥

মায়ার খেলা: এ কি স্বপন্

— প্রমদা ও সখীগণের প্রবেশ —

অমর। এ কি স্বপন্! এ কি মায়া!

এ কি প্রমদা! এ কি প্রমদার ছায়া!

প্রমদার প্রতি

শান্তা। আহা, কে গো তুমি মলিনবয়নে

আধোনিমীলিত নলিননয়নে

যেন আপনারি হৃদয়শয়নে

আপনি রয়েছ লীন।

পুরুষগণ। তোমা তরে সবে রয়েছে চাহিয়া,

তোমা লাগি পিক উঠিছে গাহিয়া,

ভিখারি সমীর কানন বাহিয়া

ফিরিতেছে সারা দিন।

অমর। এ কি স্বপন্! এ কি মায়া!

এ কি প্রমদা! এ কি প্রমদার ছায়া!

শান্তা। যেন শরতের মেঘখানি ভেসে

চাঁদের সভাতে দাঁড়ায়েছ এসে,

এখনি মিলাবে ল্লান হাসি হেসে—

কাঁদিয়া পড়িবে ঝরি।

পুরুষগণ। জাগিছে পূর্ণিমা পূর্ণ নীলাম্বরে,

কাননে চামেলি ফুটে থরে থরে,

হাসিটি কখন ফুটিবে অধরে
রয়েছি তিয়াষ ধরি।

অমর। এ কি স্বপন্! এ কি মায়া!
এ কি প্রমদা! এ কি প্রমদার ছায়া!

মায়ার খেলা: আহা, আজি এ বসন্তে

সখীগণ। আহা, আজি এ বসন্তে এত ফুল ফুটে,
এত বাঁশি বাজে, এত পাখি গায়,
সখীর হৃদয় কুসুমকোমল—
কার অনাদরে আজি ঝরে যায়!
কেন কাছে আস, কেন মিছে হাস,
কাছে যে আসিত সে তো আসিতে না চায়।
সুখে আছে যারা সুখে থাক তারা,
সুখের বসন্ত সুখে হোক সারা—
দুখিনী নারীর নয়নের নীর
সুখীজনে যেন দেখিতে না পায়।
তারা দেখেও দেখে না,
তারা বুঝেও বুঝে না,
তারা ফিরেও না চায়॥

মায়ার খেলা: আমি তো বুঝেছি সব

শান্তা। আমি তো বুঝেছি সব, যে বোঝে না-বোঝে,
 গোপনে হৃদয় দুটি কে কাহারে খোঁজে।
 আপনি বিরহ গড়ি আপনি রয়েছে পড়ি,
 বাসনা কাঁদিয়ে বসি হৃদয়সরোজে।
 আমি কেন মাঝে থেকে দুজনারে রাখি ঢেকে,
 এমন ভ্রমের তলে কেন থাকি মজে॥

মায়ার খেলা: এতদিন বুঝি নাই

প্রমদার প্রতি

অশোক। এতদিন বুঝি নাই, বুঝেছি ধীরে-
 ভালো যারে বাস তারে আনিব ফিরে।
 হৃদয়ে হৃদয় বাঁধা, দেখিতে না পায় আঁধা-
 নয়ন রয়েছে ঢাকা নয়ননীরে॥

মায়ার খেলা: চাঁদ হাসো, হাসো

শান্তা ও স্ত্রীগণ। চাঁদ হাসো, হাসো-

হারা হৃদয় দুটি ফিরে এসেছে।

পুরুষগণ। কত দুখে কত দূরে আঁধারসাগর ঘুরে

সোনার তরণী দুটি তীরে এসেছে।

মিলন দেখিবে বলে ফিরে বায়ু কুতূহলে,

চারি ধারে ফুলগুলি ঘিরে এসেছে।

সকলে। চাঁদ হাসো, হাসো-

হারা হৃদয় দুটি ফিরে এসেছে।

মায়ার খেলা: আর কেন, আর কেন

প্রমদা। আর কেন, আর কেন

দলিত কুসুমে বহে বসন্তসমীরণ।

ফুরায়ে গিয়েছে বেলা- এখন এ মিছে খেলা-

নিশান্তে মলিন দীপ কেন জ্বলে অকারণ।

সখীগণ। অশ্রু যবে ফুরায়েছে তখন মুছাতে এলে

অশ্রুভরা হাসিভরা নবীন নয়ন ফেলে!

প্রমদা। এই লও, এই ধরো- এ মালা তোমরা পরো-

এ খেলা তোমরা খেলো, সুখে থাকো অনুক্ষণ॥

মায়ার খেলা: এ ভাঙা সুখের মাঝে

অমর। এ ভাঙা সুখের মাঝে নয়নজলে
 এ মলিন মালা কে লইবে।
 স্নান আলো স্নান আশা হৃদয়তলে,
 এ চিরবিষাদ কে বহিবে।
 সুখনিশি অবসান- গেছে হাসি, গেছে গান-
 এখন এ ভাঙা প্রাণ লইয়া গলে
 নীরব নিরাশা কে সহিবে॥

মায়ার খেলা: যদি কেহ নাহি

শান্তা। যদি কেহ নাহি চায় আমি লইব,
 তোমার সকল দুখ আমি সহিব।
 আমার হৃদয় মন সব দিব বিসর্জন,
 তোমার হৃদয়ভার আমি বহিব।
 ভুল-ভাঙা দিবালোকে চাহিব তোমার চোখে-
 প্রশান্ত সুখের কথা আমি কহিব॥

— অমর ও শান্তার প্রস্থান —

মায়ার খেলা: দুখের মিলন টুটিবার

মায়াকুমারীগণ। দুখের মিলন টুটিবার নয়—

নাহি আর ভয়, নাহি সংশয়।
নয়নসলিলে যে হাসি ফুটে গো,
রয় তাহা রয় চিরদিন রয়॥

মায়ার খেলা: কেন এলি রে

প্রমদা। কেন এলি রে, ভালোবাসিলি, ভালোবাসা পেলি নে।

কেন সংসারেতে ঊঁকি মেরে চলে গেলি নে।

সখীগণ। সংসার কঠিন বড়ো— কারেও সে ডাকে না,
কারেও সে ধরে রাখে না।

যে থাকে সে থাকে আর যে যায় সে যায়—
কারো তরে ফিরেও না চায়।

প্রমদা। হায় হায়, এ সংসারে যদি না পুরিল

আজন্মের প্রাণের বাসনা,
চলে যাও ম্লানমুখে, ধীরে ধীরে ফিরে যাও—
থেকে যেতে কেহ বলিবে না।

তোমার ব্যথা তোমার অশ্রু তুমি নিয়ে যাবে—
আর তো কেহ অশ্রু ফেলিবে না॥

— প্রস্থান —

মায়ার খেলা: এরা সুখের লাগি চাহে

মায়াকুমারীগণ

সকলে। এরা সুখের লাগি চাহে প্রেম, প্রেম মেলে না।

প্রথমা। শুধু সুখ চলে যায়।

এমনি মায়ার ছলনা।

দ্বিতীয়া।

তৃতীয়া। এরা ভুলে যায়, কারে ছেড়ে কারে চায়।

সকলে। তাই কেঁদে কাটে নিশি, তাই দহে প্রাণ,
তাই মান অভিমান।

প্রথমা। তাই এত হায়-হায়।

দ্বিতীয়া। প্রেমে সুখ দুখ ভুলে তবে সুখ পায়।

সখী, চলো, গেল নিশি, স্বপন ফুরালো,

সকলে।

মিছে আর কেন বলো।

প্রথমা। শশী ঘুমের কুহক নিয়ে গেল অন্তাচল।

সকলে। সখী, চলো।

প্রেমের কাহিনী গান হয়ে গেল অবসান।

প্রথমা।

এখন কেহ হাসে, কেহ বসে ফেলে অশ্রুজল॥

দ্বিতীয়া।
